


**ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ**

ՀԱՅՈՑ ՊԱՏՄՈՒԹՅԱՆ ՀԱՐՑԵՐ

21



ԵՐԵՎԱՆ 2020



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

NATIONAL ACADEMY OF SCIENCES
OF THE REPUBLIC OF ARMENIA
INSTITUTE OF HISTORY

НАЦИОНАЛЬНАЯ АКАДЕМИЯ НАУК
РЕСПУБЛИКИ АРМЕНИЯ
ИНСТИТУТ ИСТОРИИ

ՀԱՅՈՑ ՊԱՏՄՈՒԹՅԱՆ ՀԱՐՅԵՐ
(ԳԻՏԱԿԱՆ ՀՈԴԿԱՃՆԵՐԻ ԺՈՂՈԿԱԾՈՒ)

THE PROBLEMS OF THE HISTORY OF ARMENIA
(A COLLECTION OF SCIENTIFIC ARTICLES)

ВОПРОСЫ ИСТОРИИ АРМЕНИИ
(СБОРНИК НАУЧНЫХ СТАТЕЙ)

21

ՍԵՍՐՈՊ ԱՐԶ. ԱՇԽԵԱՆ
ՄԱՏԵՆԱԾՐ
210



ARCH. MESROB ASHJIAN
BOOK SERIES

210

ԵՐԵՎԱՆ
2020



ПА 136

А 108.340

**Տպագրվում է ՀՀ ԳԱԱ պատմության ինստիտուտի
գիտական խորհրդի որոշմամբ:**

Խմբագրական խորհուրդ

Ա.Ա. Մելքոնյան (նախագահ), Կ.Հ. Խաչատրյան (նախագահի
տեղակալ), Ա.Ա. Խառնադյան, Հ.Կ. Սուքիասյան,
Ա.Ի. Շահնազարյան, Հ.Ղ. Մուրադյան, Վ.Ս. Սարգսյան
(պատ. քարտուղար)

Редакционная коллегия

А.А. Мелконян (председатель), К.Г. Хачатрян
(заместитель председателя), А.А. Харатян, А.К.
Сукиасян, А.И. Шахназарян, А.Г. Мурадян, В.С. Саргсян
(отв. секретарь)

Editorial board

A.A. Melkonyan (Chairman of the Board), K.H. Khachatryan
(Deputy Chairman of the Board), A.A. Kharatyan,
H.K. Sukiasyan, A.I. Shahnazaryan, H.Gh. Muradyan,
V.S. Sargsyan (Executive Secretary)

ՀՀ ԳԱԱ պատմության ինստիտուտի «Հայոց պատմության հարցեր» տա-
րեգրքի հերթական՝ 21-րդ համարում հրատարակվող հոդվածները սկզբնաղբ-
յույնների, արխիվային նյութերի, մամուլի հրապարակումների, հայրենի և հա-
մաշխարհային պատմագիտական գրականության լայն հենքի վրա լույս են
սփռում Հայոց իրեն և միջնադարյան, նոր և նորագույն ժամանակաշրջանների
պատմության առանձին հիմնահարցերի վրա:

Տարեգրքում հրատարակվում են նաև ՀՀ ԳԱԱ պատմության ինստիտուտի
երիտասարդ գիտաշխատողների խորհրդի 40-րդ գիտական նստաշրջանում
կարդացված որոշ գեկուցումներ:

ԿԱՐԵՆ Ս. ԹՈՒԱԹՅԱՆ

ԳԱԱ պատմության ինստիտուտ, պ.գ.թ.

ԳՈՐԾԻՔԸ, ՓՈԽԱԴՐԱՄԻՋՈՅԸ ԵՒ ԿԱՌՈՒՅՑՆԵՐԸ ՀԱՅԱՍՏԱՆԻ ԺԱՅՌԱՊԱՏԿԵՐՆԵՐՈՒՄ

Բռնալի բառեր՝ ժայռապատկեր, հնագիտություն, գործիք, փոխադրամիջոց, կացարան, կառույց:

Հայոց պատկերագրական մշակույթի վաղնջական շերտը՝ ժայռանկարները, հնավուրց անցյալի իրականն ու երևակայականն արտացոլող քարե «կտավներ» են, բնական և մարդածին իրողությունները գեղարվեստորեն արտացոլող միջոց ու ձև: Բնատարածքում ցարդ հայտնի բյուրավոր փորագրությունները վկայում են, որ մշակութային ինքնատիպ այս ասպարեզը համապարփակ արտահայտում է հայոց նախագրային շրջանի կյանքի և գործունեության բոլոր էական կողմերը: Արժեքավոր տեղեկություն է ամբարված շրջակա բնության, մարդկանց կյանքի, արհեստների և հմտությունների, արվեստի և գիտելիքների, հոգևոր աշխարհի՝ դիցամտածողության և աշխարհընկալման մասին:

Հայաստանի ժայռապատկերների բովանդակային բազմազանության մեջ որոշակիանում է չորս հիմնական ոլորտ՝ **բնություն, մարդու առօրյա, արարման արդյունքներ և ներաշխարհ**: Դրանցում առանձնացվում է 31 թեմային խումբ. տեղանքի տարր, երկնային լուսատու և երևույթ, Երկրագունդ, երկրային երևույթ, օդերևույթ, բույս, կենդանի, գյուղատնտեսություն, որս,

գազանամարտ, մարտարվեստ, մարզում, մրցախաղ, պար, զենք, գործիք, փոխադրամիջոց, շինվածք, կիրառական պատկեր, ուսուցման միջոց, խաղի պարագա, հագուստ, պաշտամունք, երևակայական էակ, ներպատկեր, դիմապատկեր, անորոշ պատկեր, զարդանախշ: Խորհրդանշան, տառանման նշան:

Այսպես դասակարգված բովանդակային խմբերի պատկերների մեծ մասը հարատևել է հայոց մշակույթի մյուս ոլորտներում՝ խեցեղենի, արձանիկի, բրոնզե գոտու և նվիրատվական թիթեղի, հարթաքանդակի, որմնանկարի, մանրանկարի իմաստաբանական հորինվածքում, կնիքի, զինանշանի և դրամի նկարվածքում, զենքի, խոյակի նախշազարդում, տարազում ու հյուսածո իրերում և լրացվել նորանոր նշաններով:

Ստորև ներկայացվում է իրար սերտ առնչվող հինգ խմբի ժայռապատկերների հակիրճ վերլուծություն:

1. Գործիք խմբում կենցաղի, տնտեսական գործունեության պարագաների և սյրտադրական հմտությունների պատկերներ են՝ արոր ու լծասարք, անիվ, ուկան, ցանց, սանդուղք, պարան, սանձ, բրիչ, եղան, քլունգ, մուրճ ևն: Ժայռապատկերներում հանդիպում են մի շարք զենքեր, որոնք կիրառվել են նաև աշխատանքային ոլորտներում՝ երկժանի, եռաժանի, կացին, մահակ, դանակ, օղապարան, Լռաձայր կեռիկ ևն:

Ստեղծած և կիրառած առարկան գրեթե միշտ պատկերված է մարդու ձեռքին կամ մարմնի մոտ. այլ դեպքերում այն կարող է համարվել խորհրդանշան: Գործիքները գրեթե նույն կերպ են երևում որմնանկարում, մանրանկարում, հարթաքանդակում, բրոնզե գոտու, բիսյնական շրջանի իրերի, խաչքարի և տապալանաքարի հորինվածքում:

2. Փոխադրամիջոց խմբում են երկսունի քառանիվ սայլի,

միասունի երկանվի, քաշանի և սահնակի, դահուկի պատկերները: Սրանք զուգահեռվում են Ն. Գետաշենի՝ 1908 թ. Ե. Լալայանի պեղած «իշխանական» սայլի¹, Լճաշենում 1956 թվականից պեղված փայտե հինգ քառանիվների և ինը երկանիվների հետ²:

Լեռնաշխարհում «նման սայլեր գոյություն են ունեցել դեռևս վաղ բրոնզի» փուլում, ինչի «փաստացի վկաներն են... սայլերի անիվների մանրակերտները (Շենգավիթ, Շրեշ բլուր, Հադիճ. Բեթի ևն)»³: Գտնվել են անվավոր միջոցների տասնյակ մանրակերտներ. 1946–1947 թթ. Մինգչաուրում՝ չորս կավե ծածկասայլ⁴, բրոնզե մարտակառքեր՝ երեքը 1956–1958 թթ. Լճաշենում⁵, մեկական՝ 1967 թ. Պառավաքարում⁶ և 1971 թ. Լոռիբեր-

¹ Տե՛ս Լալայան Ե., Դամբանների պեղումներ Խորհրդային Հայաստանում, Երևան. 1931, էջ 100–101, 194–198, նկ. 192–196:

² Տե՛ս Мнацаканян А.О., Раскопки курганов на побережье оз. Севан в 1956 г., Советская археология, 1957, 2, էջ 146, 148, նկ. 1, 8, նույնի՝ Древние повозки из курганов бронзового века на побережье оз. Севан, Советская археология, 1960, 2, էջ 139–152, նկ. 1–3, 6, 8–14, Մնացականյան Հ.Հ., Լճաշենի մշակույթի զարգացման հիմնական էտապները. Պատմա-բանասիրական հանդես (այսուհետև՝ ՊԲՀ), 1965, թիվ 2, էջ 102, 107, Есаян С.А., Из истории колесного транспорта Древней Армении, ՊԲՀ, 1960, թիվ 3, էջ 141–151, նույնի՝ Оружие и военное дело древней Армении (III–I тыс. до н.э.), Ереван, 1966, էջ 130–143, Պետրոսյան Լ., Հայոց ավանդական փոխադրամիջոցների պատմամշակութային աղբյուրները, Հայ ազգագրություն և բանասիրություն, 22, Երևան, 2007, էջ 241–246, 256, նույնի՝ Լճաշենի դամբանադաշտը (պարբերացում, ժամանակագրում), Հայաստանի հնագիտական հուշարձանները, 22, Երևան, 2018, էջ 128–133, Վարդանյան Բ., Անվավոր փոխադրամիջոցներով ուշ բրոնզեդարյան թաղումների սոցիալ-ժողովրդագրական հետազոտության խնդիրները Կուրսարաքյան միջագետքում, Երաբեր հասարակական գիտությունների, 2019, թիվ 1, էջ 335, աղ. 1, նույնի՝ Կուր-արաքյան միջագետքի ուշբրոնզեդարյան դամբանային համալիրների սոցիալ-ժողովրդագրական վերլուծության խնդիրները՝ ըստ Լճաշենի տվյալների (մ.թ.ա. 16–13 դդ.), Հնագիտության և ազգագրության ինստիտուտի աշխատություններ (այսուհետև՝ ՀԱԻՆ), 3, Երևան, 2019, էջ 73, աղ. 7:

³ Պետրոսյան Լ., Լճաշենի դամբանադաշտը (պարբերացում, ժամանակագրում), էջ 131:

⁴ Асланов Г.М., Вандов Р.М., Ионе Г.П., Древний Мингечаур (эпоха энеолита и бронзы), Баку, 1959, с. 128–131, рис. 98–101:

⁵ Мнацаканян, Раскопки курганов на побережье оз. Севан в 1956 г., Советская археология, с. 149–150, рис. 8, նույնի՝ Древние повозки из курганов бронзового века на побережье оз. Севан, с. 141–143, рис. 4–5, 7.

դի №7 դամբարանում⁷, ավելի քան երեք կավե սայլ՝ Հառիճում⁸:

Երկձի, եռաձի և քառաձի մարտակառք /biga, triga, quadriga/ է դրվագված Լոռիքերդի արծաթե գավաթի, բիայնական զինական իրերի՝ Արգիշտի Ա արքայի սաղավարտի (Կարմիր Բլուր), Սարդուր Բ արքայի կապարճի (Էրեբունի), Վերին Անձաւի վահանի, Ռուսախինիլի կնիքի (Հողաբերդ)⁹, բրոնզե գրտու (Ախթալա, Ստեփանավան, Լճաշեն, Աստղիբլուր) և Արշամ Ա և Արտավազդ Բ արքաների դրամների վրա, մանրանկարներում, հարթաքանդակներում¹⁰ ևն:

Ժայռապատկերներին նմանվող երկանիվ, քառանիվ սայլեր ու մարտակառքեր կան Ասորեստանի Սալմանասար III-ի (մ.թ.ա. 859-824 թթ.) պալատում՝ Իմգուր-Էնլիլի «Բալավարյան» դարպասների բրոնզե երեսվածքի դրվագներում՝ Վանի թագավորության արքայական քաղաք Արծաշկուի գրավման տեսարանում¹¹: Սայլին դրված կարասը ծնով ու չափերով մերձ է Կարմիր Բլուրում պեղվածներին, ինչը վկայում է, որ ավարառված փոխադրումի-

⁷ Есаян С.А., Минакаван А.О., Находки новых бронзовых статуэток в Армении, Советская археология, 1970, 2, с. 157-161, 168, рис. 1.

⁸ Ղևվեջյան Ս., Լոռի-բերդի ուշ բրոնզեդարյան մարտակառքը, ՊԲՀ, 1976, թիվ 1, էջ 209-220:

⁸ Хачатрян Т.С., Древняя культура Ширака: III-II тыс. до н.э., Ереван, 1975, с. 73-74.

⁹ Sten Lehmann-Haupt C. F., Materialien zur älteren Geschichte Armeniens und Mesopotamiens. Neue Folge, Bd. IX, 3, Berlin, 1907, էջ 108, նկ. 80. Пусторослов Б.Б., Ванское царство (Урагу), Москва, 1959, էջ 229, նկ. 75:

¹⁰ Աղլամսարի Ս. Խոսչ եկեղեցու իվ. պատի առագաստամանի հարթա քանդակի առթիվ տե՛ս Պետրոսյան Լ., Հայոց ավանդական փոխադրամիջոցների պատմամշակութային աղբյուրները, 2007, էջ 252, տախ. III, նկ. 1:

¹¹ King L. W. [ed.], Bronze reliefs from the gates of Shalmanaser, king of Assyria B.C. 860-825, London, 1915, աղ. VII, Schachner A., Bilder eines Weltreichs, Kunst- und Kulturhistorische Untersuchungen zu den Verzierungen eines Tores in Balawat (Imgur-Enlil) aus der Zeit von Salmanassar III, König von Assyrien (=Subartu XX), Turnhout (Belgium), 2007, էջ 311, աղ. 21ա, Riemschneider M., Das Reich am Ararat, Leipzig, 1965, էջ 26, Պետրոսյան Լ., Հայոց ավանդական փոխադրամիջոցների պատմամշակութային աղբյուրները, էջ 249-250, տախ. II-2:

ջոցը ևս Հայաստանյան ծագման է:

Զրային փոխադրամիջոց հիշեցնող հատուկենտ ժայռանկարները որոշակի չեն: Թեև, երբեմն դրանց ուրվագծերը նման են Շրեշ-բլրում և Մոխրաբլրում պեղված խեցեղենի՝ հորիզոնական և թեք ակուններով արված նավակաձև գծագարդին¹²:

3. Կառույց խմբում հիմնականում կացարանանման պատկերներ են: Գերակշռում է քառակողմ տեսակը, որի գծանկարի վերին մասում կարծես մուտք է նշված: Սա համադրելի է Քսենոփոնի նկարագրած՝ Կարինի գյուղական գետնափոր տան հետ¹³: Կացարան, բնակատեղի հիշեցնող ուղղանկյուն ու բոլորածև որոշ պատկերներ հիշեցնում են Շենգավթի և այլ հնավայրերի հատակաձևերը¹⁴: «Արդեն III հազ. հանդիպում են քառանկյուն տներ (Շենգավթի, Գառնի, Էլառ, Իմիրիս Գորա), մասամբ նաև՝ մի կողմով լանջի մեջ խրված»¹⁵: «Հայկական լեռնաշխարհի վաղ բրոնզեդարյան բնակատեղիները կառուցվել են որոշակի պլանով և նրանց բնորոշ են կենտրոնական կլոր կացարանով ու հարակից բազմաթիվ սենյակներով, տնտեսական նշանակություն ունեցող շինություններով կազմված կոմպլեքսներ»¹⁶: Ժայռանկարները համադրելի են մ.թ.ա. VII–VI հազ. Լեռնագոգ¹⁷,

¹² Տե՛ս Խանգաղյան Է.Վ., Հայկական լեռնաշխարհի մշակույթը մթա III հազարամյակում, Երևան, 1967, էջ 72, աղ. XX:

¹³ «Տներն սյառեղ գետնափոր էին. մուտքը ինչպես ջրհորի բերան. իսկ ներքևի մասը՝ ընդարձակ» (Քսենոփոն, Անտրապիա, թարգմ. Ս. Կրկյաշարյանի, Երևան, 1970, V.25, էջ 97, տե՛ս նաև Վարդանյան Ս., Հայկական ժողովրդական բնակելի տների ճարտարապետություն, Երևան, 1959, էջ 26–32):

¹⁴ Տե՛ս Հայկական ճարտարապետության պատմություն, հ. 1, Երևան, 1996, էջ 41–44, աղ. 5, Գևորգի Ա., Հայաստանի Կուր-արարայան մշակույթի ուղղանկյուն հատակագծով կացարանները և նրանց տարածման սահմանները, Բաները Երևանի համալսարանի, 1994, թիվ 3 (84), էջ 22–32:

¹⁵ Գրիգորյան Ա., Խորհրդանշանային մտածողությունը հայկական ճարտարապետությունում, Երևան, 2005, էջ 39, աղ. 26:

¹⁶ Խանգաղյան Է.Վ., նշվ. աշխ., էջ 100:

¹⁷ Տե՛ս Arimura M., Petrosyan A., Arakelyan D., Nahapetyan S., Gasparyan B.,

Առատաշեն¹⁸, Ակնաշեն¹⁹, Մասիս Բլուր²⁰, մ.թ.ա. V–IV հազ. Թեղուտ²¹, մ.թ.ա. IV հազ. Գեղարուտ²², մ.թ.ա. III–II հազ. Ագարակ²³ բնակատեղիներում պեղված շինվածքների հատակագծերի, նաև՝ Հին Հայաստանի մի շարք տաճարների ձևերի հետ:

Առհասարակ, որևէ իրի, կառույցի, կացարանի ստեղծումն արդեն առկա պատկերացումների արդյունք է²⁴: Ըստ ճարտարապետ Ա. Գրիգորյանի՝ «եթե բնակարանը թվագրվում է VI–III հազ., ապա ժայռապատկերների հնագույն տեսակները կամ դրանց պատկերացումները ավելի վաղ պետք է լինեն»²⁵: Տեսաբանը հիմնավորում է, որ «հեթանոսական մեհյանները... հորինվածքային ձևերով վերարտադրում են... ավելի վաղ հորինվածքները՝ բլուր-տաճարները, որոնք... խտացրել են մեկ այլ նախա-

A preliminary report on the 2015 and 2017 field seasons at the Lernagot-I site in Armenia.- Արամազդ (Aramazd), XII, 1, էջ 1–18, 184:

¹⁸ Տե՛ս Բաճալյան Բ., Ավետիսյան Ս., Լոմբարձ Ս., Շատենյե Կ., Поселение Араташен. Հին Հայաստանի մշակույթը, XIII, 2005, էջ 34–41:

¹⁹ Տե՛ս Badalyan R. S., Harutyunyan A. A., Chataigner C., Le Mort F., Chahot J., Brochier J. E., Balasescu A., Radu V., Hovsepyan R., The Settlement of Aknashen-Khatunarkh, a Neolithic Site in the Ararat Plain (Armenia): Excavation results 2004–2009.- TÜBA-AR 13, 2010, էջ 185–218:

²⁰ Տե՛ս Martirosyan-Olshansky K., Areshian G., Avetisyan P., Hayrapetyan A., Masis Blur: A Late Neolithic Settlement in the Plain of Ararat, Armenia.- Backdirt: Annual Review of the Cotsen Institute of Archaeology at UCLA, 2013, էջ 142–146:

²¹ Տե՛ս Թորոսյան Ռ., Թեղուտի վաղ երկրագործական բնակավայրը (մ.թ.ա. IV հազարամյակ), Երևան, 1976:

²² Տե՛ս Badalyan R. S., Avetisyan P. S., Bronze and Early Iron Age Archaeological Sites in Armenia. I. Mt. Aragats and its Surrounding Region. BAR International Series 1697. Oxford, 2007, էջ 98–111, Բաճալյան Բ., Տիտ Ա., Поселение Гехарот: основные результаты раскопок 2005–2006 гг., Հին Հայաստանի մշակույթը, XIV, Երևան, 2008, էջ 45–68:

²³ Տե՛ս Badalyan R. S., Avetisyan P. S., նշվ. աշխ., էջ 24–33:

²⁴ Հր. Աճառյանը նշում է՝ «զաղափարները բառից առաջ են, ...առարկան կամ գործողությունը պիտի ստանար իր անունը ...այն ժամանակ, երբ մարդը հառած է արդեն նրան գիտակցելու կարողության» (Աճառյան Հր., Լիակատար քերականություն հայոց լեզվի, Երևան, 2005, էջ 143–144):

²⁵ Գրիգորյան Ա., Խորհրդանշանային մտածողությունը հայկական ճարտարապետությունում, էջ 19, աղ. 3. 5–6, 23, 49–50:

տիպի կերպարային առանձնահատկությունները (սար, գագաթ, երկիր-երկինք կապ և այլն)»: Նա վկայակոչում է Թ. Թորամանյանի, Ա. Քալանթարի, Խ. Սամուելյանի, Ս. Սարգսյանի տեղեկություններն²⁶ առ այն, որ մինչբիայնական փուլում «Հայկական լեռնաշխարհում գոյություն են ունեցել բլուր-տաճար պայմանական անվանումով ճարտարապետական պաշտամունքային կառույցներ»²⁷:

Դեռևս Խ. Սամուելյանն էր նշել հսկայակերտ կառույցների եզակի յուրահատկությունը. «բաղկացած են լինում մի քանի շարք, 3–4–5, համակենտրոն պարիսպներից, որոնք շրջապատում են բլրի լանջերը և ապա գագաթի վրա վերջավորվում են միջնաբերդով: Բացի այդ՝ հիշյալ ամրությունների առանձնահատուկ գիծը... այն շառավիղաձև պատաշարերն են, որոնք ձգվում են գագաթից լանջն ի վայր դեպի բլրի ստորոտները: Այս տիպի կիկլոպիկ ամրոցները Թ. Թորամանյանը վերագրել է նեոլիթի դարաշրջանին²⁸, որը հավանական ենք գտնում»²⁹:

Այս առումով ուշագրավ է ժայռապատկերներում երբեմն հանդիպող աստիճանաբրգատեսք նշանը /աղ. 153₁₋₂, 15₁₂/, որի

²⁶ Տե՛ս Թորամանեան Թ., Նախաքրիստոնէական հայ ճարտարապետութիւն, Բանբեր Հայաստանի գիտական ինստիտուտի. գիրք Ա և Բ, Վաղարշապատ, 1921–1922, էջ 207–225. Քալանթար Աշխ., Քարե դարը Հայաստանում, «Նորք» գրական, գիտական և քաղաքական հանդես, գիրք 5–6. Երևան, 1925, էջ 211–219, նույնի՝ Հայաստան՝ Քարե դարից միջնադար. Երկերի ժողովածու, Երևան, 2007, էջ 198–206. Սամուելյան Խ., Հին Հայաստանի կուլտուրան. պատմական ակնարկներ, Խ. III, Բրոնզե ու վաղագույն երկաթե դար, սոցիալական կուլտուրա, Երևան, 1941, էջ 35–36, Սարգսյան Ս.Հ., Հայաստանը քաղաքակրթության օրրան, Երևան, 2004, էջ 443:

²⁷ Գրիգորյան Ա., Խաչատակի աստիճանաձև հորինվածքների խորհրդաբանական ստուգաբանությունը երկիր-երկինք բնափիլիսոփայական ընկալումների համատեքստում.- Շիրակի հայագիտական հետազոտությունների կենտրոն. Գիտական աշխատություններ, XX, Գյումրի, 2017, էջ 19:

²⁸ Տե՛ս Թորամանեան Թ., Նախաքրիստոնէական հայ ճարտարապետութիւն, էջ 216:

²⁹ Սամուելյան Խ., նշվ. աշխ., էջ 36:

համադրումը բլուր-տաճարի հետ կարող է լույս սփռել նաև մ.թ.ա. XIV–IX դդ միջագետքյան գիկուրատ (աքադ.՝ *ziqqratu* – *բարձունք, լեռան գագաթ*) կոչված բրգաձև կառույցների ծագումնաբանության խնդրում: Շիրակի մարզի Լեռնակերտ /Շիրվանճուղ/ գյուղից 1.5 կմ արմ. կողմում գտնվող «...Վարի բերդ անվանածը, իր լերկ գագաթով փոքր սենյականման շինվածքով, արտակարգ լայն արևմտյան դռնով, դեպի գագաթ բարձրանալու համար հասարակաց լայն ճանապարհով, նաև ներքևը հեռվից մի աստիճանավոր բուրգի նմանությամբ և շուրջը ընդարձակ դատարկությամբ Ziggurat-ի բոլոր բնական և արվեստական հատկություններ ունի»³⁰: «Մի քիչ հեռվից ամբողջ սարը մի եգիպտական աստիճանավոր բուրգի կամ ասորա-քաղդեական **գիկկուռայի** կնմանի: ...Կամ դեռ բոլորովին չէր վերջացած այս հսկայական բուրգի շինությունը և կամ գագաթը հաստով էր միմիայն կրոնական արարողությունների, ու շինությունների համար կարիք չէր զգացվել. այս վերջինս ինձ հավանական կթվի նախնադարյան շրջանի մարդկանց հավատալիքները և բացօթյա սարերի գլխին կատարված կրոնական արարողությունները ի նկատի ունենալով»³¹:

Ժայռապատկերներում երբեմն հանդիպում են աշտարակա-տեսք՝ երկարուկ, հատած կոնի ձևով նշաններ, որոնք իրական աշտարակի³² են նմանվում և համադրելի են բրոնզե դրվագված

³⁰ Թորամանյան Թ. Նյութեր հայկական ճարտարապետության պատմության. աշխատությունների ժողովածու, կազմեց և հրատ. պատրաստեց Կարո Ղաֆադարյան, Նյւ., 1942, էջ 30, **նույնի**՝ Երևան, 2013, I, էջ 56:

³¹ Թորամանյան Թ. Նյութեր հայկական ճարտարապետության պատմության. աշխատությունների II ժողովածու, կազմեց և հրատ. պատրաստեց Կարո Ղաֆադարյան, Նյւ., 1948, էջ 245–246, **նույնի**՝ Երևան, 2013, II, էջ 291–292:

³² Վերին Անձալ, Պատեոց և այլ վայրերի՝ Խաղիին ձոնված աշտարակաձև տաճարների մասին տե՛ս Բադալյան Մ., Տիրարաուի պիցարանի գերագույն եռյակը (պաշտամունք, խորհրդանշաններ, պատկերագրություն) րատ հեռագիտական սկզբ-

իրերի, որսնանկարի, ոսկրե թիթեղի (Կարմիր Բլուր), դրամի³³ և հարթաքանդակի հորինվածքներին: Կա մուտք, անձավ, փարախ, կամարաձև դարպաս կամ կամուրջ հիշեցնող մի քանի ժայռանկար: Նկատելի են պաշտամունքային կառույցին բնորոշ մանրամասներ՝ թմբուկ, գմբեթ, նաև՝ երկթեք տանիքի («սագաշեն») նմանվող ժայռապատկեր, որի աղերսն ակնառու է Աստղիբլուր ամրոցի տաճարից 1966 թ. գտնված երկհարկ տաճարի մ.թ.ա. VI դ. կավե մանրակերտի հետ³⁴:

Բիայնսկան Հողաբլուր ամրոցում պեղված մ.թ.ա. VII դ. բրոնզե թիթեղ-մանրակերտում³⁵ եռահարկ շենք է դրվագված, որպիսին պատկերավոր նկարագրել է Պատմահայրը. «ապարանս ի պէս պէս քարանց և ի գունից զարդարեալս, կրկնալարկս և եռայարկս: Հիշատակել է նաև Վանի ամրաշինական կառույցները՝ ամրագունիք պարսպօք, հանդերձ դրամբք պղնձակերտիք»³⁶: Նման շենքեր կան Բալավաթյան դարպասների՝ մ.թ.ա. 859 և 857 թթ. արքայական քաղաք Արծաշկուի

հաղթությունների, աստեղախոսություն, Երևան, 2015, էջ 40–41: Արագածոտնի մարզում հետազոտված աշտարակների մասին տես Մկրտչյան Լ., Նորահայտ աշտարակափայ կառույցներ Արագածոտնի մարզում.- Արագածի թիկունքում, Երևան, 2018, էջ 69–77:

³³ Առամնուպոր, աշտարակաձև թուփ է պատկերված Անտիոքոս Գ. արքայի դրամի դարձերևին (72 թ.):

³⁴ Այս. և Կալմոն ընդդ. Գալատի (Երվ. Լալայանի պեղում). Մոսկույցուղի մանրակերտների մասին տես Есаян С.А., Древняя культура племен Северо-восточной Армении (III-I тыс. до н.э.), Ереван, 1976, էջ 43, 229–235, աղ. 29, 150:

³⁵ Плотников Б.Б., նշվ. աշխ., էջ 204, նկ. 57. Reimschneider M., նշվ. աշխ. նկ. 29. Vartke R.-B., Urartu: Das Reich am Ararat.- Kulturgeschichte der Antiken Welt. Bd. 59, Mainz, 1993, էջ 56, աղ. 28: Երիտանական թանգարանի թիթեղի, և առհասարակ՝ րիսյանական բազմահարկերի մասին տես Հայկական ճարտարապետության պատմություն, էջ 126–128, 137–138:

³⁶ Մովսիսի Խորենացու Պատմություն Հայոց, Երևան, 1991, գիրք 1, ԺՁ, էջ 53, տես նաև Հարությունյան Վ., Հին Աշխարհի ճարտարապետություն, Երևան, 1978, էջ 51–54. Հմայակյան Ս.Գ., Վանի թագավորության պետական կրոնը, Երևան, 1990, էջ 65–74. Հայկական ճարտարապետության պատմություն, էջ 90

(Արճեշ ?) և Գիլգանուի գրավման դրվագներում³⁷:

Այս ժայռանկարները հաճախ զուգակցված են տեղսյնքի քնական ու մարդածին տարրերին (գետ, լիճ, առու, աղբյուր, արահետ, բլուր, անձավ, ծառ, կրոմլեխ, ցանկապատ, սյուն ևն) և հատկապես՝ գործունեության նախորդ երկու՝ գործիք, փոխադրամիջոց ոլորտներին առնչվող պատկերներին: Յուրաքանչյուր կառույցի իրականացման հիմքում տեխնիկա-տեխնոլոգիական հնարավորություններն են՝ աշխատանքի գործիքների, փոխադրամիջոցների ու հաղորդակցության ուղիների առկայություն և դրանց զարգացման համապատասխան աստիճան: Հարկ է համարել, որ կառույցի մտահղացումը, հավանաբար նաև՝ վերջնական, իրականացված վիճակը կարող էր պատկերվել քարին³⁸: Դիտվող սյուժետային կապերը պայմանավորված են նաև գործառության առնչություններով, ինչը դրսևորված է գործիք, փոխադրամիջոց և տարածքի կազմակերպում (ձևափոխում, հարմարեցում) ցուցադրող պատկերների առկայությամբ: Սա առավել նկատելի է հետևյալ երկու խմբում:

4. Կիրառական պատկեր խմբում են մարդու գիտաճանաչողական մտքի՝ կենսափորձային ու գիտական գիտելիքի դրսևորումները.

ա) Երկրի կողմեր նշող կողմնացույցներ՝ ուղղակիորեն խաչանշանի, կամ արևածագի ու մայրամուտի կետերի դիրքերով:

բ) Տեղանքի կողմնորոշիչ տարրերի նշումներ՝ հատակագիծ, «քարտեզ»: Կա արահետ ու ճանապարհ, առու, աղբյուր, գետ, լիճ, անձավ, ժայռ, լեռ, բլուր, ծառ ևն:

³⁷ King L. W., նշվ. աշխ., աղ. VIII–IX, XXXVII, XXXIX, Schachner A., նշվ. աշխ., էջ 311–312, 327–328, աղ. 21բ, 22ա, 39ա, 40ա:

³⁸ Տե՛ս Շախմուրադյան Մ.Ս., «Անապատի օդապարուկների» կառուցվածքի և ձևերի քննություն, ՀՄԻՎ, 3, էջ 23, 226, նկ. 1:

գ) Տարածքի մասնակի տարանջատման, սահմանագատման, գործառության շրջանացման³⁹ ու կառուցապատման գծագիր՝ ծուղակ, որոգայթ, դարան, թակարդափոս, որսատեղ, փարախ, մշակովի հողամաս, ոռոգման ցանց ևն:

5. Ուսուցման և հաշվանքի միջոց խմբում են կետ, գիծ, անկյուն, զուգահեռ գծեր, օղակ, աստղ, պարույր, բազմանկյունի, ցանցահիմք փորագրություն, բուսա-երկրաչափական այլ նշանների շարքեր ու խմբեր⁴⁰: Հաշվողա-թվաբանական ունակության այս պարզագույն դրսևորումները կարող էին ծառայել որպես ուսուցման պարագա, նաև՝ ինչ-ինչ իրողությունների քանակի արտահայտման համար⁴¹: Այդպիսիք առկա են խեցեղենի, բրոնզե, փայտե և հյուսածո իրերի, որմնանկարի, մանրանկարի, հարթաքանդակի և սպասքի հորինվածքում և զարդանախշում:

Այսպիսով, քննարկված հինգ խմբերում ներառված պատկերներն իրենց գործառությամբ մի ամբողջություն են կազմում, որը լիարժեք միավորում է նախնյաց կառուցողական գործունեության ոլորտները: Կենսատարածքի հարմարեցման, յուրացման ու կառուցապատման խնդիրները հնուց ի վեր սերտ առնչվել են նաև հաղորդակցության ուղիներին, փոխադրամիջոցներին և աշխատանքի գործիքներին: Սրանց տեսքերն արտացոլված են նաև Հայաստանի ժայռապատկերներում:


³⁹ Մամուլիորապետ՝ սրբազնացված, պաշտամունքային տարածքի նշումը: Հալմանական է, նաև վտանգավոր, աղետարժեք վայրերի (սեյսմաիտուն, հեղեղատ, փոս, ձևահոսքի, քարաթափի տեղ) տեղանշումը (Կ.Թ.):

⁴⁰ Կետ, օղակ, գծիկ, սեպ, եռանկյուն, սլաք, խաչ, աստղ, ափք, տերև, պարույր, արևանշան և ն (Կ. Թ.):

⁴¹ Այս եղանակը տարածված էր Հին Աշխարհում. *լատ. calx «կիր», որից calculi «խիհի կոտորանք», որուցով երևիսաներին հաշիվ էին սովորեցնում, որից և calculus «հաշիվ» (Աճառյան Հր., նշվ. աշխ., էջ 14):*




գործիչներ





անիսներ



որմանկար. Էրեբունի




ցաւց, ուռկան, սանդուղ, աստիճան, շարվածք (?)




«Երկնային սանդուղ»




«Երկնային սանդուղ». Սաթ լեռներ




Արագած



բրոնզե գոտի. Մոնփանսկան





քառակի (երկսունի) սայլ



երկակի (միասունի) սայլ

մարտակառք (?)



սայլանման փոխադրամիջոց



ծածկակառք (?)



սահսակ




«երկևային նավակ»



քաշաններ





կամաշակապ փայտե կառք




երկանիվ, բրոնզե գոտի
Լճաշեն, մ.թ.ա. XV դ.



մարտակառքի մանրակերտ
բրոնզ, Լճաշեն, մ.թ.ա. XIV դ.



երկանիվ մարտակառքեր, բրոնզե գոտի, Ստեփանավան



մարտակառքի մանրակերտ
Պառավաքար, մ.թ.ա. IX դ.




սալլ. Բալավաթյան դարպասներ, մ.թ.ա. 860 թ.



ծիսական կառքով
երթ

կնքադրոշմ, Ռուսախինի, մ.թ.ա. VIII դ.



բրոնզե սալլանման առարկա.
Լոռիքերդ, մ.թ.ա. XIV դ.



մարտակառք. Արգիշտի Ա-ի
սաղավարտ. Էրեբունի



քառաձի մարտակառք.
բրոնզե գոտի, Մստոյիբուր



ծածկասալլի կապե մանրակերտ.




մանրանկառքեր. Դոմ, XVI դ.



Կիլիկիա, 1286 թ.



Մխթամար





փարախներ



այծ, տուն (?)



կացարան




կացարաններ

շումերական
սալիկ



կացարանախումբ. բնակատեղի կամ կրոմլեխ

Էրեբունի
«Սուսի» տաճար



մ թ.ա VI հազ կացարաններ, Ակնաշեն, Սոստաշեն, Սասիս Բլուր

բնակատեղի, մ թ.ա
IV հազ. Շենգավիթ





պաշտամունքային կառույց. Սաթ, Գավ.տաակ



աշտարակ




Ճղուկ, Գեղամա լեռներ



երկհարկ տաճար



մանրակերտ. Աստուրիբուր, մ.թ.ա. VI դ.



բրոնզե գոտի, Կասի շրջան (?)



որմասնկար, Էրեբունի


թիթեղ-մանրակերտ
Յողաբուր, մ.թ.ա. VII դ.




տաճար, մ.թ.ա. IX դ.
Բալավաթյան դարպաս



բրոնզե թաս, Կարմիր բլուր



աշտարակաձև թագ, Աստիղոս Դ-ի դրամ, մ.թ. 72 թ.



կամուրջ կամ դարպաս, կամար, Ճղուկ



կամարազարդ խոյակ, Չորոտ՝ Արզական, XIII դ.





Երկրի կողմեր



Երկրագնդի չորս կողմեր



Արևածագի և արևամուտի նշաններ



Արևածագի և արևամուտի նշաններ



Սայանյան կիրճ, Վերին Ենիսեյի ավազան
«Կողմնացույց» կոչվող քար: Ենթադրաբար՝ պատկերված է լեռան ստորոտում ճանապարհ

**Карен С. Тохатян, Институт истории НАН РА, к.и.н.,
Инструменты, средства передвижения и постройки в наскальных изображениях Армении.**

Задачи освоения и застройки среды обитания издавна были тесно связаны с рабочими инструментами, транспортом, водными путями и дорогами. Их виды отражены в петроглифах Армении. Люди, инструмент, средства передвижения и постройки часто изображены вместе, что свидетельствует о важной роли этих компонентов строительной сферы в древности.

**Karen S. Tokhatyan, Institute of History of the NAS RA,
Candidate of Sciences in History, Implements, transportation
means and constructions in rock-carvings of Armenia.**

Since ancient times the problems of appropriation and development of habitat have been closely related to tools, transport, waterways and roads. The types thereof are reflected in the rock-carvings of Armenia. People, tools, transportation means and structures are often depicted together, which attests to and underlines the important role of these components of construction activity in ancient times.

ՀԱՅԿԱՐԱՄ Հ. ՀԱԿՈԲՅԱՆ

ԳԱԱ պատմության ինստիտուտ, պ.գ.թ.

ՔՐԻՍՏՈՆԵՈՒԹՅԱՆ ՀԱՍՏԱՏՈՒՄԸ ՄԵԾ ՀԱՅՔԻ
ՊԵՏԱԿԱՆ ԿԱՌԱՎԱՐՄԱՆ ՀԱՄԱԿԱՐԳՈՒՄ

*Քանալի բառեր*¹ պետական համակարգ, արքայական իշխանություն, կրոն, Հայ եկեղեցի, հոգևոր դաս, մեծ դատավոր, օրենսդիր իշխանություն:

Քրիստոնեության՝ Մեծ Հայքի պետական համակարգ մուտք գործելու ժամանակ հայոց թագավորությունը կանգնած էր իր լինելիությանը սպառնացող հարևան երկու գերտերությունների ստեղծած վտանգի առջև: III դարից սկսած Սասանյան արքաները Մեծ Հայքում իրենց տիրապետության շրջանում (261–293 թթ.) փորձ կատարեցին նախ տարածել զրադաշտականությունը, իսկ դրանից հետո խրախուսում էին կենտրոնախույս ուժերին: Սասանյանների կողմից նախարարական շրջանակներում տարվում էին քարոզչական բուռն աշխատանքներ առ այն, որ Արշակունիները օտար են հայերին և չպետք է բազմեն հայոց գահին՝ բնիկ հայ իշխանների փոխարեն: Թեպետև այդ պնդումը զուրկ չէր ճշմարտությունից, սակայն այդ գաղափարների ընդհանուր պատկերի համաձայն՝ Մերձավոր Արևելքի գերագույն տիրակալը պետք է դառնար Սասանյան արքան՝ որպես Աքեմենյանների ժառանգորդ: Լուրջ սպառնալիք էր առաջացել թե՛ գահակալող Արշակունյաց դինաստիայի, և թե՛

հայերի ազգային դիմագծի պահպանման համար: Այդ պատճառով, Տրդատ Գ-ը (287-330թթ.) վերականգնելով իր թագավորական իշխանությունը, որոշակի փորձերից հետո, կայացրեց պատմական նշանակության, տվյալ ժամանակի համար բավականին համարձակ որոշում: Խորհրդակցություններ կատարելով հայ իշխանական դասի հետ, որոշվեց՝ աշխարհի տարբեր անկյուններում հալածանքի ենթարկվող, բայց և այնպես, շարունակաբար հասարակական նոր շրջանակներ և աշխարհագրական տարածքներ գրավող, կենսունակ քրիստոնեական կրոնը հռչակել պետական կրոն: Այդ քայլով նաև առաջին անգամ քրիստոնեությունը մուտք էր գործում պետական համակարգ¹: Քրիստոնեությունը այդ ժամանակ ուներ եկեղեցական կայացած նվիրապետական կառույց ու համակարգված գաղափարախոսություն և ունակ էր հիմք ծառայելու թագավորական կենտրոնական իշխանության հզորացման համար²: Ազաթանգեղոսի արաբական նոր խմբագրությունում ևս ասվում է, որ քրիստոնեության պետական կրոն հռչակումից հետո Հայոց արքան ավելի ամրապնդեց իր իշխանությունը³:

Հռանդեայի պայմանագրով, Պարթևական արքայից արքան պետք է առաջադրեր Մեծ Հայքի գահի թեկնածու, իսկ կայսրը՝ հաստատեր և թագադրեր թեկնածուին: Ըստ այդ ակտի կայսրը բարձրացվում էր աստվածային աստիճանի և համար-

¹ Տե՛ս Սուրաշյան Կ., Միրզոյան Վ., Կարապետյան Բ., Public Administration. Theory and History, Yerevan, 2014, էջ 75:

² Տե՛ս Մխրումյան Կ., Քրիստոնեությունը Հայ ժողովրդի պատմական էակագրում. Հայեցակարգային նկատառումներ, «Հայոց եկեղեցի և պետություն», Երևան, 2000, էջ 13:

³ Տե՛ս Ազաթանգեղոս, Ազաթանգեղոսի արաբական նոր խմբագրությունը, (արաբերեն բնագիր, ուսումնասիրությունը Ա.Ն. Տեր-Ղևոնդյանի), Երևան, 1968, էջ 88:

վում էր, որ նա է գահի թեկնածուին շնորհում ուժ, իշխանություն ու հասարակ անձից «ստեղծում» թագավոր⁴։ II դարի վերջին, երբ Արշակունիները Մեծ Հայքում դարձան ժառանգական դինաստիա, Հռանդեսայի պայմանագրով հաստատած իրավիճակը փոխվեց, սակայն դեռևս պահպանվում էր գաղափարական կախվածություն կայսրից։ Քրիստոնեության ընդունումից հետո Հայոց արքան վերականգնեց աստվածատուր իշխանության գաղափարաբանական հիմքը։ Քրիստոնեության համաձայն, թագավորի իշխանությունը տրվում էր Աստծուց⁵, ուստի Հայոց արքան այդ առումով այլևս կախված չէր Հռոմի կայսրից։ Եկեղեցին իր ձեռքը վերցրեց սոցիալական խավերի համախմբան, պետության գաղափարաբանության ստեղծման, կարգավորման և երկրում դրա քարոզչության գործը⁶։

Հայոց արքայի և հայրապետի համագործակցությամբ ջանքեր են գործադրվում Վիրքում, և Աղվանքում ևս քրիստոնեության ընդունման համար։ Վրաց և Աղվանից եկեղեցիները գործում են Հայ եկեղեցու ենթակայությամբ, դրանով էր պայմանավորված նաև հետագայում Մեսրոպ Մաշտոցի՝ այդ երկրների համար ևս գրեր ստեղծելու հանգամանքը։ Մեծ Հայքն այդ երկրների համար հոգևոր կենտրոն դարձնելը ոչ միայն բարձրաց-

⁴ Տե՛ս Մանասեթյան Ռ., Հայաստանի Արտավազդից մինչև Տրդատ Մեծ։ Արտաքին քաղաքականություն, պետական գաղափարաբանության պրոբլեմներ և քրիստոնեության ընդունում, Երևան, 1997, էջ 99։

⁵ Տե՛ս Հակոբյան Հ., Հոգևոր և աշխարհիկ իշխանությունների փոխհարաբերություն Նոր Կտակարանյան մոտեցումները, «Էջմիածին», 2019, թիվ 5, էջ 134։

⁶ Տե՛ս Արևշատյան Ա., Հայաստանում քրիստոնեության ընդունման պատմական էշանակությունը, «Հայաստանը և քրիստոնյա Արևելքը», Երևան, 2000, էջ 21, Միրումյան Կ., Քրիստոնեության ընդունումը Հայաստանում և ազգային-քաղաքական ինդրակարգը, «Հայաստանը և քրիստոնյա Արևելքը», էջ 91։

նում էր Հայոց հայրապետի դիրքը, այլև Տրդատ Գ-ի գլխավորությամբ ստեղծում էր հակասասանյան համադաշնություն⁷:

Գրիգոր Լուսավորչը, քրմերի սերնդին ներառելով նոր կրոնի սպասավորության մեջ, ամբողջացնում էր Մեծ Հայքում նոր կրոնի պետականորեն հիմնման գործընթացը՝ հին կրոնի հիմնասյուների վրա: Հեթանոսական կրոնի կարևորագույն հիմնասյուներն էին մեհյանները, որոնց տեղերում, դրանց փոխարեն կառուցվում էին եկեղեցիներ, և տոմարական հատուկ օրերի տոնակատարություններն ու արարողությունները փոխարինվում էին քրիստոնեական տոներով ու ծիսակատարություններով⁸: Այդուհանդերձ, հեթանոսական կրոնի ամենակենսական հիմնասյունը հանդիսանում էր քրմական դասը, որի նոր սերունդը կրթվելով և դաստիարակվելով քրիստոնեական արժեհամակարգով, դարձավ Հայ եկեղեցու հոգևորական դասի կորիզը: Եթե մեկ սերնդի ընթացքում հայ հեթանոս ազգաբնակչության կրոնական առումով «գլուխը հանդիսացող քրմական դասը վերածվում էր եկեղեցականների, ապա բավականին հեշտանում էր ամբողջ Մեծ Հայքում քրիստոնեության տարածման գործը:

Վաղ միջնադարյան Հայաստանում յուրաքանչյուր դասի ներկայացուցիչ պետք է շարունակեր իր նախորդների գործը: Այդ կերպով, ֆեոդալական պաշտոնակատարման ժառանգական իրավունքը փոխանցվեց նաև Հայ եկեղեցուն⁹: Քրմերի սե-

⁷ Տե՛ս Թորոսյան Վ., Քրիստոնեության ընդունումը Հայաստանում և Տրդատ Գ-ի գործունեությունը, Հայոց պատմություն, հատոր II, գիրք առաջին, Երևան, 2018, էջ 32:

⁸ Տե՛ս Վարդումյան Գ., Հեթանոսությունից դեպի քրիստոնեություն. Ժառանգականության որոշ կարգեր, «Արշալույս քրիստոնեության հայոց», Երևան, 2016, էջ 88:

⁹ Տե՛ս Ադունց Ն., Հայաստանը Հուստինիանոսի դարաշրջանում. Քաղաքական կացությունը ըստ նախարարական կարգերի, Երևան, 1987, էջ 408-409:

րունդներին նոր կրոնում սպասավորության ընդունելու պատճառներից մեկն էլ այն էր, որ Գրիգոր Լուսավորիչն իր հետ Մեծ Հայքում ոչ քարոզիչներ ուներ, և ոչ էլ եկեղեցական գործակիցներ¹⁰, ուստի գոյություն ուներ եկեղեցու սպասավորների խիստ մեծ պահանջարկ: Այդ պատճառով էլ նաև հույն և ասորի շատ եկեղեցականներ ընդունվեցին Հայ եկեղեցում ծառայության¹¹:

Տրդատ Գ-ն իր տիրապետության տակ գտնվող ողջ տարածքում չորս ծխի հողաբաժին ազարակներում և՛յոթ ծխի հողաբաժին ավաններում հատկացրեց Հայ եկեղեցու սպասավորների համար: Հայ եկեղեցականներին ազատների կարգին դասեց և եկեղեցապատկան տիրույթները ազատեց հողի և ջրի համար գանձվող հարկերից¹²: Մեծ Հայքի վարչատարածքային բաժանման և նշանավոր նախարարական տների տիրույթների սահմաններին համաձայն հաստատվեցին եպիսկոպոսական աթոռներ¹³: Կաթողիկոսարանում, արքունիքում և իշխանական տներում նշանակվում էին դրան եպիսկոպոս, դրան վարդապետ և դրան երեց¹⁴: Նրանք իրենց հոգևոր սպասավորությունը կատարում էին իրենց նշանակման վայրում օրինակ՝ արքունիքում կամ իշխանական տանը, օրինում էին հացը, կատարում աղոթք-

¹⁰ Տե՛ս Օրմանյան Մ., Հայ եկեղեցին եւ իր պատմութիւնը, վարդապետութիւնը, վարչութիւնը, բարեկարգութիւնը, արարողութիւնը, գրականութիւնը ու ներկայ կացութիւնը, Պուլենես Այրէս, 1949, էջ 47:

¹¹ Տե՛ս Մովսիսեան Յ., Հայաստանեայց Առաքելական Ս. եկեղեցւոյ պատմութիւն, Էջմիածին, 2008, էջ 37, Տեր-Մկրտչյան Կ., Հայոց եկեղեցու պատմություն, Սաւա Ա, Էջմիածին, 2011, էջ 98:

¹² Տե՛ս Մանանդյան Հ., Հայաստանի արքունի հարկերը մարզպանության շրջանում (Նյութեր յեւ/ դիտողություններ), Տեղեկագիր ՀԽՍՀ Գիտության յեւ արվեստի ինստիտուտի, Երևան, 1926, թիվ 1, էջ 31:

¹³ Տե՛ս Հարությունյան Բ., Հայոց եկեղեցու թեմական բաժանումը Գրիգոր Լուսավորչի հովվապետության շրջանում, Պատմա-բանասիրական հանդես, 2000, թիվ 2, էջ 126:

¹⁴ Տե՛ս Ջախջախեան Մ.Ի., Բաղդիքը հայ եւ իտալական, Վենետիկ, 1837, էջ 430, Աւգերեան Մ.Հ., Առձեռն բառարան Հայկազեան լեզուի, Վենետիկ, 1846 էջ 227:

ներ նախաձեռնված գործերի համար և կատարում անդաստանի կարգ իրենց ծառայության բաժնի տիրույթների համար¹⁵։ Տվյալ հոգևորականները կարող էին հանդիսանալ որպես խորհրդականներ, խոստովանահայրեր և զբաղվել նաև արքայազուն և իշխանազուն մանուկների դաստիարակությամբ։ Այդ կերպով որոշ եպիսկոպոսների անվանը կցվում էր իշխանական տոհմանունը, որը ցույց էր տալիս նրանց ծառայության վայրը։ Հոգևորականներն Այրարատում և այլ նահանգներում ունեցած տիրույթների համար հարկեր չէին վճարում ո՛չ արքային, և ո՛չ էլ նախարարներին։ Ամբողջ երկրի տարածքից եկեղեցուն տրվում էր «տասանորդ» և «հաս» կոչվող դրամական տուրք¹⁶։ Եկեղեցուն փոխանցվեց նաև մեհյանների կուտակած ողջ հարստությունը։ Գրիգոր Լուսավորչին, որպես նոր հոգևոր առաջնորդի, տրվեցին քրմապետական հողատիրույթները։ Ինչպես Հայ Առաքելական եկեղեցու այնպես էլ այլ եկեղեցիների տարածքները միջնադարում շարունակում էին աճել նաև նվիրատվությունների հաշվին¹⁷։ Այդ առանձնաշնորհումների միջոցով Ներսես Մեծի օրոք արդեն միայն Լուսավորչի տոհմը երկրի 15 գավառներում ուներ բավականին մեծ հողատիրույթներ¹⁸։

Հուսիկ հայրապետի մահվանից հետո երկրի հոգևոր անկյալ վիճակը ներկայացնելիս Փավստոս Բուզանդը հայտնում է կարևոր տեղեկություն Հայ եկեղեցուն տրված «Մեծ դատավո-

¹⁵ Տե՛ս Ինճիճեան Գ., Հնախօսության աշխարհագրական հայաստանեայց աշխարհի. հատոր Գ, Վենետիկ. 1835, էջ 358։

¹⁶ Տե՛ս Մանանդյան Հ., Ֆեոդալիզմը Հին Հայաստանում (Արշակունիների ու մարզպանական շրջան), Երևան, 1934, էջ 140։

¹⁷ Տե՛ս Дишентъ Л., История древней церкви, т. 1. (перевод и редакция Н.В. Попова и А.П. Орлова), Москва, 1912, էջ 441։

¹⁸ Տե՛ս Փավստոս Բուզանդ, Հայոց պատմություն, (բնագիրը՝ Զ. Պատկանյանի), Երևան, 1987, էջ 178։

րի» պաշտոնի վերաբերյալ. «Բայց յայնժամ դեռ ևս կենդանի էր ծերունի սուրբն մեծն քորեպիսկոպոսն Դանիել, այր սքանչելի: Աշակերտ եղեալ էր սա մեծին Գրիգորի ձեռական՝ իշխանութեանն կողման մասին *գործակալութեանն մեծի դատաւորութեանն*, ունէր զիշխանութիւնն զայն առանձինն այլ վերակացու և հրամանատար տեսուչ և հոգեբարձու ամենայն եկեղեցեացն Հայոց մեծաց ընդ ամենայն տեղիս»¹⁹: Ժամանակագրորեն ավելի ուշ տեղի ունեցած դեպքերի առիթով մեծ դատաւորի պաշտոնի մասին հայտնում են Մովսէս Խորենացին²⁰ և Եղիշեն²¹: Մինչև քրիստոնեությունը Մեծ Հայքում պետական կրոն հռչակելը, այդ պաշտոնը կատարում էր քրմապետը²²: Հեթանոսական շրջանում օրենքները սահմանվում էին արքայի կողմից: Կրոնականացված օրենքները համարվում էին աստվածների կամքի արտահայտությունը, իսկ աստվածների առաջին ներկայացուցիչը երկրի վրա հնում հանդիսանում էր արքան, որը Արշակունյաց թագավորության շրջանում քիչ-քիչ հետ մղվեց այդ դիրքից, ինչպես նաև՝ քրմաց դասը: Վերջիններս նաև գրի հիմնական կրողներն էին, ինչը շատ կարևոր էր հասարակական նորմերի և արքայական հրամանների արձանագրման ու իրավական կարգավորման հարթությունում կիրառման համար²³: Այդ գործոնները և ժամանակի պատկերացումների համաձայն

¹⁹ Նույն տեղում, էջ 58:

²⁰ Տե՛ս Մովսէս Խորենացի, Պատմություն հայոց. (քննական բնագիրը և ներածությունը Մ. Աբելյանի), Երևան, 1991, էջ 350:

²¹ Տե՛ս Եղիշէ, Վասն Վարդանայ եւ Հայոց պատերազմին. (աշխատավորութեամբ Ե. Տէր-Մինասեանի), Երևան, 1957, էջ 23:

²² Տե՛ս Երեմյան Ս.Տ., Հայաստանի սոցիալ-տնտեսական հարաբերությունները III–IV դարերում. Ֆեոդալականացող Հայաստանի դատակարգային և պետական կառուցվածքը, Հայ ժողովրդի պատմություն. հատոր II. Երևան, 1984, էջ 141

²³ Տե՛ս Հակոբյան Հ., Հոգևոր և աշխարհիկ իշխանությունների փոխհարաբերությունը Վանի (Արարատ-Ուրարտու) թագավորությունում. Պատմություն և քաղաքականությունը գիտական հանդես, 2020, թիվ 1 (6), էջ 35:

քրմերի երկնային կարգերին ծանոթ լինելու հանգամանքը նրանց իրավունք ու իշխանություն էր ընձեռում՝ երկրում դատավարություն կատարելու²⁴: IV դարից սկսած Հայոց հայրապետը համարվում էր ողջ Մեծ Հայքի մեծ դատավորը, իսկ թեմերի առաջնորդ եպիսկոպոսները իրականացնում էին դատավարություններ՝ իրենց հանձնված հոգևոր հոտի շրջանակներում: Հայոց հայրապետը իրավասություն ուներ նաև դատ կատարելու տոհմիկ ազնվականների նկատմամբ²⁵:

Հեթանոսական շրջանում հասարակական հարաբերությունները կարգավորվում էին սովորության իրավունքով և արքայական հրովարտական միջոցով: Երկրում քրիստոնեության տարածմամբ տեղի ունեցավ աշխարհայացքի, արժեհամակարգի ու սովորույթների վերաճնավորում: Սոցիոնորմատիվ կարգավորման համակարգի սնուցող այդ ակունքների փոփոխությունն էլ հանգեցրեց նոր կրոնական իրավական կարգավորման համակարգի զարգացմանը²⁶: Օրենսդիր իշխանության մեծ դերը տրվեց Հայ եկեղեցուն: Դա պայմանավորված էր քրիստոնեական կրոնի գաղափարաբանությամբ, ըստ որի թեպետ արքան համարվում էր Աստծու օծյալ և նրան պետք է ենթարկվեին երկրում բոլորը, սակայն արքան իր հերթին պետք է շարժվեր ըստ Աստվածաշնչի պատվիրանների²⁷: Հոգևոր իշխանությունը հստակորեն բաժանված էր աշխարհիկից և երկրում դրա գերա-

²⁴ Տե՛ս Կրկաշադյան Ս. Մ., Հին Հայաստանի պետական կառուցվածքը (մ.թ.ա. VI – մ.թ. IV դդ.), Երևան, 2005, էջ 288:

²⁵ Տե՛ս Պողոսյան Է.Վ., Հայաստանի պետության և իրավունքի պատմություն, Երևան, 2006, էջ 103:

²⁶ Տե՛ս Ղազինյան Գ.Ս., Վաղարշյան Ա.Գ., Հայոց իրավունքի պատմության հիմնահարցերը. Հին շրջանից մինչև մեր օրերը, Երևան, 2014, էջ 56:

²⁷ Տե՛ս Հակոբյան Հ., Պետական կառավարումն ըստ հոգևոր և աշխարհիկ իշխանությունների փոխհարաբերության Հին Կտակարանյան մոդելի, Այլընտրանք գիտական հանդես, Երևան, 2020, N 1, էջ 386:

գույն ներկայացուցիչը համարվում էր եպիսկոպոսապետը: Վերջինիս հրապարակած կանոնների, Սուրբ գրքի, ընդհանուր և Հայ եկեղեցու ժողովների կայացրած որոշումների, եկեղեցական հայրերի գրությունների և ավանդույթների հիման վրա Հայ եկեղեցում կազմվում էին օրենքներ, որոնք ունեին իրավական ուժ ողջ երկրի համար²⁸: Սկսած Գրիգոր Լուսավորչից Հայ եկեղեցու առաջնորդներն իրենց ենթակա ամբողջ հավատացյալ հանրության համար ունենում են կանոններ հրապարակելու իրավունք, որոնցով կարգավորվում էին հասարակական հարաբերությունները²⁹: Այդ կանոնների իրավական ազդեցությանն էին ենթարկվում նաև հասարակության այն անդամները, որոնց համար դեռ խորթ էր քրիստոնեությունը, որովհետև այդ կանոնները պետական համակարգում կիրառվում էին նաև որպես քաղաքացիական օրենքներ³⁰: Պետության կառավարման գործում էական նշանակություն ձեռք բերեցին ազգային-եկեղեցական ժողովները: Այդ ժողովները գումարվում էին երկրի առաջ ծառացած կարևորագույն խնդիրների լուծման համար, որոնց մասնակցում էին թե՛ աշխարհականներ, և թե՛ եկեղեցականներ:

Հայ եկեղեցին իր ձեռքը վերցրեց կրթության գործը և նրա մեջ քրմերի սերունդներին մեծ տեղ տալով հանդերձ՝ ընդգրկեց նաև Մեծ Հայքի շատ գավառների հասարակ խավի երեխաների: Գրիգոր Լուսավորչի ջանքերով արձակվեց արքայական հրաման. «Զի ի գաւառաց գաւառաց և կողմանց կողմանց ի տե-

²⁸ Տե՛ս Երեմյան Ս.Դ., Արեւատյան Ս.Ս., Դանիելյան Յ.Լ., *Կուլտուրա раннефеодалной Армении (IV–VII вв.)*, Ереван, 1980, էջ 267:

²⁹ Տե՛ս Կանոնագիրը Հայոց, հատոր Ա. (աշխատասիրությամբ՝ Վ. Հակոբյանի), Երևան, 1964, էջ 243:

³⁰ Տե՛ս Մելիք-Թանգեան Ն., *Հայ եկեղեցական իրավունքը*, Էջմիածին, 2009, էջ 253:

ղիս տեղիս ժողովեսցեն բազմութիւն մանկտույ, առ ի նիւթ վարդապետութեան, զգազանամիտ զվայրենագոյն զճիւղաբարոյ զաշխարհաբնական. զորս առեալ արկաներ ի բովս վարդապետութեան»³¹: Ուսուցումը իրականացվում էր հունարենով և ասորերենով: Կրթության գործը հատկապես ծաղկում ապրեց Ներսես Մեծի (353-373թթ.) ժամանակ, որի արդյունքն էլ հանդիսացավ նրա աշակերտ Մեսրոպ Մաշտոցի կողմից հայ գրերի գյուտը: Հայաստանում գիտությունը ևս երկար դարեր զարգանում էր հոգևոր դասի շնորհիվ: Ի տարբերություն Հռոմեական կայսրության, որտեղ քրիստոնեությունը պետական կրոն հռչակելուց հետո ոչնչացվեցին հեթանոս հեղինակների շատ գրքեր, Հայաստանում նոր գրերի ստեղծումից հետո աննախադեպ կերպով սկսվեցին թարգմանվել անտիկ հեղինակների բազմաթիվ գործեր,³² և դրանց հիման վրա գրվել փիլիսոփայական ու բնագիտական աշխատանքներ: Դրա պատճառներից մեկն էլ այն էր, որ հունահռոմեական միջավայրում ստեղծված գործերը, ի տարբերություն տեղի մեհենական գրությունների, հայկական միջավայրում հեթանոսությանը խթանման վտանգ չէին ներկայացնում:

Հայոց հայրապետին արքայի կողմից իրավունք տրվեց երկրում սահմանելու իշխանական աստիճանակարգությունը: Փաստորեն թե՛ աշխարհիկ, և թե հոգևոր հիերարխիայի կարգավորման հարցերով զբաղվում էր հոգևոր առաջնորդը: Դրա մասին

³¹ Ագաթանգեղոս, Պատմութիւն հայոց. (քննական բնագիրը՝ Գ. Տեր-Մկրտչյանի և Ս. Կանայանցի). Երևան, 1983, էջ 466:

³² Տե՛ս Երևմյան Ս.Տ., Հայ գրելի և դպրության սկզբնավորումը. Հայ ժողովրդի պատմություն. հատոր II. Երևան, 1984, էջ 428:

վկայություն կա թե՛ հենց Գրիգոր Լուսավորչի³³, և թե՛ Ներսես Մեծի³⁴ ժամանակ: Այդ իրավասությունը կարևոր լծակ կարող էր հանդիսանալ կաթողիկոսի ձեռքում և մեծ դեր խաղալ՝ իշխանական տների հետ փոխհարաբերություններում: Քանի որ այդ կերպ հոգևոր առաջնորդը կարող էր ազդել պետական համակարգում իշխանական տան զբաղեցրած դիրքի վրա:

Հայոց հայրապետը ժողովրդի, իշխանների և հայոց արքայի միջև հատուկ միջնորդի դեր ստացավ: Իշխանական ընդհարումների ժամանակ Հայ եկեղեցու հայրապետը ստանձնում էր խաղաղարարի դերը: Այդպես օրինակ՝ Մանավազյան և Որդունյաց իշխանական տների կատաղի ընդհարման ժամանակ Խոսրով արքան և Վրթանես հայրապետը որոշում են երկու տոհմերի միջև հաշտություն կայացնելու համար ուղարկել մեծ հեղինակություն վայելող Աղբիանոս եպիսկոպոսին³⁵: Նույնը կատարվում էր նաև իշխանների և թագավորի միջև հակամարտության պարագայում³⁶: Բացի երկրի ներքին կյանքից, Հայ եկեղեցու առաջնորդին իշխանական մյուս մարմինների հետ մեկտեղ, տեղ հատկացվեց պետության արտաքին քաղաքական հարաբերություններում³⁷:

Այսպիսով, Մեծ Հայքի պետական կառավարման համակարգ քրիստոնեության մուտքով ուժեղացվեց թագավորական կենտրոնական իշխանությունը: Աղվանքում և Վիրքում քրիստո-

³³ Տե՛ս Մտեփանոս Օրբելյան, Պատմություն նախապապիկ Սիսական, (մատուցարար, Կ. վրդ. Շահնազարյանի), Փարիզ, 1859, էջ 63–64:

³⁴ Տե՛ս Մեսրոպ Վայոցձորեցի, Յաղապս զարմից սրբույն Գրիգորի Հայոց Լուսավորչի եւ պատմություն սրբույն Ներսիսի Հայոց հայրապետի, Վանաձոր, 2015, էջ 34:

³⁵ Տե՛ս Փավստոս Բիւզանդ, էջ 18:

³⁶ Տե՛ս Մովսէս Խորենացի, էջ 292:

³⁷ Տե՛ս Փավստոս Բիւզանդ, էջ 126:

ներության տարածման աջակցությամբ ձևավորվեց հակասասանյան դաշինք: Քրմապետից Հայոց հայրապետին փոխանցվեց մեծ դատավորի պաշտոնը և դրան հավելվեց օրենսդրական լայն իրավագործություններ: Նախկին աշխարհաժողովների փոխարեն գումարվող շատ ազգային-եկեղեցական ժողովներում ծանրակշիռ դարձավ եկեղեցական դասի ծայնը: Հայ եկեղեցին ստանձնեց երկրում նոր՝ քրիստոնեական մշակույթի, կրթության և գիտության զարգացման գործը: Կարևոր լծակ էր նաև պետական աստիճանակարգում սահմանակարգություններ կատարելու իրավունքը: Եկեղեցուն վերապահվեց ժողովրդի, իշխանական դասի և թագավորի միջև միջնորդի դերը, ինչպես նաև՝ երկրի արտաքին հարաբերություններին մասնակցություն: Թվարկված գործոնների և դրանց գումարած՝ եկեղեցականների խորհրդականի հատուկ դերի, մեծ հողատիրույթների, ծիսակատարությունների, տասանորդի, մեհյաններից փոխանցված հարստության միջոցով Հայ Առաքելական եկեղեցին դարձավ պետական համակարգում չափազանց մեծ կարևորություն ներկայացնող պատկառելի մարմին:

Айкарам А. Акобян, *Институт истории НАН РА, к.и.н.,*
Утверждение христианства в государственную систему Великой Армении.

В статье рассматривается проблема утверждение христианства в государственную систему Великой Армении в качестве новой религии, которая все еще преследуется со стороны определенных кругов, но, в то же время, постепенно вбирает в себя новые социальные слои и занимает новые географические ареалы. Оказавшись жизнеспособной, христианское вероучение

постепенно занимает место древних языческих культов, и Армянская церковь укрепляет свои позиции в феодальной системе страны.

Прослеживается процесс укрепления христианства в Армении, в течение которого церковь со временем берет на себя миссию по созданию и распространению уникальной и независимой идеологии страны. Церковь также играет важную роль во внешней политике Армении, формировав союз с Грузией и Албанией, тем самым способствуя распространению христианства в этих соседних странах. Сферы образования, науки и культуры в определенной мере тоже входят в лоно церкви. Духовенство выступает в роли особого советника. Пост великого судьи удостоивается католикосу армян, и церковь получает законодательную власть. Армянским патриархам присуждается право установить иерархическую систему духовенства. Особенно значительной становится посредническая роль духовенства между царем, правящим классом и народом. Отданные церкви большие территории, пожертвования, огромные богатства, полученные от особых налогов и ритуалов, делают Армянскую церковь могущественной силой в государственной системе Великой Армении.

Haykaram H. Hakobyan, *Institute of History of the NAS RA, Candidate of Sciences in History, The establishment of Christianity in the public administration system of Greater Armenia.*

The article examines the problem of the entry of Christianity into the state system of Greater Armenia as a new religion, which is still persecuted by certain circles, but, at the same time, gradually

absorbs new social strata and occupies new geographical areas. Having proved to be viable, the Christian doctrine eventually takes the place of ancient pagan cults, and the Armenian Church strengthens its position in the feudal system of the country.

The process of strengthening Christianity in Armenia is traced, during which the church over time takes on the mission of creating and disseminating a unique and independent ideology of the country. The Church also plays an important role in Armenia's foreign policy, forging an alliance with Georgia and Albania, thereby contributing to the spread of Christianity in those neighboring countries. The spheres of education, science and culture, to a certain extent, are also included in the bosom of the church. The clergy act as a special advisor. The position of the Grand Judge is awarded to the Catholicos of Armenians, and the church receives legislative power. The Armenian patriarchs are granted the right to establish the hierarchical system of clergy. The intermediary role of the clergy between the king, the ruling class and the people becomes especially significant. The large territories given to the church, donations, huge riches received from special taxes and rituals make the Armenian Church a significant power in the state system of Armenia. Maior.

ՀԵՆՐԻԿ Ա. ԽԱՉԱՏՐՅԱՆ
ԳԱԱ պարմության ինստիտուտ

ՀԱՅՈՑ ՄԱՐԶՊԱՆՆԵՐԻ ԿԱՌԱՎԱՐՄԱՆ ՀԱՐՑԻ ՇՈՒՐՋ

(VI Դ. ԵՐԿՐՈՐԴ ԿԵՍ – VII Դ. 30-ԱԿԱՆ ԹԹ.)

Բանալի բառեր՝ Սերեոս, Սուրեն. Ասողիկ, Դավիթ Սահառունի, Խոսրով Փարվեզ, Սմբատ Բագրատունի, Մուշեղ Մամիկոնյան, Վարազդիրոց Բագրատունի, Թեոդորոս Բշտունի, մարզպան:

Հայոց մարզպանների կառավարման հարցի շուրջ տպագրված նախորդ հոդվածում մենք անդրադարձել էինք Հայաստանում՝ 428 թ. մինչև VI դ. առաջին կեսն իշխած մարզպանների կառավարմանը¹: Սույն հոդվածը, որպես նախորդի շարունակություն, ընդգրկում է VI դ. երկրորդ կեսից մինչև VII դ. 30-ական թթ. ժամանակահատվածը: Մարզպանական վարչակարգը ներդնելով՝ պարսից արքունիքը նպաստակ ունեւր աստիճանաբար վերացնել Հայաստանի ռազմա տնտեսական հզորության հիմքը կազմող նախարարական համակարգը և երկիրն ամբողջովին դնել մարզպանի իրավագործության տակ: Դա է նաև պատճառը, որ մարզպանական վարչակարգի շուրջ երկուհարյուրամյա գոյության ընթացքում Հայկական մարզպանությունն ունեցել է ընդամենը ազգությամբ հայ հինգ մարզպան: Ակնհայտ

¹ Տե՛ս Խաչատրյան Հ., Հայոց մարզպանների կառավարման հարցի շուրջ. «Լրաբեր հասարակական գիտությունների» 2017. թիվ 1. էջ 48–62:

է, որ սկզբնական շրջանում պարսից իշխանությունը պետք է գնար որոշակի գիջումների, որպեսզի հողատեր իշխաններին աստիճանաբար իր կողմը գրավեր: Կենտրոնացման ծգտող Սասանյան Պարսկաստանը, սակայն չէր կարող երկար հանդուրժել իր տերության մեջ որևէ ինքնավար կարգավիճակ: VI դ. մեծամասամբ հայտնի է, որպես պարսկաբյուզանդական պատերազմների մի ժամանակաշրջան, որի հետևանքով ռազմական գործողությունները տեղի էին ունենում նաև Մարզպանական Հայաստանում, ինչը մեծապես վնասում էր երկրի ռազմատնտեսական հզորությանը: Այդուհանդերձ, Մարզպանական Հայաստանը, մինչև իսկ Սասանյանների անկումը, պահպանեց իր ազգային նկարագիրը, նախարարական համակարգը և կառավարման կարևոր օղակները:

Սեբեոսը² Վարդ պատրիկ Մամիկոնյանից հետո նշում է, որ եկան պարսիկ մարզպաններ. «ապա ո՛չ կարացին պատերազմիլ Հայք, ի հնազանդութեան կացին մինչև ցՍուրենն մարզպան և ցՎարդանն Մամիկոնէից տէրն»³: Թե ովքեր էին այդ պարսիկ մարզպանները մինչև Սուրեն մարզպանը պատմիչը չի հաղորդում, այդ բացը լրացնում է Ասողիկի հաղորդումը: Ըստ պատմի-

² Նախորդ հոդվածում մենք հակված էինք կարծելու, որ Սերետսի հիշատակումը, թե Վահան Մամիկոնյանը Կավադ I (488–496 թթ. և 498–531 թթ.) արքայից է տաացել մարզպանությունը շվոթի հետևանք է: Սակայն հաշվի առնելով այն հանգամանքը, որ 492–499 թթ. հայերի կողմից տեղի էր ունեցել հակապարսկական ապստամբություն, որն, ըստ երևույթին պետք է գլխավորել մարզպան Վահան Մամիկոնյանը (տե՛ս Հայոց պատմություն, հ. II, Միջին դարեր, Գիրք առաջին (IV դարի սկիզբ – IX դարի կես), Երևան, 2018, էջ 209–213), եիմք է տալիս ենթադրելու, որ Սեբեոսի «...տուն և բնոյ Հայոց հաշտութիւն, և կոչէ զՎահան ի դոտն, և մեծարե՛ զնա մեծապէս պատուով: Եւ տայ նմա զմարզպանութիւն աշխարհին և զՄամիկոնեաց տիրութիւնն...» (**Պատմութիւն Սեբեոսի**, աշխատաւորությունը Գ. Վ. Աբգարյանի, Երևան, 1979 (պատմեա՛ն Սեբեոս), էջ 67) հիշատակումը վերաբերում է հենց այս ապստամբությունից հետո արքայից արքա Կավադ I կողմից Վահան Մամիկոնյանին երկրորդ անգամ մարզպանի պաշտոնում վերահաստատելուն:

³ Սեբեոս, էջ 67:

չի՝ «Նախ *Դենշապուհ*, որ զշնմուրթինն շատացոյց եւ զորմզդական հուրն վառեաց ի Ռշտունիս....: Եւ յետ նորա *Վարազդապ* ոմն պարսիկ ի նմին տոհմէ: Եւ ապա Խոսրով արքայ Պարսից *զՍուրեն* ոմն ազգական իւր, որում անուն էր Ճիհովր-Վշնասպ՝ հանէ ի հազարապետութիւն Հայոց: Որ եկեալ կալաւ գերկիրս մեր, յոյժ հարստահարելով զնախարարս Հայոց»⁴: Ասողիկի այս հաղորդումները նույնությամբ կրկնում է Վարդան Արևելցին⁵: Դենշապուհի և Վարազդատի կապակցությամբ դժվար է ասել իրական մարզպաններ էին, թե պարզապես հորինված, քանի որ նրանք այլ աղբյուրներից հայտնի չեն: Ինչը սակայն չի կարելի ստել Սուրեն մարզպանի պարագայում, քանի որ նրան հիշատակում են ինչպես հայ, այնպես էլ օտար մատենագիրները⁶:

Սուրենի մարզպան կարգվելու տարեթիվը պատմագիտության մեջ սկսած Մ. Օրմանյանից թվագրվում է 564 թ.⁷, իսկ Ն. Ակինյանն այն թվագրում է 568/569 թ.⁸: Նշենք, որ «Սուրբ Հիգտիբուզիտի վկայաբանությունից» հայտնի վերջին մարզպանը կառավարել էր 554/555 թ.: Այստեղ հետաքրքիր է, որ Ասողիկը նշում է, որ Սուրեն Ճիհովր-Վշնասպը Խոսրով I Անուշիրվանի

⁴ Ստեփանոս Տարաննեցի Ասողիկ. Պատմութիւն Տիեզերական (այսուհետև՝ Ասողիկ). «Մատենագիրք Հայոց», հ. ԺԵ, Ժ դար, Երևան. 2011, էջ 690–691:

⁵⁵ Տե՛ս Հաւսրումն պատմութեան Վարդանայ վարդապետի (այսուհետև՝ Վարդան վարդապետ), Վենետիկ, 1862, էջ 61:

⁶ Տե՛ս Բարթիկյան Հ., “NARRATIO DE REBUS ARMENIAE”, հունարեն թարգմանությամբ մեզ հասած մի հայ-քաղկեդոնական սկզբնաղբյուր. «Բանբեր մատենադարանի», 1962, թիվ 6, էջ 465, Ալիքեան Ն., Թուրք Փոռայ Պատրիարքի առ Չափարիա Կարողիկոս Հայոց մեծաց. «Հանդես Ամսօրնայ», 1968, թիվ 1–3, սիւն. 69–70, Հովհան Եփեսացի, «Եկեղեցական պատմություն», Օտար աղբյուրները Հայաստանի և հայերի մասին 8, Ատրական աղբյուրներ Ա, թարգմանություն և ընդգրկ. առաջարան և ծանոթագրություններ Հ. Մկրտչյանի, Երևան, 1976, էջ 388–390:

⁷ Տե՛ս Օրմանյան Մ., Ազգապատում, հ. Դ, Ցանկեր, Էջմիածին, 2002, էջ 76, Հակոբյան Ն., 572 թ. ապստամբության զնախատակների հարցի շուրջ, «Ավարայրի խորհուրդ», Երևան, 2003, էջ 217, Հայոց պատմություն, հ. II, էջ 218:

⁸ Տե՛ս Ալիքեան Ն., Նդիշ, վարդապետ և իւր պատմութիւնն Հայոց պատուրազմի, Մաս Երկրորդ, Վիեննա, 1936, էջ 427:

(531–579 թթ.) հրամանով կարգվում է Հայոց հազարապետ ոչ թե մարզպան: Նույնպիսի իրավիճակ է առկա նաև Դավիթ Սահառունու դեպքում ով «կալաւ զհազարապետութիւն Հայոց ամս Լ...»⁹: Մենք նախկինում հակված էինք կարծելու, որ Սուրենը նախ եղել էր Հայոց հազարապետ, այնուհետև մարզպան: Աղբյուրի առավել մանրամասն ուսումնասիրությունը սակայն փաստում է, որ Ասողիկի համար մարզպան իմաստը միանշանակ չէր և նա հազարապետը կիրառել է թերևս դրա առաջնային իմաստով՝ հազար հոգուց բաղկացած գնդի հրամանատարի: Ասողիկի ապրած շրջանում Հայոց մարզպան գործակալությունը, որն առկա էր Բագրատունյաց արքունիքում, անվանականից բացի ուրիշ նմանություն չուներ սասանյան շրջանի մարզպանների հետ՝ դատելով աղբյուրների սակավ տվյալներից, այն ռազմական բնույթի էր¹⁰: Սասանյան մարզպանը պատմագրի համար, անշուշտ, ռազմական պաշտոնյա էր և թերևս կարող էր շփոթվել հազարապետի հետ: Հաշվի առնելով այն ամբարտաւան պահվածքը, որ դրսևորում էր Սուրեն մարզպանը հայ ազատանու նկատմամբ, ենթադրելի է, որ հազիվ թե նա կառավարեր այդքան երկար՝ ութ տարի (564–572 թթ.): Ցավոք տվյալներ չկան ճշտելու համար, թե երբ է Սուրենը կարգվել մարզպան, սակայն առավել իրատեսական է Ն. Ակինյանի տեսակետը՝ լավագույն դեպքում 3–4 տարվա կառավարում: Սուրեն մարզպանը սպանվեց 572 թ. փետրվարին հայերի հակապարսկական ապստամբության ժամանակ¹¹:

⁹ Ասողիկ, էջ 692:

¹⁰ Տե՛ս Հայ ժողովրդի պատմություն, հ. III, Երևան, 1976, էջ 273–275:

¹¹ Տե՛ս Maksymiuk K., The insurrection in Persarmenia in context of military actions of Rome and Iran in border zone (572–578). «Մերձավոր և Միջին Արևելքի երկրներ և ժողովուրդներ», XXX, Երևան, 2016, էջ 98:

Սեբեոսը, այնուհետև նշում է այն զորավարների ցանկը, ովքեր եկել էին Հայաստան Վարդան Մամիկոնյանի ապստամբությունից մինչև 590 թ.¹² «Յորժամ սպանին *զՍուրէն* մարգպան՝ ի նմին ամի եկն *Վարդան Վշնասպ* ոմն, և գործ ինչ ո՛չ կարաց գործել. եկաց ամ մի և գնաց: Ապա եկն և *Գողոնն Միհրանն... Փիլիպպոս*, Սիւնեաց տէր... ապա եկն *Տամ Խոսրով...* ապա եկն *Վարազ Վզուրն...* ապա եկն *ասպետն մեծ պարթնն և պստիլան...* ապա *Հրահարն* մարգպան... ապա եկն *Հրապրին Դարան* մարգպան»¹³: Նկատենք, որ տարածաշրջան եկած զորավար-մարգպանները ոչ թե նշանակվում էին Հայոց մարգպաններ, այլ պարսկա-բյուզանդական պատերազմի հետևանքով գալիս էին ռազմական գործողություններ իրականացնելու պարսից տերության արևմտյան սահմաններում և հնարավոր ապստամբության բացառման նպատակով:

Ի տարբերություն Սեբեոսի, Ասողիկը հաղորդում է. «Իսկ յետ սուսերահարն լինելոյ Սուրենայ ոչ եւս պարսիկ մարգպան առաքէր ի Հայս թագաւորն Պարսից. այլ ի խնդրոյ նախարարացն իշխան հաստատէ Հայոց *զԴավիթ Սահառունի*, որ կալա զհազարապետութիւն Հայոց ամս Լ հրամանաւ Որմզդի, որդւոյ Խոսրովու Պարսից արքային»¹⁴: Սամվել Անեցին հաղորդում է. «Մարգպանք Տաճիկք զկնի Մժեժա մարգպանութեանն՝ զամս ԼԴ: Յետ մարգպանացն սպանման *Ճիհր Բուրգենայ, Ճիհր Վշնասպուհենա, Ճիհր Վղովն Միհրանայ* եւ այլ Տաճկաստա-

¹² Տե՛ս Սեբեոս, էջ 236–236. ծան. 151:

¹³ Տե՛ս նույն տեղում. էջ 70–71:

¹⁴ Ասողիկ, էջ 692:

նեացն: Դաւիթ Սահառունի՝ ամս Լ»¹⁵: Կիրակոս Գանձակեցին հետևելով Սամվել Անեցուն հաղորդում է. «Իսկ յետ սպանման մարգպանացն Ճիիր Բուրզենայ, Ճիիր Վշնասայ Սուհենայ, Ճիիր Վղոն Միհրանայ, և այլ տաճկաստանեացն, Դաւիթ Սահառունի մարգպան լեալ ամս երեսուն»¹⁶: Ճիիր Վշնասայ Սուհենը դա անկասկած Ասողիկի հիշատակած մարգպան Սուրեն Ճիհովր-Վշնասպն է, իսկ Ճիիր Վղոն Միհրանը Սեբեոսի մոտ առկա Գողոն Միհրանն է:

Դավիթ Սահառունի. Հայոց մարգպա՞ն, թե Հայոց իշխան) Դավիթ Սահառունու մասին տեղեկությունները հակասական են և որոշակի չեն նաև նրա կառավարման թվերը: Հստակ է, որ նա Հայոց իշխանի՝ բյուզանդապատկան Հայաստանի կառավարչի պաշտոնում փոխարինել է ՄԺԺ Գնունուն: Այսպես, ըստ Սեբեոսի նա ՄԺԺ Գնունու կողմից կապանվելով ուղարկվել է Հերակլ կայսեր (610–641 թթ.) մոտ, սակայն ճանապարհին կապանքներն արձակելով սպանել է ՄԺԺ ու Վարազ Գնել Գնունիներին և զորքի կամքով ստանձնել զորավարությունը¹⁷: Այնուհետև պատմիչը նշում է, որ Հերակլ կայսրը «առնէ ըստ խնդրոյ իշխանացն զնա իշխան ի վերայ ամենայն աշխարհացն, և տայ նմա պատիւ կիւրապաղատությանն, և հաստատէ զնա ի ծառայութիւն իւր, և կալեալ զիշխանութիւնն ամս Գ»¹⁸: Ա. Շահինյանը, փորձելով ցույց տալ, որ ՄԺԺ Գնունին ևս կրել է կուրոպաղատ տիտղոսը պատմիչի տեղեկությունը ձևափոխել է,

¹⁵ Սամուէլ Անեցի եւ Ճարունակողներ. Ժամանակագրություն (Աղամից միկելո 1776 թ.), աշխատասիրությամբ Կարեն Մայթևոսյանի, Երևան, 2014, էջ 144, 146:

¹⁶ Կիրակոս Գանձակեցույ Պատմութիւն Հայոց (այսուհետև՝ Կիրակոս Գանձակեցի), աշխատասիրությամբ Կ. Մելիք-Օհանջանյանի, Երևան, 1961, էջ 53:

¹⁷ Տև'ս Սեբեոս, էջ 133:

¹⁸ Նույն տեղում:

որով իբրև Հերակլ կայսրը Դավիթ Սահառունուն տվել է նույն-
պիսի կուրապաղատի տիտղոս¹⁹: Սակայն Սեբեոսի՝ մեջբերված
վերոնշյալ հատվածը նմանատիպ ենթադրություն անելու հիմ-
քեր չի տալիս:

Հովհաննես Դրասխանակերտցու համաձայն Հերակլ կայ-
սեր կողմից Դավիթ Սահառունին կուրոպաղատ դարձավ, ապա
կարգվեց Հայոց իշխան, որը տևել էր երեք տարի²⁰: Մեջբերենք
նաև Ասողիկի հաղորդումը. «Իսկ յետ սուսերահարն լինելոյ Սու-
րենայ ոչ եւս պարսիկ մարզպան առաքէր ի Հայս թագաւորն
Պարսից. այլ ի խնդրոյ նախարարացն իշխան հաստատէ Հայոց
զԴավիթ Սահառունի, որ կալաւ զհազարապետութիւն Հայոց
ամս Լ հրամանաւ Որմզդի, որդւոյ Խոսրովու Պարսից արքա-
լին»²¹: Կիրակոս Գանձակեցին նշում է, որ պարսիկ մարզպան-
ներից հետո, Դավիթ Սահառունին «մարզպան լեալ ամս երե-
սուն: Յետ Դավթի Սահառունոյ լինի մարզպան Հայոց Թէոդորոս
Ռշտունի ամս քսան և հինգ»²²: Վերջին հաղորդումները պարու-
նակում են մի քանի անճշտություն: Ասողիկի հաղորդումից
ստացվում է, որ Սուրենի սպանվելուց հետո՝ 572 թ., պարսից
արքան այլևս մարզպան չի ուղարկում Հայաստան, այլ նախար-
ների խնդրանքով Հայոց իշխան է կարգում Դավիթ Սահառու-
նուն, ով պարսից Որմիզդ IV արքայի (579–590 թթ.) հրամանով

¹⁹ Տե՛ս Մարտիյոս Ա., Армения и страны Южного Кавказа в условиях византийско-иранской и арабской власти. СПб., 2011, էջ 207:

²⁰ Տե՛ս Յովհաննէս Դրասխանակերտցի, Պատմութիւն Հայոց (այսուհետև՝ Հովհաննէս Դրասխանակերտցի), «Մատենագիրք Հայոց», Խ. ԺԼ. Ժ դար, Անթիլի-
սս-Ի. Իրանաս, 2010, էջ 406: Կաթողիկոս պատմագրի աշխատության 1912 թ. հրա-
տարակության մեջ նշված է «ամս Դ» (տե՛ս Յովհաննէս Կաթողիկոսի Դրասխա-
նակերտեցոյ Պատմութիւն Հայոց, Թիֆլիս, 1912, էջ. 80). որի պատճառով Սահա-
ռունու իշխանության սկսարտը տատանվում է 638/639 թ. միջև:

²¹ Ասողիկ, էջ 692:

²² Կիրակոս Գանձակեցի, էջ 53, 56:

երեսուն տարի վարում էր հազարապետության գործակալությունը: Այստեղ մի քանի պարսից արքաների կառավարում միախառնված է ներկայացվում: 572 թ. մինչև 579 թ. Խոսրով Անուշիրվանն էր գահակալում, այնուհետև նրա որդին՝ Որմիզդը, և այդ ժամանակ չէր կարող մարզպան նշանակվել այն պարզ պատճառով, որ Հայաստանի ապստամբությունով սկսվել էր պարսկաբյուզանդական քսանամյա պատերազմը, որի հետևանքով, տարածաշրջան էին ուղարկվում մարզպաններ²³ ու սահմանակալներ, ինչպես նշում է Սեբեոսը «մինչև ցապառումն խաղաղութանն՝ որ ի մէջ Պարսից և ի մէջ Յունաց և ի մէջ թագաւորացն երկոցունց՝ Մաւրկայ և Խոսրովայ»²⁴, այն է մինչև 602 թ., երբ սպանվեց Մավրիկիոս/Մորիկ կայսրը (582-602թթ.): Մյուս կողմից Դավիթ Սահառունուն փաստորեն պետք է Հայոց իշխան կարգեր Խոսրով Անուշիրվանը, որն էլ նրա որդու կողմից կարգվել էր նաև հազարապետ: Նկատենք, որ ուսումնասիրողներն ուշադրություն են դարձրել միայն Որմիզդ արքայի հիշատակությանը:

Է. Դանիելյանը, Դավիթ Սահառունու՝ VII դ. սկզբին մարզպան լինելու հանգամանքը բացատրելով, գտնում է, որ նա VI դ. 80-ական թվականներին Արևելյան Հայաստանում վարել է հազարապետի պաշտոնը²⁵: Դա, սակայն, հաջորդում է նրա՝ Հայոց իշխան կարգվելուն: Այսինքն, եթե հիմք ենք ընդունում Ասողիկի

²³ Մարզպանները պարսից ռազմական պաշտոնյաներ էին, որոնք պատերազմի ժամանակ զինավորում էին զորքը: Զանի որ ընթանում էր պարսկաբյուզանդական պատերազմը տարածաշրջան ուղարկված զորքը զինավորում էին մարզպանները ընդդեմ Բյուզանդիայի: Սա ամենևին չի նշանակում, որ պարսից զորքերի գլուխ կանգնած մարզպանը գալով ռազմաբեմ դառնում էր Հայոց կամ Վրաց մարզպան (Հ. Խ.):

²⁴ Սեբեոս, էջ 71:

²⁵ Տե՛ս Դանիելյան Է., Հայաստանի քաղաքական պատմությունը և Հայ Առաքելական եկեղեցին (VI-VII դարեր), Երևան, 2000, էջ 146:

հաղորդումը պետք է նկատի առնել, որ Դավիթ Սահառունին պաշտոնավարել է Խոսրով Անուշիրվանի հրամանով: Այս իշխանը, եթե նույնիսկ նրա պաշտոնավարումը Որմիզդ արքայից հաշվենք, առնվազն 30–35 տարեկան պետք է լիներ, որ նշանակվեր այդպիսի բարձր պաշտոնի: Մրենի տաճարի կառուցման արձանագրությունը վերծանելով՝ Հ. Օրբելին գտել է, որ շինարարության ավարտը համապատասխանել է Հերակլ կայսեր կառավարման քսանիններորդ կամ երեսուներորդ տարվան՝ 639/640 թ.²⁶: Ա. Մանուչարյանի կարծիքով տաճարը կառուցվել էր 613 թ.²⁷: Մոտավոր հաշվարկներով Դավիթ Սահառունին 639 թ. արդեն պետք է լիներ 90–95 տարեկան զառամյալ ծերունի, որը հազիվ թե կարողանար կապանքները կտրելով սպաներ ավելի երիտասարդ զորավարներին և անցներ զորքի գլուխ: Ասողիկը, ինչպես ՄԺԵԺ Գնունու, անպես էլ Դավիթ Սահառունու իշխանությունը տարածել է ավելի վաղ շրջանի վրա: Կարծում ենք, որ Ասողիկի մոտ Սեբեոսի հաղորդած տեղեկությունները միախառնված են, քանզի Սեբեոսի մոտ կայսրը, Ասողիկի մոտ պարսից արքան, Դավիթ Սահառունուն նախարարների խնդրանքով են կարգում Հայոց իշխան: Ճիշտ է Սեբեոսը ուղիղ չի նշել Հայոց իշխան տիտղոսը, այլ՝ «իշխան ի վերայ ամենայն աշխարհացն», սակայն, դա, ըստ էության խոսում է այդ հանգամանքի օգտին: Նաև չմոռանանք, որ Հովհաննես Դրասխանակերտցին փաստում էր նրա Հայոց իշխան լինելը: Մրենի տաճարի արձանագրության մեջ Դավիթ Սահառունին հանդես է գալիս՝ «պատրիկ, կուրոպաղատ» ու «Հայոց և Ասորւոց սպարա-

²⁶ Տե՛ս Օրբելի Ի., Избранные труды, Ереван, 1963, էջ 400–401:

²⁷ Տե՛ս Մանուչարյան Ա., Բնություն Հայաստանի IV–XI դարերի շինարարական վկայագրերի, Երևան, 1977, էջ 69:

պետ» կոչումներով, որովհետև Հայոց իշխանը կրում էր պատ-
րիկ կամ կուրոպաղատ տիտղոսները²⁸: Ա. Մանուչարյանի
տեսակետը, որ «Հայոց և Ասորոց» սպարապետի կոչումը Դա-
վիթ Սահառունին պետք է ստացած լիներ ավելի վաղ՝ Հերակլի
կառավարման սկզբում²⁹, վիճարկելի է քանի որ 602 թ. վերսկս-
ված պատերազմում, մինչև 622 թ. ռազմական հաջողությունը
պարսիկների կողմն էր, որոնք գրավել էին Բյուզանդիայի տի-
րապետության տակ գտնվող հողերի մեծ մասը, մոտենալով
ընդհուպ մայրաքաղաքին³⁰: Դավիթ Սահառունին «Հայոց և
Ասորոց» սպարապետ կոչումը լավագույն դեպքում կարող էր
ստանալ 623–628 թթ. ընթացքում, երբ դեռ Հայոց իշխան չէր:
Մրենի տաճարի արձանագրության մեջ նա պարզապես արտա-
ցույել է իր բարձր տիտղոսաշարը:

Որոշ ուսումնասիրողներ Հերակլ կայսեր դեմ կազմակերպ-
ված դավադրությունը, որին ներկա էր նաև Դավիթ Սահառու-
նին, թվագրում են 637/638թ.³¹: Նման թվագրման դեպքում
կստացվի, որ 637/638 թ. Մծեժ Գնունին պետք է ձերբակալեր
Դավիթ Սահառունուն և ուղարկեր արքունիք: Սակայն, այստեղ
ակնհայտ հակասություն կա, քանի որ Սահառունի իշխանը, ոչ
միայն իրեն ազատում է կապանքներից, այլև սպանում իրեն կա-
լանավորողներին: Դրանից հետո է, որ Հերակլ կայսրը նրան

²⁸ Տե՛ս Օրբելի II., Избранные труды, էջ 401, Տեր-Ղևոնդյան Ա., Հայոց իշ-
խան տիտղոսի ծաղումը և Հայոց տերությունը VII դարում, «Քանրեր երևանի հա-
մալսարանի», 1969, թիվ I, էջ 243–244:

²⁹ Տե՛ս Մանուչարյան Ա., նշվ., աշխ., էջ 65–67:

³⁰ Տե՛ս Խսկանյան Վ., Հայ-թյուզանդական հարաբերությունները IV–VII դդ.,
Երևան, 1991, էջ 430–431:

³¹ Տե՛ս Юзбашин К., Армянские государства эпохи Багратидов и Византии IX–
XI вв., Москва, 1988, էջ 30, Хуршудян Э., Армения и сасанидский Иран (Историко–
культурологическое исследование), Алматы, 2003, էջ 109, Шагинян А., Армения и
страны Южного Кавказа в условиях византийско-иранской и арабской власти, էջ
207:

շնորհում է կուրոպաղատի ու Հայոց իշխանի տիտղոսները, վերջինը նա վարում է երեք տարի: Այդպիսով ենթադրելի է, որ Սահառունին կառավարել է մինչև 641 թ.³²: Այդ թվականից Դավիթ Սահառունին քաղաքական ասպարեզում այլևս չի հիշատակվում, քանզի սկսվել էր արաբական արշավանքը Հայաստան: Ուստի միանգամայն տրամաբանական է Սահառունի իշխանի Մժեժ Գնունուն սպանելը թվագրել 635 թ.: Դավիթ Սահառունին կառավարելով երեք տարի, անարգվեց զորքի կողմից և հեռացվեց: Այսպիսով, VI դ. վերջերին հիշատակված Դավիթ Սահառունին պատմական անձ չէ, համանուն նախարարը եղել է ոչ թե Հայոց մարզպան, այլ՝ Հայոց իշխան 635–638/39 թթ.³³:

Սմբատ Բագրատունի (Խոսրով Շում) մարզպան Կարևոր ենք համարում 591 թ. կապակցությամբ անդրադառնալ Սմբատ Բագրատունու (Խոսրով Շում) մարզպանության խնդրին, որովհետև նա վայելելով Խոսրով II Փառվեզի (590 թ., 591–628 թթ.) վստահությունն ու համակրանքը պետք է մեծ դեր խաղար Մարզպանական Հայաստանի (թեև տարածքային առումով կրճատված) իրավաքաղաքական կյանքում: Առաջինն այս իշխանին հիշատակում է Սեբեոս պատմիչն իր երկի Ի գլխում կապված Մավրիկիոս կայսեր կողմից հայ գինական ուժի՝ երկրից դուրս բերելուն և Սահակ Մամիկոնյանի գնդի հետ դեպի

³² Տե՛ս Մարտիկոս Ա., նշվ. աշխ., էջ 206, 211: Ուսումնասիրողը հակասում է ինքն իրեն, որովհետև մեկ նշում է. թե 639/40 թ. մարզպանն էր Թեոդորոս Ռշտունին, իսկ մեկ այլ տեղում նշում է, որ 639/40 թ. Դավիթ Սահառունին պաշտոնազրկվեց և Երկրի երկու հատվածներում համրեղիսանուր դեկավար ճառաչվեց Թեոդորոս Ռշտունին (տե՛ս նույն տեղում էջ 201, 209):

³³ Առկա է տեսակետ՝ Դավիթ Սահառունու մարզպանությունը տեղափոխել VII դար՝ (617–629 թթ.), իբրև թե Սահառունի իշխանը հաջորդել է Սմբատ Բագրատունուն (591–617 թթ.), ինչը մեր կարծիքով ժամանակավրեպ է (տե՛ս Հայ ժողովրդի պատմության քրեստոմատիա. հ. 2. (III դարի վերջերից մինչև IX դարի կեսերը). Երևան, 2011, էջ 624):

Թրակիա ուղարկելուն³⁴: Բագրատունի իշխանը, թեև Խաղտիք հասնելով ըմբոստացավ, չցանկանալով գնալ կայսեր մոտ, սակայն տեղի տալով կայսեր խոստումներին ներկայացավ իր գնդով, որոնց Մավրիկիոս կայսրը ուղարկեց դեպի Թրակիա³⁵: Պատմիչն այնուհետև հայտնում է, որ հայ նախարարները որոշել էին ապստամբել կայսեր դեմ, որպեսզի այլևս չմեռնեն օտարության մեջ, սակայն Սմբատ Բագրատունու կողմից նախատեսվող ապստամբության կանխումից հետո (590 թ.), նրան և յոթ այլ անձանց, հավանաբար համակազմակերպիչներին, տանում են Կոստանդնուպոլիս դատավարության: Մահվան դատապարտված Սմբատ Բագրատունին հաղթում է «կրկեսային մենամարտում», որից հետո կայսրը նրան ներում է շնորհում, սակայն ամբաստանվելով աքսորվում է հեռավոր կղզիներից մեկը, ապա տրիբունի պաշտոնով Աֆրիկա՝ զինվորական ծառայության³⁶: Այս իրադարձություններից հետո, Սեբեոսը Սմբատի մասին կրկին հիշատակում է ԻԴ գլխում, որպես արդեն Վրկանից մարզպան. «Եւ եղև ի ժամանակին յայնմիկ հաճոյանալ Սմբատայ Բագրատունւոյ յաչս Խոսրովու արքային. տայ ի նա զմարգպանութիւն երկրին Վրկանայ, առնէ զնա իշխան ի վերայ ամենայն կողմանն այնորիկ...»³⁷: Թե, որքան էր պաշտոնավարել Սմբատը կտեսնենք ստորև:

Հաջորդ պատմիչն, անդրադարձած Բագրատունի իշխանին, Հովհաննես Դրասխանակերտցին է: Ըստ կաթողիկոս պատմիչի՝ «Խոսրովայ հաստատեալ ի թագաւորութիւնն Պարսից՝ աստանաւր Սմբատ քաջ Բագրատունի բազում եւ անհնա-

³⁴ Տե՛ս Սեբեոս, էջ 91–92:

³⁵ Տե՛ս Լույս տեղում, էջ 92:

³⁶ Տե՛ս Իսկանյան Վ., նշվ. աղբ., էջ 370–394:

³⁷ Սեբեոս, էջ 96:

որին մարտս յարդարէր ընդդէմ բոլոր թշնամեաց նորա...: Ընդ որ զարմացեալ Խոսրովայ՝ յաւէտ իմն հաճոյանայր Սմբատ յաչս նորա. Եւ բազմաք ոմամքք ընծայական աւժտութեամբք զնա պատուասիրեալ՝ տայ նմա Եւ զմարզպանութիւնն Վրկանայ»³⁸: Այստեղ հատկանշական է, որ պատմիչն ի տարբերություն Սեբեոսի նշում է Խոսրով Փարվեզի գահին հաստատվելու փաստը, որից հետո է Սմբատն արժանանում արքայի բարեհաճությանը: Խոսրով Փարվեզն առաջին անգամ գահ է բարձրացել 590 թ. փետրվարի 6-ին, երբ Վնդոյի և Վստամի կողմից Որմիզդ IV արքան գահընկեց արվեց և կուրացվեց³⁹, այնուհետև վերահաստատվել գահին 591 թ.⁴⁰: Ենթադրելի է, որ Սմբատի մարզպան լինելը պետք է համընկներ Խոսրով արքայի կառավարման սկզբնական շրջանին: Հիշենք Սեբեոսի բերված հաղորդումը, ըստ որի 590 թ. նա արդեն գտնվում էր կայսեր մոտ, այնուհետև՝ աքսորավայրում, ապա՝ Աֆրիկայում:

Հիշյալ իրադարձություններին ժամանակագրորեն թեև Ուխտանես Եպիսկոպոսի երկն է մոտ, սակայն շահեկան կլինի սկզբում մեջբերել Ասողիկի հաղորդումը. «Իսկ զկնի Տեառն Մովսիսի եկաց կաթողիկոս Հայոց Տէր Աբրահամ ի գաւառէն Ոշտունեաց ... հրամանաւ Սմբատայ Բագրատունոյ, որ էր մարզպան Հայոց ի Խոսրովու հրամանէ»⁴¹: Այս հաղորդումը, ինչպես դժվար չէ նկատել վերաբերվում է 607/8 թ. դեպքերին, երբ կաթողիկոս ընտրվեց Աբրահամ Ա Աղբաթանեցին (607/8–

³⁸ Հովհաննէս Դրասխանակերտցի, էջ 399:

³⁹ Տե՛ս Дашков С., Цари царей Сасаниды (Иран III–VII вв. в легендах, исторических хрониках и современных исследованиях), Москва, 2008, էջ 157:

⁴⁰ Տե՛ս Malek M., The Sasanian king Khusrāu II (AD 590/1–628) and Anāhitā. “Nāme-ye Irān-e Bāstān”, vol. 2, № 1, 2002, էջ 23–24:

⁴¹ Ասողիկ, էջ 692:

615 թթ.): Հետաքրքիր է, որ Ասողիկը անմիջապես հաղորդում է Սմբատի՝ Վրկանում պատերազմելը, սակայն նրան չի կոչում և ոչ մի տեղ Վրկանից մարզպան: Ենթադրելի է, որ ի դեմս «Հայոց մարզպան»-ի հարկ է հասկալ Վրկանից մարզպանին, քանի որ Սեբեոսի և Դրասխանակերտցու մոտ բացակայում են այդպիսի հատվածներ: Այստեղ տեղին է մեջբերել Ուխտանեսի համապատասխան հաղորդումը, ով խոսելով հայ-վրացական եկեղեցական անցքերի մասին, հայտնում է հետևյալը. «Եւ Սմբատն՝ զորմէ ասացաք թէ՝ մարզպան էր Հայոց, այր բարի եւ բարեպաշտ՝ եւ հաւատարիմ եւ հաստատուն ի հաւատս ուղղափառութեան...»⁴²: Ուխտանեսն, այս հատվածը չէր կարող քաղել Դրասխանակերտցուց, իսկ քիչ հետո խոսելով արդեն Վրկանից մարզպան՝ կարգված նույն Սմբատ Բագրատունու մասին հայտնում է, որ նա «բազում պատերազմունս վանեալ եւ վատնեալ ի Հայկ, եւ ի Յոյնս, ու ի Պարսիկս՝ որպէս ուսուցանէ քեզ պատմութիւնն Հերակղի»⁴³: Ահա, այստեղ է, որ պարզ է դառնում, թե ումից է վերցրել այդ տեղեկությունը Ուխտանեսը, դա Սեբեոսն է անկասկած, որի ներկա հրատարակությունում բացակայում է Սմբատի Հայոց մարզպան լինելը: Դա նշանակում է, որ պատմագիրն օգտվել է Սեբեոսի երկի առավել անաղարտ օրինակից, որը մեզ չի հասել⁴⁴: Բացառված չէ, որ Ասողիկը, եթե ոչ Սեբեո-

⁴² Ուխտանես եպիսկոպոս, «Պատմութիւն Հայոց. «Մատենագիրք Հայոց», Խ. ԺԵ. Ժ դար. Երևան. 2011, էջ 518: Թերևս միայն Մ. Օրմանյանն է, որ ու շաղկապում է դարձրել Ուխտանեսի այս հաղորդմանը, սակայն նշելով, որ դա մարզպանություն չէր, այլ լուսաւորիկ իշխանություն՝ տրված նրան կարգավորելու համար կրոնական գործերը (Օրմանյան Մ., Ազգապատում. Հայ ուղղափառ եկեղեցւոյ անցքերը սկիզբէն մինչև մեր օրերը յարակից ազգային պարագաներով պատմութեամբ, Խ. Ա, Էջմիածին, 2001. սյուկակ 708):

⁴³ Ուխտանես եպիսկոպոս, էջ 548:

⁴⁴ Տե՛ս Աբգարյան Գ., «Սեբեոսի պատմությունը» և Անանուհի առեղծվածը, Երևան. 1965, էջ 19:

սի, ապա Ուխտանեսի հաղորդումից կարող էր օգտվել: Սա կարծես թե մի կողմից վկայում է Սմբատ Բագրատունու Հայոց մարզպան լինելը, սակայն մյուս կողմից ծնում է ավելի շատ հարցեր⁴⁵:

Այս առումով հետաքրքրություն կարող են ներկայացնել Սամվել և Մխիթար Անեցիների աշխատությունները: Սամվել Անեցին իր «Ժամանակագրութիւն» մեջ խոսելով Սմբատի՝ խոսքով արքայի թշնամիների դեմ մարտերի, այնուհետև, Վրկանից մարզպան կարգվելու մասին, այն թվագրում է ՇՂԵ-ով (595 թ.)⁴⁶: Իրականում այստեղ խոսքը 593 թ. մասին է, քանի որ պատմիչը այն տվել է Փրկչական թվականով, որը 2 տարով ավել է քան արդի թվագրումը⁴⁷: Նրան հետևած Մխիթար Անեցին նույն իրադարձությունը դնում է ՇՂԶ տարում (596 թ.)⁴⁸: Սեբեոսի հաղորդումներից հայտնի է, որ հայ նախարարների կողմից 591–596 թթ. տեղի էր ունեցել ապստամբական շարժում և՛ Բյուզանդիայի և թե՛ Սասանյան Պարսկաստանի դեմ⁴⁹: Սմբատ Բագրատունին, եթե իսկապես եղել է Հայոց մարզպան, ապա դա պետք է լիներ 596 թ. հետո ընկած ժամանակահատվածում:

Հետագա դարերի պատմիչներն առանձնապես կարևոր մանրամասներ չեն հաղորդում այս կապակցությամբ, մեծամա-

⁴⁵Խ. Թորոպյանը, կատարելով բանասիրական հետազոտության, առաջարկել է Ուխտանեսի երկում «Եւ Սմբատն» գորմ: ասացաք թե՛ մարզպան էր Հայոց» հաստատվածը հետագա իրատարակություններում սրբագրել հետևյալ կերպ. «Եւ Սմբատն. գորմ, ասացաք թվ. մարզպան էր Վրկանայ» (տե՛ս Թորոպյան Խ., Սեբեոս պատմիչը և իրաւ երկը, «Բանբեր Մատենադարանի», 1969, թիվ 9, էջ 81–82 ծնթ. 42):

⁴⁶ Տե՛ս Սամուէլ Անեցի եւ Շարունակողներ. էջ 145:

⁴⁷ Տե՛ս նույն տեղում. էջ 23–24:

⁴⁸ Տե՛ս Մխիթար Անեցի, Մատենա աշխարհավէպ հանդիսարանաց, աշխատասիրությամբ Հ.Գ. Մարգարյանի, Երևան, 1983, էջ 91:

⁴⁹ Տե՛ս Հայոց պատմություն, հ. II, էջ 237–246:

սամբ կրկնելով կամ ձևափոխված ներկայացնելով նույն միտքը⁵⁰:

Համաձայն Սեբեոսի՝ Սմբատ Բագրատունին Վրկանի մարզպանի պաշտոնը վարեց ութ տարի, որից հետո մեծարանքով կանչվեց արքունիք, ապա Խոսրովի կառավարման 18-րդ տարում ուղարկվեց Հայաստան, հավանաբար կարգավորելու կաթողիկոսի ընտրության հարցը⁵¹: Սմբատի ղեկավարությամբ Խոսրով Փարվեզի կառավարման 17-րդ տարում՝ 607/608 թ. կայացած Դվինի ժողովում, կաթողիկոս է ընտրվում Աբրահամ Աղբաթանեցին⁵², որով Սմբատ Բագրատունու մարզպանության 8 տարիները պետք է թվագրել սկսած 599/600 թ.:

Կարելի էր նաև մարզպանության տարիները զետեղել 596-599 թթ. միջակայքում, սակայն Սեբեոսը, կապված պարսկաբյուզանդական պատերազմի հետ հիշատակել է այն մարզպան-գորավարներին, ովքեր մինչև պարսից Որմիզդ արքայի կառավարման ավարտն արշավել էին Հայաստան: Դրանցից վերջինը Հրատրին Դատան մարզպանն էր, որի ժամանակ էլ մահանում է Որմիզդ արքան ու թագաժողովում է նրա որդին՝ Խոսրով Փարվեզը: Այնուհետև, պատմիչի հաղորդմամբ եկան պարսիկ սահմանակալներ՝ մինչև Մորիկ և Խոսրով թագավորների միջև առկա խաղաղության ավարտը, դրանք էին Վնդատականը, Նիխորականը, Մերակբուտը, Յազդենը, Բուտմահն ու Հոյիմանը⁵³:

⁵⁰ Տե՛ս Կիրակոս Գանձակեցի, էջ 50, Վարդան վարդապետ, էջ 59-60, Ստեփաննոսի Սիւնեաց եպիսկոպոսի պատմություն տառն Սիսական, ի յոյս ընծայեաց Մկրտիչ Էմին, Մոսկվա, 1861, էջ 72:

⁵¹ Տե՛ս Սեբեոս, էջ 100:

⁵² Տե՛ս Սմբատ Բագրատունի, Ձեռնարկ՝ գոր խնդրեաց Սմբատ Վրկան մարզպան. ցայե եպիսկոպոսուես, որ ր վարձեալ ժողովեցան նորին հրամանաւ ի Դուին՝ կարգել կաթողիկոս Հայոց, յետ մահուան Մովսէսի. եւ զայս ձեռնարկ ատեցաւ. «Մատենագիրք Հայոց». Խ. Դ. Է: դար. Անթիլիսս-Լիբանան, 2005, էջ 3-42:

⁵³ Տե՛ս Սեբեոս, էջ 71, 105: Տե՛ս նաև Դանիելյան Է., նշվ. աշխ., էջ 27:

Մորիկի և Խոսրովի միջև հաշտությունը կնքվել էր 591 թ., որը, անխախտ էր մնացել մինչև բյուզանդական կայսեր սպանությունը՝ 602 թ.: Եթե Սեբեոսի երկի սկզբնական բնագրում եղել է Սմբատի՝ Հայոց մարզպանի մասին հիշատակումը, ապա առավել քան անհասկանալի է դառնում պատմիչի՝ վերոնշյալ սահմանակալների մասին վկայությունը: Փաստացի սահմանակալ-մարզպանների Հայաստան արշավելն առավելապես խոսում է այն մասին, որ այդ ժամանակ երկրում մարզպան չկար, քանի որ մարզպանը տեղում պարսից ազդեցության և նրա վարչակարգի խորհրդանիշն էր: Սմբատ Բագրատունին, եթե իսկապես լիներ Հայոց մարզպան՝ պարսից վարչակարգի ներկայացուցիչ, ապա սահմանակալ-մարզպանների տարածաշրջան գալը կլիներ անհիմն:

Պատմագիտության մեջ առավել ընդունված է Սմբատ Բագրատունու՝ Վրկանի մարզպան լինելու տարբերակը (599/600–607 թթ.)⁵⁴, սակայն որոշ հետազոտողներ, հիմնվելով Ասողիկի հաղորդման վրա, ենթադրել են, որ նա եղել է Հայոց մարզպան (591/593–600/601 թթ.)⁵⁵:

Վարկածներից մեկի համաձայն Սմբատը կարգվել է Հայոց մարզպան (տերանց զինուոր) 607–608 թթ., երբ Խոսրով արքա-

⁵⁴ Տե՛ս Ալիևեան Ն., Կիրիոն կաթողիկոս վրաց, Վիեննա, 1910, էջ 157–164, Օրմսեևան Մ., Ազգապատում. հ. Ա. պրոնակ 681–682, **Ղազարյան Վ.** Հայ Առաքյալական եկեղեցին Միջին Ասիայում Ե–ԺԵ դարերում, Երևան, 2008, էջ 47, Pourshariati P., Decline and fall of the Sasanian empire. The sasanian-parthian confederacy and the arab conquest of Iran, London-New York, 2008, p. 136–140, McDonough S., The “Warrior of the Lords”: Smbat Bagratuni at the Center and Periphery of Late Sasanian Iran, “Iranian Studies”, vol. 49, № 2, 2016, p. 233–245.

⁵⁵ Տե՛ս Իսկանյան Վ., Եզլ. աշխ., էջ 394, Տեր-Պետրոսյան Ա., Հայաստանը VI–VIII դարերում (արաբական նվաճումներին նախորդող և տիրապետության հաստատման առաջին շրջանում), Երևան, 1996, էջ 15, **Վարդանյան Վ.** Հայոց պետականությունը Արշակունյաց թագավորության անկումից հետո (V դ. կես – 630-ական թվականներ), «Պատմաարևմտափրական հանդես», 2014, թիվ 2, էջ 12:

յի կողմից ուղարկվել էր Հայաստան՝ տեր դառնալու իր երկրին⁵⁶: Սեբեոսը, սակայն հաղորդում է, որ Սմբատը խոսքով արքայից թույլտվություն է հարցնում վերաշինելու Դվինի Սբ. Գրիգոր եկեղեցին (607 թ.), որից հետո պարսիկ մարզպանն ու բերդակալը, ամբաստանագիր են գրում խոսքով արքային⁵⁷: Այսինքն, այդ շրջանում ևս կար պարսիկ մարզպան, որը բացառում է այս տարբերակը :

Այս առումով աղբյուրագիտական տվյալների սղությունը մեզ բերում է մեկ տրամաբանական եզրակացություն, որ Սմբատ Բագրատունին լինելով պարսից արքայի մտերիմ անձնավորություն անկասկած մեծ հեղինակություն էր վայելում թե՛ Իրանում և թե՛ Հայաստանում: Դրա ապացույցը ոչ միայն խոսքով Փարվեզի տերության մեջ Սմբատի՝ երրորդ նախարար լինելն էր, այլև նրա համաձայնությամբ Հայաստան գալը և Դվինում կաթողիկոսի ընտրություն կազմակերպելն էր: Այս առումով ոչ պաշտոնական, սակայն Սմբատ Բագրատունին կարող էր պատմիչների կողմից դիտվել Հայոց մարզպան, ինչպես Ուխտանեսն է նրան բնորոշում՝ «եւ ամենագով մարզպանն Սմբատ, որ զի թէպէտ եւ թագաւոր չէր աշխարհիս Հայոց, այլ նա լնոյր չէր զպակասութիւն թերութեան թագաւորի հագաբարձութեամբն իւրոյ...»⁵⁸: Անկասկած Սմբատ Բագրատունու օրոք Հայկական մարզպանության կշիռը բարձրացել էր և պատահական չէ, որ նրա որդին դարձել էր երկրի մարզպան ու նրա քաղաքական ուղեգծի շարունակորդ:

⁵⁶ Տե՛ս Մաթեոսյան Ռ., Բագրատունիներ (պատմա-տոհմաբանական հանրագիտարան), Երևան, 1997, էջ 15, Հայ ժողովրդի պատմության քրեատոմատիա, էջ 176, ծան. 5:

⁵⁷ Տե՛ս Սեբեոս, էջ 100: Դանիելյան Է., նշվ. աշխ., էջ 27:

⁵⁸ Ուխտանեսն եպիսկոպոս, էջ 547:

Հայ պատմիչներից Հովհան Մամիկոնյանը հաղորդում է. «Արդ՝ մինչդեռ գայր ի Յունաց Խոսրով, առեալ զՄուշեղ՝ գտէրն Մշոյ եւ Խութայ, Տարանոյ իշխանն եւ Սասնոյ, հրամանաւն Մարկայ տարեալ ի Դուին եւ արար մարգպան»⁵⁹: Նույն պատմիչի վկայությամբ Մուշեղը տեսնելով պարսից Խոսրով արքայի և Մորիկ կայսեր դավադրական գործողություններն իր հանդեպ «թողեալ զզաւրսն ի Դուին՝ ի բաց եկաց ի մարգպանութենէն: Եւ առեալ զզաւրս իւր, որ ի Մամիկոնեան տանէն էին, եկն ի գաւառ իւր»⁶⁰:

Արաբ պատմիչ ալ-Դինավարին Վահրամ Չուբինի հիշատակության կապակցությամբ Մուշեղ Մամիկոնյանին համարում է մեծ մարգպան⁶¹: Խոսքն այստեղ 590-ական թթ. մասին է, երբ Խոսրով Փարվեզը Վահրամ Չուբինի դեմ պայքարում էր Սասանյան տերությունում իշխանության հասնելու համար:

Սեբեոսը պատմելով Վահրամ Չուբինի հրովարտակի մասին, ուղղված Մուշեղ Մամիկոնյանին և հայ նախարարներին, չի հիշատակում Մամիկոնյան իշխանին, որպես Հայոց մարգպան և հետագա շարադրանքում էլ մինչև Մուշեղի կայսեր պալատ կանչվելը և այնտեղ պահվելը նրա մարգպանի կարգավիճակը չի հիշատակվում⁶²: Սմբատ Բագրատունու առնչությամբ մենք տեսանք, որ այդ ժամանակամիջոցում մարգպան՝ այն էլ հայ, չէր կարող նշանակվել:

⁵⁹ **Յովհան Մամիկոնեան**, «Պատմութիւն Տարանոյ, «Մատենագիրք Հայոց», Խ. Ե, Լ: դար, Անթիլիաս-Լիբանան, 2005, էջ 1053

⁶⁰ Նույն տեղում, Լջ 1055:

⁶¹ Տե՛ս Օտար աղբյուրները Հայաստանի և հայերի մասին 16, Արաբական աղբյուրներ Գ, արաբ մատենագիրներ Թ-Ժ՝ դարեր, ներածությունը և բնագրից թարգմանությունը՝ Արամ Տեր-Ղևոնդյանի, Երևան, 2005, էջ 211:

⁶² Տե՛ս **Սեբեոս**, էջ 77–84:

Արժանահավատ համարելով Սեբեոսի պարսիկ սահմանա-
կալ-մարզպանների ցանկը, բայց միևնույն ժամանակ հաշվի
առնելով Հովհան Մամիկոնյանի և Ասողիկի հաղորդումները Մ.
Օրմանյանը կարծել է, որ Մուշեղ Մամիկոնյանը կարգվել էր ոչ
թե Հայոց մարզպան, այլ՝ հազարապետ⁶³: Հ. Աճառյանն իրա-
վացիորեն նկատել է, որ Խոսրով Փարվեզը Մուշեղին այդ ժա-
մանակ մարզպան նշանակելու ո՛չ իրավունք և ոչ էլ կարողությ-
յուն ուներ⁶⁴: Ուստի միանգամայն համաձայն ենք է. Խուրշուդյա-
նի այն դիտարկմանը, որ Մուշեղ Մամիկոնյանի՝ Հայոց մարզ-
պան նշանակվելու փաստը չի համապատասխանում իրակա-
նությանը: Թե՛ Սմբատ Բագրատունին, թե՛ Մուշեղ Մամիկոնյա-
նը Սասանյան արքայի մերձավորները լինելով հայտնի էին և՛ Ի-
րանում և՛ Հայաստանում իրենց ակտիվ հասարակական-քաղա-
քական գործունեության շնորհիվ, ինչի հետևանքով էլ շատ
պատմիչներ նրանց վերագրել են Հայոց մարզպանի պաշտո-
նը⁶⁵:

Պարսկաբյուզանդական պատերազմի վերսկսումով 602-
628 թթ.⁶⁶ տարածաշրջան էին եկել համաձայն Սեբեոսի՝ Աշ-
տար Հեզդայար, Շահեն պարզոսպան, Շահրայենպեյր, Պար-
սեանպեյր Պարշընագդայր, Նամդար Վշնասու, Շահրապդա-
կան և Ռոճ Վեհան զորավարները⁶⁷: Դժվար է ասել նրանք իս-
կապես Հայոց մարզպաններ էին, թե պարզապես պատերազ-
մական շրջանում պարսից զորավարներ, որոնք գտնվելով Հա-

⁶³ Տե՛ս Օրմանեան Մ., Ազգապատում. հ. Ա, սյունակ 678:

⁶⁴ Տե՛ս Աճառյան Հ., Հայոց անձնանունների բառարան. հ. Դ, Երևան, 1946, էջ 459:

⁶⁵ Տե՛ս Хуршудян Դ., Армения и сасанидский Иран, էջ 95:

⁶⁶ Տե՛ս Տեր-Ղևոնդյան Ա., Հայաստանը VI-VIII դարերում, էջ 16:

⁶⁷ Տե՛ս Սեբեոս, էջ 105, 110-113:

յոց մարզպանությունում իրականացնում էին պատժիչ գործողություններ ընդդեմ Բյուզանդիայի: Պարսկաբյուզանդական քսանվեցամյա պատերազմի ավարտից հետո՝ 628 թ. Պարսկաստանում թագավորեց Կավադ II Շերոյեն (628 թ.), որն էլ համաձայն Սեբեոսի «...տայ նմա (Վարազտիրոց Բագրատունուն - Հ.Խ.) գիշխանութին տանուտերութեանն. առնէ զնա մարզպան և արձակէ ի Հայս...»⁶⁸: Հայոց մարզպան Վարազտիրոց Բագրատունու կառավարումը նշանակում էր Մարզպանական Հայաստանի ինքնավար կարգավիճակի առկայություն, որը սակայն երկար չի տևում: Սեբեոսը հաղորդում է, որ Ատրպատականի իշխան Խոռոխ Որմիզդը, նրա որդին՝ Ռոստոմը, ինչպես նաև Հայոց իշխան ՄԺԺԺ Գնունին թշնամական հարաբերությունների մեջ էին Հայոց մարզպանի հետ: Իմանալով, որ իրեն պատրաստվում են կալանավորել Վարազտիրոց Բագրատունին «առեալ զկին իւր և զորդիս՝ փախեալ ի գիշերի, և ճանապարհ կալեալ զնաց ի Տարոն»⁶⁹: Մասնագիտական գրականության մեջ մարզպանի դեպի Տարոն հեռանալը թվագրվում է 633 թ.⁷⁰, որով էլ նրա մարզպանության տարիները թվագրվում են մոտ 628–633 թթ.⁷¹:

Ինչ վերաբերում է Թեոդորոս Ռշտունուն, ապա Վարազտիրոց Բագրատունուց հետո նա կարող էր համարվել մարզպան կամ ունենալ մարզպանական լիազորություններ, բայց երբ այլևս չկար Սասանյան Պարսկաստանը ավելորդ էր այդ պաշ

⁶⁸ Նույն տեղում, էջ 128–129: Տե՛ս նաև Հովհաննես Դրասխանակերտցի, էջ 403

⁶⁹ Սեբեոս, էջ 132:

⁷⁰ Տե՛ս Իսկանյան Վ., իշվ. աշխ., էջ 440, Տեր-Ղևոնդյան Ա., Հայաստանի VI VIII դարերում, էջ 18:

⁷¹ Տե՛ս Հայ ժողովրդի պատմության քրեատոմատիա, հ. 2, էջ 624, Գանիբեղան Է., իշվ. աշխ., էջ 144, Օրմանեան Ա., Ազգապատում, հ. Դ., էջ 77:

տոնի գոյությունը և կիրառումը, և դա է պատճառը, որ Ռշտունյաց իշխանը վերցնում է Բյուզանդիային անցած հայկական տիրույթներում (Տանուտիրական գնդի երկիր) քաղաքական կիրառություն ունեցող «Հայոց իշխան» տիտղոսը⁷²:

Այսպիսով, թեև Հայաստանում հաստատվել էր մարզպանական վարչակարգ, այդուհանդերձ, Սասանյաններին չհաջողվեց ամբողջովին վերացնել հայ ժողովրդի անկախությունը և երկիրը վերածել պարսկական սովորական նահանգի: Տարածքային առումով Մարզպանական Հայաստանը մեծապես զիջում էր Արշակունյաց թագավորությանն, այնուամենայնիվ շարունակում էր մնալ խոշոր վարչական միավոր: Երկրում պահպանվեցին հողատեր իշխանների ժառանգական իրավունքները, երկրի կառավարման մեջ նրանց դերակատարումը, որի կողքին՝ նաև Հայոց եկեղեցին, որպես ինքնուրույն մի կառույց: Մարզպանության շուրջ երկուհարյուրամյա գոյության ընթացքում ընդամենը հինգ ազգությամբ հայ մարզպանի նշանակումն արդեն ինքնին ցույց է տալիս Սասանյանների անհաշտ քաղաքականությունը:

Այսպիսով ունենում ենք մեզ հայտնի (ավելի ճիշտ այն մարզպանների, որոնք իսկապես մարզպան էին և որոնց կառավարման թվականները հաջողվել է որոշել) Հայոց մարզպանների հետևյալ հաջորդականությունը.

Վեհմիր շապուհ 428–441 թթ.

⁷² Ա. Շահինյանը «Իշխան Հայոց» տիտղոսը համարում է ստեղծված 631 թ. (Շահինյան Ա., Է. դարի Հայոց իշխանության ինքնիշխանացումը. «Հայկագիտական հայագիտական հանդես», Պեյրուք. 2013. թիվ 33. էջ 165–176): Ա. Հակոբյանի կարծիքով հավանաբար 615/616 թ. «Պարսից ժողովի» համատեքստում Այսրկովկասյան երեք երկրներում ձևավորվեցին իշխանների հաստատությունները (Յակոբեան Ա., Արքայատոհմերն ու իշխանատոհմերը Բուն Ադուսերում և Հայոց Արեսելից կողմանքում անտիկից մինչև ԺԳ դար (Պատմա-աղբիւրագիտական քննութիւն), Երևան, 2020, էջ 129):

Վասակ Սյունի 441–451 թթ.
 Ատրորմիզդ 451–470-ական թվականներ
 Ատրվշնասպ ≈ 480–482 թթ.
 Սահակ Բագրատունի 482 թ. – 483 թ. ամառ
 Շապուհ Միհրանյան 484 թ. գարուն–ամառ
 Անդեկան 485 թ. գարուն–աշուն
 Վահան Մամիկոնյան 485 թ. աշուն – 505 թ.
 Վարդ Մամիկոնյան 506 թ. վերջ – 509/510 թ.
 Նիխորական ≈ 546–549 թթ.
 Նախապետ ≈ 549–552 թթ.
 Քնարիկ ≈ 552–554/555 թթ.
 Սուրեն Ճիիր Վշնասպ ≈ 568/569–572 թթ.
 Վարազտիրոց Բագրատունի 628–633 թթ.

Генрик А. Хачатрян, *Институт истории НАН РА, К вопросу о правлении марзпанов Армении (вторая половина VI в. – 30-ые годы VII в.).*

Данная статья включает в себя правления марзпанов Армении от второй половины VI в. до падения Сасанидского Ирана. В основном с первой половины VI в. до 628 г. в Марзпанской Армении правили марзпаны персы. Сообщения источников что Давид Сахаруни, Смбат Багратуни и Мушер Мамиконян являлись марзпанами Армении не соответствует действительности. Последние двое будучи известными фигурами в Византийской империи и Сасанидском Иране сыграли важную роль в деле укрепления самоуправления страны, по этому им был приписан почетный титул марзпана Армении.

Henrik A. Khachatryan, *Institute of History of the NAS RA, On the question of ruling of the Armenian Marzpanans (second half of the 6th c. – 30s of the 7th c.).*

This article includes the periods of the rule of the marzpanans of Armenia from the second half of the 6th century before the fall of Sassanian Iran. Basically, from the first half of the 6th century until 628, the Persians ruled in the Armenian marzpanate. The reports of sources that David Saharuni, Smbat Bagratuni and Mushegh Mamikonyan were the marzpanans of Armenia, does not correspond to reality. The latter two, being well-known figures in the Byzantine Empire and Sassanian Iran, played an important role in strengthening the self-governance of the country, that is the reason the honorary title of marzipan of Armenia was assigned to them.

ՀԱՍՄԻԿ Հ. ԱՄԻՐՋԱՆՅԱՆ

ԳԱԱ պարմության ինստիտուտ, պ.գ.թ.

**ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՂՈՒԿԱՍ
ԿԱՐՆԵՑՈՒ ԴԱՎԱՆԱԲԱՆԱԿԱՆ
ԳՈՐԾՈՒՆԵՈՒԹՅՈՒՆԸ**

Քանալի բառեր՝ Ամենայն Հայոց կաթողիկոս, հոգևոր-վարչական, դավանանք, կոնդակ, կաթոլիկություն, եկեղեցի, Ղուկաս Կարնեցի, Էջմիածին, նվիրակ, հայոց թեմ, Արևմտյան Հայաստան:

1780 թ. Հայաստանյայց Առաքելական Սուրբ Եկեղեցու գահին զբաղեցնում է Ղուկաս Ա Կարնեցին (1780–1799 թթ.):

Հոգևոր-վարչական համակարգի կայացման ճանապարհին Ամենայն Հայոց Կաթողիկոսի գործունեության կարևոր մաս է դառնում Հայ Առաքելական հավատին սպառնացող երևույթների՝ նախևառաջ հայկական դավանանքից շեղվելու դեմ պայքարը: Ղուկաս Կարնեցին, ինչպես հայոց բոլոր կաթողիկոսները, անհաշտ ու վճռական պայքար մղեց աղթարմաների՝ կաթոլիկություն ընդունած և տարբեր աղանդների հարող անձանց ու խմբերի նկատմամբ:

Կաթողիկոսի աննահանջ պայքարը հայոց դավանանքի պահպանման ճանապարհին բխում էր ոչ միայն հայոց եկեղեցու նվիրապետության միասնականության ամրապնդման անհրաժեշտությունից, այլև՝ հայոց պետականության բացակայության ու պարսկական տիրապետության պայմաններում երկրի ներ-

քին ու արտաքին թշնամիներին դիմագրավելու հրամայականից:

Հայ եկեղեցու միասնականությունը խաթարող, հասարակության մեջ երկփեղկվածություն առաջ բերող աղանդների ներկայացուցիչների թիվն օրեցօր շատանում էր հատկապես Արևմտյան Հայաստանում¹: Եվրոպայից ներթափանցող կաթոլիկությանը հարողները, շերվելով հայկական եկեղեցու կարգականոնից, ոչ միայն չէին եեթարկվում տեղի հոգևոր առաջնորդներին, այլև հրաժարվում էին վճարել Ս. Աթոռի հոգևոր արդյունքը, խանգարում էին Էջմիածնի ներկայացուցիչներին կատարել իրենց պարտականությունները, այդ թվում՝ հավաքել հոգևոր հասույթն ու հասցնել Էջմիածին:

Պայքարին միասնական ու ավելի կազմակերպված բնույթ տալու համար կաթողի'գոսը համագործակցում էր տարբեր վայրերի հայ հոգևոր առաջնորդների, երևելիների, Էջմիածնից գործուղված գործակալ'ների՝ նվիրակների² հետ: Վերջինների միջոցով նա վերահսկողության ներքո էր պահում հատկապես Կարինի, Կարսի և մյուս բնակավայրերի հայերի հոգևոր դավանանքի ուղղությունները, քանի որ աղանդներն այնտեղ պարարտ հող էին գտել³:

¹ Հ'ավատը ուրացողներին այդ ժամանակահատվածում անվանել են «աղթարմա», «թողդակեցի», «կեսկեա», «սրևորդի» (տե՛ս Գրիգորյան Վ., Նոր տեղեկություններ «Բանալի ճշմարտության» երկի հեղինակ Հովհաննես երեցի մասին. «Բանիք'ըր մատենադարանի» (այսուհետև՝ ԲՄ), 1968, թ. 5, էջ 338): Նշվածներից առավել'ա տարածված են եղել առաջին երկուսը (Հ.Ա.):

² Նվիրակ-թեմի կողմից գործուղված անձ, ով պետք է տվյալ վայրում հավաքեր հոգ'աոր հարկը, ժողովարարություն հանգանակություն կատարեր հոգուտ թեմի, զբ'աղվեր հոգևոր այլ հարցերով (Հ.Ա.):

³ Հատկապես Արևմտյան Հայաստանում աղանդներին հարկելու ունեւ մի շարք ա'ատեճառներ: Բացի այն, որ ժողովուրդը երբեմն դժվարանում էր վճարել եկեղեցական տուրքը, նրանց ընդվզումը շատ հաճախ ուղղված էր եկեղեցական ղոգմաների դեմ: Ուսումնասիրությունները ցույց են տալիս նաև, որ աղանդավորները առանձին

4. Պոլսի նվիրակ Մինաս վարդապետին Ղուկաս Կարնեցին տեղեկացնում է, որ Կաղզվանի 15 տուն իրենց քահանայով հարել են աղանդի: Նամակից տեղեկանում ենք, որ տեղի հայերը դավանափոխ եղածների վերաբերյալ բողոք էին հղել Ս. Աթոռ: Կարելի է ենթադրել, որ դավանափոխները փորձել են ներգործել տեղի բնակչության վրա՝ նրանց իրենց շարքերը ներքաշելու նպատակով կամ խոչընդոտներ են առաջացրել հայերի հոգևոր գործունեության ճանապարհին: Ղ. Կարնեցին Կարսի հոգևոր առաջնորդ Հովհաննես վարդապետին և տեղի հայ երևելի պարոն Գևորգին հանձնարարում է այդ խնդիրները կարգավորել, աղթարմաներին վերադարձնել ճիշտ հավատի, իսկ եթե իրենց կամքով դարձի չգան՝ պատժամիջոցներ գործադրել, տուգանքի ենթարկել և նրանց ուղարկել Ս. Աթոռ⁴:

Իրենց ըմբոստությամբ ու կազմակերպվածությամբ աչքի էին ընկնում հատկապես Բայազետի աղանդավորները, որոնց մասին կաթողիկոսը տեղեկանում էր տեղի հայ ամիրաների միջոցով⁵: Այնտեղի էջմիածնի գործակալ Մկրտիչ վարդապետը նկարագրում է. «...ոչ հնազանդէին առաջնորդի և ոչ հոգևոր կարգաց և օրինաց եկեղեցոյս Հայաստանեայց, և ոչ անսային քարոզի խրատուց և պատուիրանաց ուղղադաւան կարգաւորաց, և ոչ երկնչէին ի հոգևոր պատժոց»⁶:

Խմբիր կազմած զևնր Լին բարձրացնում հայ գյուղացուն հարստահարողների՝ թուրքերի ու քրդերի դեմ. ինչը վկայում է. որ աղանդը երբեմն ծառայել է որպես սարսափի շղարշ (Հ.Ա.):

⁴ Տե՛ս Աղանեսնց Գ., Դիւան հայոց պատմութեան. գր. Դ. Թիֆլիս. 1899. էջ 347-348, 461:

⁵ Մեսրոպ Մաշտոցի անվան հին ձեռագրերի ինստիտուտ (այսուհետև՝ ՄՄ). ՀՊ 4449, թ. 32ա:

⁶ Դիւան հայոց պատմության. Ղուկաս Կարնեցի (1780-1785) (այսուհետև՝ Դիւան), աշխատասիրությամբ՝ Վ. Գրիգորյանի, հ. Ա. Երևան, 1984, էջ 326:

Կաթողիկոսն Ուլքիլիսայի վանքի (Բայազետի Ս. Հովհաննես վանք) հոգևոր առաջնորդ Մկրտիչ վարդապետի հետ համատեղ փորձում է վանքապատկան մի շարք գյուղերում պայքարել աղանդների դեմ⁷: Սակայն գործադրած միջոցներն էական արդյունք չեն տալիս: Այդ ամենի մասին վկայում են նաև կաթողիկոսի կողմից տեղի մահմեդական տիրողներին գրած նամակները⁸:

1786 թ. Դիադինի Մահմուդ բեկին գրած նամակում Կարնեցին խոսում է նաև տեղում տարածված աղանդների մասին⁹:

1783 թ. կաթողիկոսը հանդիմանական նամակ է հղում Բայազետի նվիրակ Կարապետ վարդապետին, որը աղթարմս մի երեցի¹⁰ հոգևորականի զգեստ էր շնորհել: Հետագայում՝ 1791 թ. հունվարին, Բայազետի բնակիչ, ոմն Մանուկ Մրկոյանին Կարնեցու գրածոյից տեղեկանում ենք, որ հերձված երեցը տեղի թուրք փաշայի միջոցով ուղարկվել է Էջմիածին: Կարնեցին իր շնորհակալությունն է հայտնում փաշային: Նմանօրինակ վերաբերմունքով կաթողիկոսը նաև փորձում էր շահել փաշայի համակրանքը՝ դեպի տեղի հայ ազգաբնակչությունը¹¹:

1784 թ. Մկրտիչ վարդապետին, Բայազետի երեւելիներ Վահանին ու Սահակին Ղուկաս Կարնեցին դարձյալ հրահանգում է ամեն գնով պայքարել աղանդների դեմ¹²:

Հետաքրքրություն են ներկայացնում Ղուկաս Կարնեցու նամակները խնուսցի¹³ Հովհաննես երեցի¹⁴ մասին, որն առաջին

⁷ Տե՛ս նույն տեղում:

⁸ Տե՛ս նույն տեղում, էջ 142–143, 273–274, 326, հ. Բ, Երևան, 2003, էջ 132:

⁹ Տե՛ս նույն տեղում, էջ 132:

¹⁰ Երեց կամ երեցփոխ, ծխականների կողմից րևարված եկեղեցու տնտեսությունը վարող անձ (Հ.Ա.):

¹¹ Տե՛ս Դիվան, հ. Ա, էջ 348, հտ. Բ, էջ 583:

¹² Տե՛ս նույն տեղում, հ. Ա, էջ 497:

անգամ կաթողիկոսի նամակներում հիշատակվում է 1789 թ. հուլիսի 13-ին: Երեցը հարել էր աղանդի և նպաստում էր դրա տարածմանը: Նամակներից եզրահանգում ենք, որ Խնուում հերձվածները բավականին տարածված են եղել: Հովհաննեսը բերվում է էջմիածին և բանտարկվում, սակայն կարողանում է փախչել, ինչից հետո միջոցառումներ են ձեռնարկվում՝ Խնու-ում արմատախիլ անելու աղանդը:

Կարնեցու կողմից Խնուսի քահանաներին ու իշխաններին ուղղված 1792 թ. մայիսի նամակից տեղեկանում ենք, որ վերջինները կաթողիկոսին տեղեկացրել էին, որ երեցը զղջացել է և օրհնության գիր էին խնդրում նրա համար¹³: Կաթողիկոսը սակայն, օրհնագիր չի ուղարկում: Պատճառն այն էր, որ Հովհաննեսը կաթողիկոսի պահանջի համաձայն՝ երկրորդ անգամ չի ներկայանում էջմիածին: Հետևաբար, Կարնեցին վստահ չէր կարող լինել նրա դարձի գալու հարցում:

Խնուսի հերձվածների պատմության ուսումնասիրությունից Վ. Գրիգորյանը պարզաբանել է, որ այնտեղի աղանդավորները, առանձին խմբեր կազմած, հարձակումներ էին գործում ոչ հայկական գյուղերի վրա: Այստեղից նա եզրահանգել է, որ այդ ընդվզումը միայն եկեղեցական կարգախոսների դեմ չէր: Նրանք հանդես էին գալիս հայ բնակչության դեմ ուղղված օտարների ավերածությունների, ավարառությունների, կողոպուտի դեմ¹⁴:

¹³ Խնու (Խանուս, Խնիս, Խնուգ, Խնութ, Խնուսերդ), պատմական իսլավական շաղաք (բերդաքաղաք, գյուղաքաղաք) Արևմտյան Հայաստանում. Էրզրումի նահանգի Էրզրումի գավառի Խնուսի գավառակում, վերջինի կենտրոնը: Հայտնի է որպես թոնդրակյան շարժման կենտրոն (Հ.Ա.):

¹⁴ Հովհաննես Լևոնցի մասին տե՛ս Գրիգորյան Վ., Նոր տեղեկություններ «Բախալի հիմարտության» երկի հեղինակ Հովհաննես Լևոնցի մասին, «Բանբեր մատենադարանի», 1968, թիվ 5, էջ 333–344:

¹⁵ Տե՛ս Դիվան, հ. Բ, էջ 710–711:

¹⁶ Տե՛ս Դիվան, հ. Բ, առաջաբան, էջ LXXXIII:

1781 թ. Կարինում կաթոլիկները տեղի էջմիածնի նվիրակ Ներսես վարդապետին խոչընդոտել էին տարածքի հոգևոր հասույթը հավաքելու գործում: Ղուկաս Կարնեցին տեղի հայ իշխաններին խնդրում է կանխել նմանօրինակ դեպքերը¹⁷: Նա 1782 թ. հունվարին Կարինի գործակալ Հայրապետի հետ խորհրդակցում է «Վասն անթարմայից լրբենի համարձակութանն»¹⁸:

Առկա են այլ վայրեր ուղղված կաթողիկոսի գրություններ ևս: Այսպես օրինակ, 1782 թ. հունվարին կաթողիկոսը Արարիկի¹⁹ ժողովրդին պատվիրում է. «...յաղթարմայից հեռի կալ, ընդ որս և չառնել խնամութիւն...»²⁰: Բերայի²¹ բնակչությանն ուղղած օրինագիր կոնդակում Ղուկաս Կարնեցին պատվիրում է պայքարել աղթարմաների դեմ, զգուշանալ նրանցից, դավանել միմիայն առաքելական հավատք²² և այլն:

Աղանդների դեմ պայքարն առավել արդյունավետ դարձնելու նպատակով Ղուկաս Կարնեցին մշակում է հատուկ կանոններ, որոնք զետեղվում են 1784 թ. օգոստոսի 26-ին Գյումուշխանայի հայերին ուղղած կոնդակի մեջ: Դրանում պահանջվում է հեռու մնալ և խուսափել աղանդավորների հետ շփվելուց, չբարեկամանալ և անգամ չամուսնանալ նրանց հետ. «...բաժան և անխառն մնալ ի չարափառ և ի մոլարաշաւիղ անթարմայիցն: ...զդստերս ձեր մի տաջիք ուստերաց հերձուածողաց և զդստերս նոցա մի առնուցութ ուստերաց ձերոց ի կնութիւն: Նմանա-

¹⁷ Նույն տեղում, հ. Ա, էջ 182–183:

¹⁸ ՏՆ՝ս Նույն տեղում, էջ 286:

¹⁹ Գավառական տիպի քաղաք Ճորոխ գետի ստորին հոսանքի ձախ ափին, հնում մտնում էր Մեծ Հայքի Տայոց աշխարհի Ճակք գավառի մեջ և համարվում էր վերջինիս կենտրոնը (Հ.Ա.):

²⁰ ՏՆ՝ս Դիվան, հ. Ա, էջ 287:

²¹ Կոստանդնուպոլսի թաղամասերից (Հ.Ա.):

²² Աղանեանց Ք., նշվ. աշխ., գր. Դ, էջ 329, Օրմանեան Մ., Ազգապատում, Կոստանդնուպոլիս, հ. Բ, 1914, էջ 3232:

պէս և ոչ կնքահայրութեամբ և ոչ հոգևոր կամ մարմնաւոր բարեկամութեամբ ընդ նոսա...»²³:

Աղանդների դեմ պայքարի ճանապարհին խոցելի էին հատկապես Հայաստանից դուրս գտնվող հայկական թեմերը, որոնք հեռու լինելով հայրենիքից, ավելի շատ էին ենթարկվում տարբեր դավանանքների ազդեցությունների: Թիֆլիսի երևելի Հովսեփ Նազարբեկյանին և այլուր հղված բազմաթիվ նամակներ պարունակում են կաթողիկոսի մտահոգություններն այլադավանություն ընդունած հայության վերաբերյալ²⁴:

1791 թ. Կարնեցին Ախալցխայի²⁵ հայությանը կոչ է անում հաստատուն պահել հայկական հավատը²⁶: Նմանատիպ կոնդակ է հղում նաև Արևմտյան Վրաստանի հայ բնակչությանը՝ հորդորելով. «...մնալի ի սուրբ հաւատս մեր հաստատուն, հեռի կալով ի յախթարմայից և այլն»²⁷: Կաթողիկոսը փորձում է այլադավանության դեմ պայքարում համագործակցել Արևմտյան Վրաստանի Սոլոմոն արքայի և Մաքսիմե կաթողիկոսի հետ²⁸:

Սահակ քահանային որպես առաջնորդ ուղարկելով Արևմտյան Վրաստան, կաթողիկոսը կոչ է անում այնտեղ ժողովել ճշմարտադավան եկեղեցականներ, ուսուցանել տեղի ժողովրդին «աստվածային բանիք և պահել զնոսա ի ճշմարիտ հաւատս՝ ի յուղիղ դաւանութիւնս և ի մաքուր կրօնս Հայաստա-

²³ Դիվան. հ. Ա, էջ 454–456:

²⁴ Աղանդաճ Գ., նշվ. աշխ., գր. Դ, էջ 378:

²⁵ Վրաստանի տիրապետության տակ գտնվող պատմական Ջավախքի Ախալցխա քաղաքն ու շրջակա գյուղերն ինքնուրույն էջմիածնական թեմ էին (տե՛ս Մեյրոնյան Ա., Ջավախքը XIX դարում և XX դարի առաջին քառորդին, Երևան, 2003, էջ 100–101):

²⁶ Նույն տեղում, էջ 554–556:

²⁷ Դիվան. հ. Ա, էջ 150:

²⁸ Տե՛ս նույն տեղում:

նեայցս սրբոյ եկեղեցոյ»²⁹։ Կաթողիկոսը հորդորում է սույն խրատները փոխանցել նաև իրենց գավակներին։

1783 թ. հունվարին Կարնեցին Բաղդադի հայ հոգևորականներին կոչ է անում Հայաստանյայց Առաքելական Սուրբ եկեղեցին «...անխառն պահեսցիք ի խմորաց և ի յաղանդոց հերձուածողաց»³⁰։ 1791 թ. Բաղդադի հայ երևելիներին գրած նամակում նա խոսում է թիֆլիսցի Ղուկաս Առաքելյանի «վայրաբանութեան» մասին, որը Բաղդադում զբաղվել էր աղանդների տարածմամբ։ Կարնեցին մեղադրում է տեղի հայերին՝ Ղուկասին հանդուրժելու և չպատժելու հարցում, մանավանդ, որ վերջինս գործել էր կաթողիկոսի անունից³¹։

Կաթողիկոսն անմիջապես արձագանքում է Խոյի հայ վաճառականների խնդրանքին՝ պատժելու աղանդներ սերմանող ու տարծող երկու անձի³²։

Ղուկաս Կարնեցին հերձվածների դեմ պայքարի հարցեր է քննարկում Ռուսաստանի հայոց թեմի առաջնորդ Հովսեփ Արղությանի հետ (1873–1801 թթ.), որն իր թեմում ամենայն հետևողականությամբ պայքարում էր աղանդների դեմ³³։

Ղուկաս Կարնեցին ընդառաջեց ասորիների նորընծա կաթողիկոս Մատթեոսին, որի գահակալմանը խոչընդոտում էին ասորի աղթարմա հոգևորականները։ Կարնեցին նամակներով դիմում է Կ. Պոլսի հայ իշխաններին ու պատրիարք Զաքարիային (Զաքարիա Փոքուզյան Կազդվանեցի (1773–1799 թթ.), հորդորում օգնել Մատթեոսին։ Աղանդների դեմ պայքարում միջոց-

²⁹ Նույն տեղում, էջ 321։

³⁰ Աղանեանց Գ., նշվ. աշխ., գր. Դ, էջ 486։

³¹ ՄՄ, ձև. հիմ 4483, թ. 1732ա-1732բ, Դիվան, հ. Բ, էջ 666, 686։

³² Տե՛ս Դիվան, հ. Ա, էջ 370։

³³ ՄՄ, հիմ 2699, թ. 26ա։

ների կարիք ունեցող Մատթեոսը հայ կաթողիկոսից ժողովարարության՝ դրամական հանգանակության կոնդակ է խնդրում: Կաթողիկոսն այն գրում է՝ դրա մեջ խոսելով եղբայրական ասորի ժողովրդի եկեղեցու գլխին կախված վտանգի, դրա բացասական հետևանքների ու դրանցից խուսափելու մասին³⁴: Նա հայ բնակչությանը կոչ է անում «...յոժար սրտիք և զուարթ երեսօք շնորհեսցիք դմա (կաթողիկոս Մատթեոսին – Հ.Ա.) զկամաւոր սուրս ողորմութեան...»³⁵:

Կաթողիկոսի գրությունների մի պատկառելի մասը տարբեր վայրերում այլադավանության դեմ պայքարող կամ առաքելական հավատին վերադարձած մարդկանց ուղղված շնորհակալական օրհնագրեր են՝ ինչպես օրինակ Թիֆլիսի մելիք Ավետիքին: Գորի քաղաքի երևելի Ստեփան Մանուչարյանին և այլոց³⁶:

Կաթողիկոսը շնորհակալական ու օրհնության գրեր է ուղարկում Վրաստանի հայ բնակիչներ Հովսեփ Նազարբեկյանին, Ղազար քահանային՝ աղանդների դեմ պայքարելու համար³⁷: Քանիցս շնորհակալագիր է հղում վրացական Հերակլ արքային (1744–1798 թթ.)՝ աղթարձանների դեմ պայքարի համար, ինչը վկայում է, որ նա տեղի հայերին դարձի բերելու համար դիմել էր արքայի օգնությանը³⁸: 1782 թ. Վրաստան գրած նամակները վկայում են, որ աղանդների դեմ պայքարը բավականին արդյունավետ է եղել³⁹:

³⁴ Տե՛ս Դիվան, հ. Բ, առաջադրան. էջ XCI- XCIII. էջ 296–297:

³⁵ Գրիգորյան Վ., Դուկաս Կարնեցու նամակագրությունը ասորիների կաթողիկոս Մատթեոսի հետ. «Պատմաքառասիրական հանդես», 1988. թ. 4, էջ 185:

³⁶ Տե՛ս Աղանեսանց Գ., նշվ. աշխ., գր. Դ, էջ 314, 335, 376:

³⁷ Տե՛ս Դիվան, հ. Ա. էջ 297:

³⁸ Տե՛ս Աղանեսանց Գ., նշվ. աշխ., գր. Դ, էջ 381, 384. Դիվան, հ. Ա. էջ 295, 297. Օրմանեան Մ., նշվ. աշխ., էջ 3233:

³⁹ Տե՛ս Դիվան, հ. Ա. էջ 297, 298:

Նմանօրինակ նամակներ կան ուղղված Արևմտյան Հայաստան⁴⁰: 1791 թ. մարտին Կարինի քահանաներին և իշխաններին Կարնեցին շնորհակալություն է հայտնում ուղղամիտ կենցաղավարության և շեղ ճանապարհից ուղղվելու համար⁴¹: Այնտեղի քահանաները կաթողիկոսին խնդրել էին Դերջանի, Քղիի և Բասենի եպիսկոպոսներին արգելել ծեռնադրումներ անել, «շատաշրջիկ» քահանաներին սաստել: Կաթողիկոսը նպատակահարմար չի գտնում միանգամից մեծ թվով հոգևոր գործիչների գործունեությունը սահմանափակել, հաշվի առնելով, որ քահանաների թիվը հայկական բնակավայրերում գնալով պակասում էր: Բացի այդ հիշեցնում է, որ նշված բնակավայրերի մի շարք հոգևոր գործիչներ նախկին՝ Սիմեոն Ա Երևանցի կաթողիկոսի (1763–1780 թթ.) կողմից նգովման էին ենթարկվել և չի ցանկանում բնակավայրերին նոր անեծք ավելացնել, այլ՝ օրինազանց հոգևորականների վերաբերյալ հստակ փաստեր է պահանջում: Կաթողիկոսը Կարինի հոգևորականներին ու իշխաններին կոչում է միասնական լինել և հոգևորականների անօրինական քայլերի վերաբերյալ իրեն տեղյակ պահել⁴²:

Ղ. Կարնեցին իր հովանավորության տակ էր առնում աղանդներից առաքելական դավանանքի գիրկը դարձած անձանց, տեղի հոգևորականներին հրահանգում է նրանց հետ հաշտ լինել՝ հավանաբար մտավախություն ունենալով, որ եկեղեցու սպասավորները անվստահությամբ կվերաբերվեն նրանց⁴³:

Հայրապետի նամակներն աղոտ տեղեկություններ են հաղորդում նաև Արևմտյան Հայաստանում հայերի կողմից մահմե-

⁴⁰ Տե՛ս Աղանեանց Գ., նշվ. աշխ., գր. Դ. էջ 327:

⁴¹ Տե՛ս Դիվան. հ. Բ. էջ 594:

⁴² Տե՛ս նույն տեղում. էջ 596:

⁴³ Տե՛ս նույն տեղում. հ. Ա, էջ 445:

դականացվելու դեպքերի վերաբերյալ, ինչը կաթողիկոսի մտահոգության առարկան էր: Մահմեդականություն ընդունած հայերի ձգտումը՝ վերադառնալ հայրենի հավատի գիրկը, ինքնին վկայում է նրանց կողմից այդ քայլին հարկադրված կամ ստիպողաբար դիմելու մասին: Նամակներից մեկում կաթողիկոսը Կարինի երևելիներից Հայրապետին հանձնարարում է աջակցել Կարինի բնակիչ ոմն Եփրիկյանցին, որը մահմեդականություն ընդունելուց հետո կրկին քրիստոնյա էր դարձել և, վախենալով Կարինի թուրքերի վրեժխնդրությունից, փախել էր Թիֆլիս⁴⁴:

1787 թ. մարտի 21-ին կաթողիկոսը Երևան քաղաքի բնակիչների անունով ժողովարարության թուղթ է տալիս պարտքերի տակ ընկած ճահկեցի⁴⁵ Մելիքին, որի նախնիները աղանդավորներ են եղել, իսկ ինքը դարձել էր Ս. եկեղեցու գիրկը: Այլագրիները պարտքի դիմաց պահանջում էին մելիքի դստերը⁴⁶:

Հայկական դավանանքից հեռացողները արժանացել են նաև Ղուկաս Կարնեցու պատժին: Այսպես օրինակ, Էջմիածին ժամանած կաթոլիկ ոմն Սարգիս Թեքիրատցի (Թեքիրտաղցի, Բասենցի) վարդապետ, որը նպատակ ուներ այստեղ կաթոլիկություն տարածել, ծեծվում և երկարաժամկետ բանտարկության է ենթարկվում⁴⁷: 1791 թ. Ախալցխայի բնակիչ Սահակ քահանայի կողմից պատարագի ընթացքում Հռոմի պապի անունը հիշատակվելուց հետո այնտեղ կրոնական հուզումներ են սկիզբ առնում: Կաթողիկոսն անհապաղ միջոցներ է ձեռնարկում՝ կանխելու դրանց հետագա տարածումը: Տեղի գործիչների միջոցով

⁴⁴ Տե՛ս նույն տեղում. էջ 320:

⁴⁵ Ճահիկ-զապիս Մեծ Հայքի նահանգո մ: ԺԶ-ԺԸ դդ. Նախիջևանի խանության կազմում էր (Հ.Ա.):

⁴⁶ Տե՛ս Դիվան, հ. Բ, էջ 220-221:

⁴⁷ Տե՛ս Օրմանեան Մ., նշվ. աշխ., էջ 3230:

Սահակն ուղարկվում է Էջմիածին և կարգալույծ արվում⁴⁸: Սահակի արարքն աններելի էր, քանի որ նա հայկական եկեղեցու ներսում արտասանել էր օտար հայրապետի անունը և նախատել հայ կաթողիկոսին, ինչը համարվում էր կանոնազանցություն:

Այսպիսով, Ղուկաս Կարնեցին իր հովվության ընթացքում անդուլ պայքար մղեց հայոց եկեղեցու դավանանքի պահպանման համար: Պայքարի անհրաժեշտությունը բխում էր ոչ միայն Հայաստանում և դրսի թեմերում հայոց եկեղեցու խորհուրդն ամրապնդելու հրամայականից, այլև՝ հայ և օտարազգի տարբեր հոգևոր և աշխարհական գործիչների կողմից հայկական եկեղեցու նկատմամբ գործադրված կամայականություններն ու ապօրինությունները կանխելու, դրսի թեմերում հայերի ինքնությունը պահպանելու անհրաժեշտությունից:

Асмик О. Амирджян, *Институт истории НАН РА, к.и.н.*, Вопросы вероотступничества в деятельности Католика всех армян Гукаса Карнеци.

Статья посвящена изучению экуменических взглядов видного религиозного деятеля, Католика всех армян - Гукаса Карнеци (1780-1799гг.). Во второй половине XVIII века перед армянской церковью вновь стояла задача противостояния католицизму и разным сектантным движениям. Последние иногда выражались в виде бунтов.

Гукас Карнеци проводил неуступчивую борьбу с силами расшатывающими основы церкви. Он приложил все усилия

⁴⁸ Տե՛ս Աղանեանց Գ., նշվ. աշխ., գր. Դ. էջ 555, Օրմանեան Մ., նշվ. աշխ., էջ 3231:

для борьбы с католическими догмами и с их проявлениями. В концепции вероотступничества Гукас Карнеци выделяет роль традиционной веры, как ценность, и его роль в жизни местного армянского населения. Особое внимание он обращает на сохранение догматических прав армянской церкви, на правомочиях армянской епархии. С его деятельностью армяне сохранили армянскую веру, его усилиями были установлены права и обязанности духовной власти армянской диаспоры, урегулированы духовные дела епархии.

Hasmik H. Amirjanyan, *Institute of History of the NAS RA, Candidate of Sciences in History, Apostasy issues in the activities of Catholicos of All Armenians Ghukas Karnetzi.*

The article is devoted to the study of the ecumenical views of a prominent religious figure, Catholicos of All Armenians – Ghukas Karnetzi (1780–1799). In the second half of the 18th century, the Armenian Church was again faced with the task of opposing Catholicism and various sectarian movements. The latter were sometimes manifested in the form of riots.

Ghukas Karnetzi waged an unyielding struggle against the forces that were shaking the foundations of the church. He made every effort to combat Catholic dogmas and their manifestations. In the concept of apostasy, Ghukas Karnetzi emphasizes the role of traditional faith as a value and its role in the life of the local Armenian population. He pays special attention to the preservation of the dogmatic rights of the Armenian Church, to the powers of the Armenian diocese. Through his activities, the Armenians preserved the Armenian faith, through his efforts the rights and

obligations of the spiritual authority of the Armenian diaspora were established, and the spiritual affairs of the diocese were settled.

ԼԻԼԻԹ Ս. ՔՈՍՅԱՆ

ԳԱԱ պարմության ինստիտուտ

**ԿՈՎԿԱՍԻ ԿԱՌԱՎԱՐՉԱՊԵՏՈՒԹՅԱՆ
ՑՈՒՑԱԲԵՐԱԾ ՕԳՆՈՒԹՅՈՒՆԸ ԱՐԵՎՄՏԱՀԱՅ
ԳԱՂԹԱԿԱՆՈՒԹՅԱՆԸ 1890-ԱԿԱՆ
ԹՎԱԿԱՆՆԵՐԻՆ**

*Քանայի բառեր*¹ Կովկասի կառավարչապետություն, գաղթականներ, որբանոց, հանգանակություն, կարգադրիչ մասնաժողով, Գրիգոր Զանշյան, Բաթում, Թիֆլիս, Երևան, Բաքու:

Համիդյան կառավարության հայահալած ու հայաջինջ քաղաքականության արդյունքում մեծ թվով արևմտահայեր իրենց կյանքը փրկելու համար բռնեցին գաղթի ճանապարհը: Մերկ ու սովալլուկ արևմտահայերն իրենց փրկության առաջին հայացքն ուղղեցին դեպի Կովկասի կառավարչապետություն: Դարեր շարունակ օսմանյան լուծը կրող արևմտահայերը Ռուսաստանին համարում էին իրենց փրկության հուսալի հանգրվանը: Ռուսական հող ոտք դնելով՝ քրդերից ու թուրքերից մազապուրծ փախստականները, համարում էին, որ փրկվեցին դժոխքից և մտան արքայություն¹: Ցարական կառավարությունը, սակայն որդեգրել էր զգուշավոր քաղաքականություն: Ռուսական կառավարությանն անահանգստացնում էին հայ ժողովրդի ազգային ազատագրական շարժումներն: Ռուսաստանի սահմանն անցած

¹ Տե՛ս «Մշակ», Թիֆլիս, 1896, թիվ 152, էջ 3:

արևմտահայ փախստականներին իշխանությունները համարում էին հեղափոխականներ՝ վախենալով, որ կովկասահայության և ընդհանրապես կառավարչապետության շրջանում ևս կտարածվի ազատագրական շարժումը: Արտաքին քաղաքականությունում ռուս-թուրքական հետագա մերձեցման համար Հայկական հարցը բարդություններ էր առաջացնում, իսկ ներքին քաղաքականության առումով՝ ծավալվող հայկական հուզումները կարող էին վտանգավոր լինել նաև կովկասյան տարածաշրջանում: Ռուսական կառավարությունը երես թեքեց արևմտահայերից՝ Հայկական հարցը համարելով սուլթանի ներքին գործ: Ցարական Ռուսաստանի կառավարող շրջանները գտնում էին, որ իրենց ավելի ծեռնտու է միացնել հայկական վիլայեթները Ռուսաստանին՝ քան ստեղծել ինքնավար Հայաստան: Նրանց կարծիքով դա կարող էր վտանգավոր օրինակ լինել Անդրկովկասի ժողովուրդների համար²: Դա փաստում են նաև Ռուսաստանի արտաքին գործերի նախարար Ա.Բ. Լոբանով-Ռոստովսկու խոսքերը «Ռուսաստանը թույլ չի տա իր սահմանագլխին ստեղծել մեկ այլ Բուլղարիա»³: Քաղաքական թելադրանքով՝ իշխանամետ և պահպանողական ուժերը, առանց հիմնավոր փաստարկների «Հայկական անջատողականության» իրենց տեսությունը լայնածավալ շրջանառություն մեջ դրեցին: Այդ թվում էին նաև «Московские ведомости», «Новое время», «Гражданин», «Кремль» լրագրերը, որոնք միահամուռ կերպով սկսեցին լայնածավալ քարոզչություն, թե իբր կովկասահայերը ցանկանում են վերականգնել «Մեծ Հայաստան» պետությունը, որն իր մեջ նե-

² Տե՛ս Համբարյան Ա., Ազատագրական շարժումները Արևմտյան Հայաստանում (1898–1908 թթ.), Երևան, 1999, էջ 16:

³ Մուրադյան Մ., Հայկական հարցը և ռուսական հասարակական-քաղաքական ու պատմագիտական միտքը, Երևան, 1998, էջ 99:

րառելու էր հիմնական ռուսական տարածքները: Ցարիզմն, իր որդեգրած քաղաքականությամբ, ցանկանում էր ռուս ժողովրդի մեջ հայերի նկատմամբ ատելությունն առաջացնելով՝ խոչընդոտել արևմտահայ փախստականների բարոյական և նյութական օգնության գործընթացը: Պահպանողականների այս անհիմն մեղադրանքներին դիմագրավելու համար առաջադեմ մամուլը, մասնավորապես «Русские ведомости», «Русская мысль», «Неделя» և պահպանողական «Санкт-Петербургские ведомости» լրագրերը հայանպաստ լայնածավալ գործունեություն սկսեց: Առաջադեմ մտավորականները՝ Գ. Եվրեինովը, Մ. Կովալևսկին, Պ. Միլյուկովը և այլոք գտնում էին, որ հայ ժողովրդին օգնելը ոչ միայն բարոյական խնդիր է, այլ նաև Ռուսաստանի համար ունի քաղաքական ու ռազմավարական խոշոր նշանակություն: Եվ ռուս առաջադեմ մտավորականները դիմեցին գործնական քայլերի՝ արևմտահայ գաղթականներին օգնության ձեռք մեկնելու համար⁴: Նրանց կոչերին ականջալուր եղան ռուսական հասարակության բազմահազար ներկայացուցիչները:

Արևմտահայ գաղթականների օգնության գործն էլ ավելի աշխուժացնելու համար ռուս մտավորականները հանդես էին գալիս հայ ժողովրդի նոր պատմության շրջանին նվիրված հանրային դասախոսություններով, կազմակերպում բարեգործական թատերական ներկայացումներ և ստացված ողջ հասույթը հատկացվում էր փախստականների օգնության գործին:

Անվանի հրապարակախոսների հայանպաստ բովանդակությամբ գրված հոդվածները ռուս ժողովրդին համակում էին

⁴ Տե՛ս մանրամասն Հայոց պատմություն, հ. III. Նոր ժամանակաշրջան (XVII դարի. երկրորդ կես - 1918 թ.). Գիրք առաջին (XVII դարի երկրորդ կես - XIX դարի վերջ). Երևան, 2010, էջ 544:

հայերի նկատմամբ կարեկցանքով և համակրանքով: Աստիճա-
նաբար թոթափվում էր պաշտոնական շրջանների հարուցած
դժվարությունները և հոգատարություն էր դրսևորվում արևմտա-
հայ գաղթականների նկատմամբ:

Ռուսական ուղղափառ եկեղեցական մամուլը ևս ծավալում
էր լայն հայանպաստ գործունեություն: Ռուս հոգևորականներն
իրենց լուսնաներդնելով՝ միաժամանակ կոչով հանդես են գա-
լիս և խրախուսում հայրենակիցներին՝ օգնելու քրիստոնյա եղ-
բայրներին: Ավագերեց Ի. Սերգեևը դիմում է «СПб. Ведомости»
լրագրի խմբագրին խնդրանքով, որ թերթի միջոցով հնչեցնի իր՝
հայերի օգնության մարդասիրական կոչը⁵:

Արևմտահայ գաղթականների օգնության գործը Ռուսաս-
տանում փաստորեն սկսվեց ինքնաբուխ, առանց իշխանություն-
ների գործնական միջամտության: Ռուս հասարակությունը փոր-
ձեց իր մի փոքր լուսնայով սատար կանգնել արևմտահայ գաղ-
թականներին: Առանձին անհատներից զատ՝ հասարակական
կազմակերպությունները ևս սկսեցին աջակցել արևմտահայե-
րին:

Ցարական կառավարությունը, ելնելով երկրում ժողովրդա-
կան զանգվածների արևմտահայ գաղթականներին նյութապես
և բարոյապես սատարելու ինքնաբուխ պատրաստականությու-
նից և դրան զուգահեռ ռուս-թուրքական հարաբերությունների
վատթարացումից, 1896 թ. դեկտեմբերի 11-ի Բարձրագույն հրա-
մանով թույլատրում է Ռուսաստանում կազմակերպել հանգանա-
կություններ՝ ի օգուտ արևմտահայ գաղթականների: Հանգանա-
կությունները պետք է ընդունեին լիազորված անձինք և հաստա-

⁵ Տե՛ս Սիմոնյան Պ., Հայկական հարցը և ռուս հասարակական միտքը 19-րդ
դարի 90-ական թվականներին, Երևան, 2003, էջ 369:

տությունները, հավաքված գումարը տեղական նահանգապետի միջոցով հանձնեին Կովկասի կառավարչապետին և վերջինիս անմիջական կարգադրությամբ հատկացվեին օգնությունները: Կովկասի կառավարչապետը՝ Գ. Գոլիցինը, ամեն շաբաթ պետք է տեղեկացներ հավաքված գումարի և բաշխված օգնության մասին⁶:

Սույն հրամանից հետո էլ ավելի է աշխուժանում օգնության գործը: Ռուս մտավորականների կողմից 1897 թ. սկզբին ստեղծվեց «ռուս-հայկական ընկերությունը», որի հիմնական նպատակն էր ռուս հասարակությանը իրազեկել հայ ժողովրդի պատմությանը: Ուշագրավ է, որ այս ընկերության կազմում ընդգրկված հայտնի հայանպաստ գործիչները մեծ հեղինակություն էին վայելում հասարակության շրջանում⁷:

Արևմտահայերի օգնության կազմակերպման գործում անգնահատելի է նաև հայազգի նշանավոր մտավորական, պատմաբան, հրապարակախոս և հասարակական գործիչ Գր. Ջանշյանի⁸ կատարած աշխատանքը: Նրա ջանքերով և ռուս մտավորականներ Վ. Գոլստրեմի, Ա. Ն. Սազնովի, Ա. Ն. Գրենի, Մ. Նիկոլսկու և այլոց նյութական աջակցությամբ ու ակտիվ մասնակցությամբ հրապարակվեց «Եղբայրական օգնությունը Թուրքիայում տուժած հայերին» ժողովածուն: 1897 թ. ընթացքում ժողովածուից ստացված 23.000 ֆրանկ փոխանցվեց Կ. Պոլսի ռու-

⁶ Տե՛ս «Նոր Դար», Թիֆլիս, 1897. թիվ 226, էջ 1, «Մուրճ» Թիֆլիս, 1897. թիվ 2-3, էջ 394:

⁷ Տե՛ս «Մշակ», 1897, թիվ 33, էջ 1:

⁸ Գր. Ջանշյանը ծնվել է 1851 թ. Թիֆլիսում: Ոսկե մեդալով ավարտելով Մոսկվայի Լազարյան ճեմարանն ընդունվել է Մոսկվայի համալսարանի իրավաբանական ֆակուլտետը: Նա զբաղվել է ոչ միայն իրավաբանությամբ, այլ նաև պատմության, գյուղատնտեսության, արվեստի, սոցիալականության և այլ հարցերով (Լ.Ք.):

սական դեսպանատուն՝ կոտորածի ընթացքում տուժածներին և որբերին օգնություն հատկացնելու համար⁹:

Ժողովածուն լայն ճանաչում ստացավ հանրության շրջանում, ինչը հնարավորություն ընձեռեց վերահրատարակել գիրքը: Մոսկվայում 1898 թ. լույս տեսավ «Եղբայրական օգնությունը Թուրքիայում տուժած հայերին» ժողովածուի երկրորդ տպագրությունը՝ ավելի մշակված և՛ նոր նյութերով լրացված ¹⁰: Ժողովածուի երկրորդ հրատարակությունից ստացվեց 60.000 ռուբլի¹¹:

«Եղբայրական օգնության» խմբագրությունը մարդասիրական գործունեություն ծավալեց ոչ միայն հայ որբերին, այլ նաև Ռուսաստանում ապաստանած հայ փախստականներին նյութական օգնություն ցուցաբերելու ուղղությամբ: Խմբագրությունը որոշեց գրքերից ստացված հասույթի մի մասով որբանոցներ բացել Արևմտյան Հայաստանում: Այդ քայլը ողջունեցին նաև Օսմանյան կայսրությունում Ռուսաստանի դեսպան Ի.Ա. Ջինովևը և Կ. Պոլսի հայոց պատրիարք Մ. Օրմանյանը: Առաջին տպագրությունից գոյացած գումարից 13.140 ռուբլի 65 կուպեկ ուղարկվեց Կ. Պոլիս՝ ռուսաց դեսպանատան միջոցով արևմտահայերին օգնելու համար: Բացի այդ նաև 5.000 ռուբլի գումար է ուղարկվում որբանոց հիմնելու համար: Այդ գումարով նախատեսվում էր խնամել 25 երեխայի 4 տարով, որի հիմքում ընկած էր Պատրիարք հոր նախատեսած հաշվարկը՝ համաձայն որի մեկ երեխայի խնամքի համար հարկավոր էր տարեկան մոտ 50 ռուբլի: Մ. Օրմանյանը նախատեսել էր որբանոցը հիմնել Դիարբեքի Նահանգի Բալու քաղաքում, քանի որ այն առավել շատ

⁹ Տե՛ս Братская помощь пострадавшим в Турции армянам, Москва, 1897, էջ Է.

¹⁰ Տե՛ս «Արար»։ Ս. Պետերբուրգ, 1898, Գիրք Ա, էջ 110:

¹¹ Տե՛ս Համբարյան Հ., Գրիգոր Ավետի Ջանչյան (Ջանչիև), Լրաբեր հասարակական գիտությունների, Երևան, 2001, թիվ 1, էջ 225:

տուժած վայրերից է և այնտեղ կար 2.250 որբ: Որբանոցը հիմնվեց Քաղցրահայեաց Աստվածամոր վանքում¹²: Այն անվանվեց «Հայ-ռուսական որբանոց հիմնված «Եղբայրական օգնություն Թուրքիայում տուժած հայերին» ժողովածուի խմբագրության կողմից կատարած նվիրատվության միջոցով»¹³:

Գրքից ստացված միջոցներով որբանոցներ բացվեցին Աղթամարում, Բալուում ևս մեկ որբանոց Քաղցրահայոց վանքում, Սսի Մայրավանքում, Կյուրինում, Չարսանճագում, Հասան-Պեյ գյուղում¹⁴:

Այնուհետև Գր. Ջանշյանը Մ. Օրմանյանին 2500 ռուբլի¹⁵ գումար է ուղարկել ութերորդ որբանոցը բացելու համար: Քանի որ Մուշի առաջնորդական տեղապահ Բաբկեն վարդապետը գտնում էր, որ հարկավոր է տեղում նաև աղջիկների համար որբանոց բացել, ուստի հատկացված գումարն օգտագործվեց այդ նպատակի համար¹⁶:

«Եղբայրական օգնությունը Թուրքիայում տուժած հայերին» ժողովածուի հրատարակության արդյունքում որբանոցներ բացվեցին նաև Դիարբեքիրում, Աղթամարում, Բալուում, Աղբակի Ս. Բարդուղիմեոս վանքում, Ֆոնուզի Ս.Աստվածածին վանքում. Ալաշկերտում, Վանի Սալնապատի Ս. Գրիգոր մենաստանում, Սիսում, Կյուրինում, Չարսանջակում, Հասան-Բեյում և Մուշում¹⁷: Գր. Ջանշյանին, նման ազգանվեր աշխատանք նախաձեռնելու համար, պատրիարք Մ. Օրմանյանը շնորհեց «որբերի հովանա-

¹² Տե՛ս «Արարա», 1898, Գիրք Ա. էջ 110, «Մշակ», 1898, թիվ 203, էջ 2, «Սուրճ», 1898, թիվ 10-11, էջ 1618-1619:

¹³ Տե՛ս «Նոր Դար», 1898, թիվ 203, էջ 1:

¹⁴ Տե՛ս «Արևիկ», Կ. Պոլիս, 1900, թիվ 4389, էջ 2:

¹⁵ Տե՛ս «Մուրճ», 1900, թիվ 2, էջ 266:

¹⁶ Տե՛ս «Արարատ», Էջմիածին, 1900, թիվ. 1, էջ 24:

¹⁷ Տե՛ս «Արևիկ», 1900, թիվ 4389, էջ 2:

վոր» պատվավոր կոչումը¹⁸: Արդեն 1897 թ. մայիսին Կովկասի կառավարչապետության դիվանում հայ գաղթականների համար հավաքվել էր 38.000 ռուբլի¹⁹:

Ստացված օգնությունը ավելի ճիշտ և տեղին բաշխելու համար Կովկասի կառավարչապետի օգնական իշխան Ամիլախվարիի կարգադրությամբ ամենուր պետք է կազմվեին մասնաժողովներ, որի անդամների թվում բացի ոստիկանության ներկայացուցչից ընդգրկված պետք է լինեին նաև տեղացիներ, որոնք քաջատեղյակ կլինեին գաղթականների վիճակին և քանակին: Նրանց ճիշտ ցուցումներով ավելի ճիշտ ու տեղին կբաշխվեր օգնությունը²⁰:

Արևմտահայ գաղթականների համար հանգանակության թույլատրություն ստանալու հենց սկզբից՝ օգնությանն ակտիվ մասնակցություն ունեցան տասնյակ հազարավոր անհատ անձինք՝ պետական ու զինվորական պաշտոնյաներ, տարբեր կազմակերպություններ: Հանգանակություններ կատարվեցին Սիրիի Տոմսկ քաղաքում, Սամարղանդի նահանգապետ, իշխան Վ. Գ. Ռոստովցևի ակտիվ մասնակցությամբ ողջ Թուրքմենստանում, Վլադիկավկազի հայերի նախաձեռնությամբ ռուսական դերասանական խումբը կազմակերպեց թատերական ներկայացում, որից ստացված հասույթը՝ 375 ռ., ուղարկվեց գաղթականներին²¹:

Անդրկովկասի մի շարք քաղաքներում, այդ թվում Թիֆլիսում, Բաթումում, Երևանում ստեղծվեցին փախստականների

¹⁸ Տե՛ս Սիմոնյան Պ., նշվ. աշխ., էջ 387:

¹⁹ Տե՛ս «Մուրն», 1897, թիվ 5, էջ 732:

²⁰ Տե՛ս «Մշակ», 1897, թիվ 17.02.11, էջ 1:

²¹ Տե՛ս «Մշակ», 1897, թիվ 13, էջ 2:

օգնության ընկերություններ, հիմնվեցին ապաստարաններ, անվճար ճաշարաններ:

Փախստականների օգնության կովկասյան գլխավոր վարչության վեցամսյա հաշվետվությունից պարզ է դառնում, որ արևմտահայ գաղթականների օգնության համար հավաքված գումարը կազմել է 47.724 ռուբլի, որը հատկացվել է հագուստի, սննդի և անկողնային պարագաների համար²²:

Այդ օգնությունների հիմնական միջոցները տրամադրում էին տեղացիները: Օրինակ՝ Թիֆլիսում ապաստանած արևմտահայ գաղթականներին սննդով ապահովելու համար իշխան Գ. Շերվաշիձեի²³ ցուցումով Հավլաբար, Սոլոլակ, Դիդուբե թաղամասերում բացվեցին բարեգործական ճաշարաններ²⁴: Հավլաբարում գործող ճաշարանը գործեց շուրջ մեկ տարի և արևմտահայ գաղթականներին տրամադրեց 8.948 ռ 87 կ.-ի անվճար կերակուր²⁵: Ստացված օգնությունն ավելի կանոնակարգված և նպատակային տնօրինելու համար Ամիլախվարիի և Գ. Շերվաշիձեի հանձնարարությամբ Թիֆլիսում ստեղծվում է մասնաժողով²⁶, որի գրասենյակը գործում էր Աբաս-Աբադի հրապարակում: Կարգադրիչ մասնաժողովի նախագահ նշանակվեց Թիֆլիսին լավ ծանոթ Կ. Ռեյտերին: Նա մասնաժողովի անդամներ ընտրելու և գաղթականների վիճակի ու քանակի մասին տեղեկանալու համար հրավիրեց խորհրդակցություն: Նիստին ներկա էին Թիֆլիսի ոստիկանապետը, մամուլի ներկայացուցիչներ,

²² ՏՆՍ «Մուրճ». 1897, թիվ 7-8. էջ 1137:

²³ Գևորգի Դմիտրիի Շերվաշիձե (1847-1918 թթ.) Թիֆլիսի նահանգապետ 1889-1897 թթ. (Լ. Ք.):

²⁴ ՏՆՍ СПБ ведомости, Санкт-Петербург, 1898, № 107:

²⁵ ՏՆՍ «Նոր Դար». 1899, թիվ 21. էջ 2:

²⁶ ՏՆՍ «Մշակ». 1897, թիվ 19. էջ 1:

ԿՀԲԸ-ն նախագահը՝ Ա. Անանյանը, խորհրդի անդամներ և քաղաքացիներ: Նիստում, կազմակերպական հարցերից զատ, բարձրացված կարևոր խնդիրներից մեկը գաղթականներին աշխատանքով ապահովելու հարցն էր²⁷:

Հայ գաղթականներին խնամող հանձնաժողովի աշխատակիցներ Ն. Աղբալյանին, Վ. Փափագյանին և Ս. Զուրաբյանին հանձնարարվեց ուսումնասիրել գաղթականների վիճակը և այդ ամենը հրապարակել մամուլում: Այս քայլով փորձ էր արվում դարձյալ հասարակության ուշադրությունը սևեռել գաղթականների օգնության խնդրին: Կարճ ժամանակ անց՝ հոկտեմբեր ամսին, վաճառականներ «Միլեանց» եղբայրները 200 գաղթականների բաժանեցին կոշիկներ և գուլպաներ: «Աղելխանյան և ընկերներ» կաշվեգործարանը նվիրեց մեծ քանակությամբ կոշիկներ: Նոյեմբերի 7-ին Թիֆլիսի քաղաքային վարչությունը հանձնեց գաղթականներին խնամող հանձնաժողովին 260 կտոր սպիտակեղեն և 70 կտոր կենցաղային իրեր²⁸:

Թիֆլիսում 1897 թ. նոյեմբերին նահանգապետի տիկնոջ՝ Ն. Բիկովայի գլխավորությամբ, ստեղծվեց կանանց կոմիտե, նրանք կարողացան վարչությանը հատկացնել 1600 ռուբլի օգնություն²⁹: Բացվեցին նաև բարեգործական ճաշարաններ, հիվանդանոցներ: Թիֆլիսի նշանավոր Թանդոյան Սբ. Աստվածածին եկեղեցում, տիկին Հ. Մարտիրոսյանի ջանքերով, կառուցվեց գաղթականների համար հիվանդանոց, որին օգնում էր նաև ԿՀԲԸ-ը³⁰:

²⁷ Տե՛ս «Մշակ». 1897, թիվ 20. էջ 2, «Մուրճ», 1897, թիվ 2-3, էջ 395:

²⁸ Տե՛ս «Մուրճ». 1897, թիվ 10. էջ 1460-1461:

²⁹ Տե՛ս «Մուրճ». 1897, թիվ 11-12. էջ 1669:

³⁰ Տե՛ս «Մուրճ». 1898, թիվ 4. էջ 562:

Ախալքալաքում ևս օգնություն կազմակերպելու համար գումարվեց արտակարգ ընդհանուր ժողով, որին մասնակցեցին 30 անդամներ: Գաղթականներին նվիրեցին 126 արշին³¹ կտորեղեն. 85 արշին զիվորականների օգտագործած հաստ մոխրագույն մահուդ և 608 արշին անկողնային պարագաներ: Սննդի և բժշկության համար հատկացվեց 115 ռուբլի³²: Քաղաքային ավագ Արշակ Գրիգորյանի նախաձեռնությամբ 1897 թ. հունվարի վերջին սկսվեց հանգանկություն, հավաքեց 700 ռուբլի³³: Նման մասնաժողովներ կազմակերպվեցին գրեթե ամենուր, քանի որ գաղթականներն ապաստանել էին ամբողջ Կովկասի կառավարչապետությունում:

Նոր Նախիջևանում ևս կազմակերպվեց մասնաժողով, որը հիմնականում կազմված էր հայերից: 1897 թ. ընթացքում հավաքվեց մոտ 3000 ռուբլի³⁴: Ստավրոպոլում 1897 թ. փետրվարի 21-ին հայ գաղթականների համար, մի խումբ կանաց ջանքերով, կազմակերպվեց բարեգործական պարահանդես, հասույթը կազմեց 400 ռուբլի³⁵: Վլադիկավկազում գործող թատերական խումբը նույնպես կազմակերպեց երկու ներկայացում և ստացված 600 ռուբլի եկամուտը հատկացրեց փախստականների օգնության ֆոնդին³⁶:

Սուխումում, վրաց իշխանուհի Ելիսաբեթ Կ. Ծերեթելիի նախաձեռնությամբ կազմակերպվեց բարեգործական ներկայացում, հավաքված 210 ռուբլին ուղարկվեց Թիֆլիսի կառավարչա-

³¹ 1 արշինը հավասար է 70.9սմ (1.42.):

³² Տե՛ս «Մշակ», 1897, թիվ 79, էջ 2:

³³ Տե՛ս «Մուրճ», 1897, թիվ 2-3, էջ 395:

³⁴ Տե՛ս նույն տեղում. 1897, թիվ 1, էջ 162, «Նոր Դար», 1897, թիվ 42, էջ 2-3:

³⁵ Տե՛ս նույն տեղում. 1897, թիվ 2-3, էջ 397:

³⁶ Տե՛ս «Մշակ», 1897, թիվ 13, էջ 2:

պետին³⁷: Սուխումիի ռուս կալվածատերերը դիմեցին Կարսի և Թիֆլիսի նպաստամատույց հանձնաժողովին նշելով, որ իրենք պատրաստ են մշակելու համար հող հատկացնել 400–500 հայ գաղթական ընտանիքների, եթե լուծվի փոխադրության հարցը: Նրանք պատճառաբանում էին, որ Փոքր Ասիայում հայերը միակն են, որ կարող են Սուխումիի շրջանում երկրագործությամբ և ծխախոտի մշակությամբ զբաղվել: Արդեն հունվարի կեսին Սուխումիի Գուդաուրի գավառամաս էին հասել 280 հայ գաղթականներ³⁸:

Եկատերինոդար քաղաքում բացվեց հայ գաղթականների համար անվճար ճաշարան: Այստեղ 1897 թ. սկզբին Բագրատ արեղա Վարդազարյանցը շրջեց տներով և երկու օրում հավաքեց 3450 ռուբլի գումար և 600 ռուբլու պատրաստի շորեր և կտորներ³⁹: Եկատերինոդարում տարեվերջին կազմակերպված պարահանդեսի ժամանակ հավաքվեց 1.200 ռուբլի⁴⁰: Ըստ 1898 թ. Եկատերինոդարից ստացված հաշվետվության 1897 թ. վերջից մինչև 1898 թ. կեսերը ստացվել է 1.664 ռ. 69 կ. օգնություն⁴¹: Եկատերինոդարից ստացվել է նաև հաշվետվությունը «գաղթական և տեղական աղքատների համար հաստատված ձրի ճաշարանից»: 1897 թ. նոյեմբերի 19-ից մինչև 1898 թ. կեսերը հավաքվել է 1.664 ռ. 69 կ. օգնություն, որը ծախսվել է սննդի, բուժօգնության, վառելափայտի համար⁴²:

³⁷ Տե՛ս «Մուրճ», 1897, թիվ 2–3, էջ 396–397:

³⁸ Տե՛ս Մշակ, 1897, թիվ 30, էջ 3:

³⁹ Տե՛ս «Մուրճ», 1897, թիվ 1, էջ 159:

⁴⁰ Տե՛ս Լույն տեղում, 1897, թիվ 11–12, էջ 1669:

⁴¹ Տե՛ս Լույն տեղում, 1898, թիվ 7–8, էջ 1160:

⁴² Տե՛ս «Մուրճ», 1898, թիվ 7–8, էջ 1160:

Աստրախանը ևս անմասն չմնաց գաղթականների օգնության գործին: 1896 թ. նոյեմբեր-դեկտեմբեր ամիսներին Աստրախանից 2.600 ռուբլի փոխանցվեց ԿՀԲԸ-ն⁴³: Քաղաքի կանայք կազմակերպեցին բարեգործական ներկայացում և ստացված մոտ 200 ռ. հասույթն ուղարկեցին ԿՀԲԸ-ն Երևանի մասնաճյուղին՝ տեղի գաղթականներին բաժանելու համար⁴⁴:

Աստրախանում առաջնորդ Արիստակես Սեդրակյանը 1897 թ. դեկտեմբեր ամսվա ընթացքում Թիֆլիսի ԿՀԲԸ-ը հանգանակել էր 5.700 ռուբլի: Քաղաքի կանայք, իրենց հերթին, հավաքել էին վերնազգեստներ, մուշտակներ, ծմեռային կոշիկներ և այլն⁴⁵: Դեկտեմբեր ամսին նրանք ուղարկեցին 6 մեծ արկղ 30 փութ⁴⁶ քաշով՝ Երևան, Կարս, Ալեքսանդրապոլ: Ներքին գործերի մինիստրի թույլտվությամբ կազմակերպեցին բարեգործական ներկայացում, որից ստացված 400 ռուբլուց 200-ը ուղարկեցին Հին Նախիջևան, 200-ը Երևան⁴⁷: Արդեն 1898 թ. Աստրախանում հիմնվեց «հայուհաց ընկերություն», որի նպատակն էր օգնել տեղի հայ կարիքավորներին, որբերին խնամել և դաստիարակել⁴⁸:

Բաքվում փախստականներին օգնելու գործը կազմակերպեց «Բաքվի մարդասիրական ընկերությունը», որը ստեղծեց 18 հոգուց ընտրված հատուկ հանձնաժողով: Առաջին նիստը տեղի ունեցավ նոյեմբերի 9-ին և որոշվեց կազմել հայ փախստականների մանրամասն ցուցակ, որը հնարավորությունը կտար հաս-

⁴³ Հայաստանի Ազգային Արխիվ (ՀԱԱ). ֆ. 28, ց. 1. գ. 357, թ. 66 ՀԱԱ, ֆ. 28, ց. 1. գ. 357, թ. 122 :

⁴⁴ ՀԱԱ, ֆ. 28, ց. 1. գ. 964, թ. 7:

⁴⁵ Տե՛ս «Մուրճ», 1897, № 1, էջ 158:

⁴⁶ Շանթություն Ժողովական չափ, որ հավասար է 16,3 կգ (1,4?.)

⁴⁷ Տե՛ս «Մուրճ», 1897, № 1, էջ 158. Մշակ. 1897. թիվ 12, էջ 2-3:

⁴⁸ Տե՛ս «Մուրճ», 1898, № 4, էջ 577:

կանալ ընտանիքների թիվը և առկա կարիքները: Հանձնաժողովը պետք է ուսումնասիրեր նրանց կացարանները և պարզեր նրանց կարիքները: Նույն օրը հանձնաժողովը զննեց կացարանները և միաժամանակ ճշտեց, թե ինչ օգնություն է հարկավոր գաղթականներին⁴⁹: Հանձնաժողովն ամեն գնով փորձում էր աշխատունակ փախստականներին ապահովել նաև աշխատանքով: Օրինակ հանձնաժողովի անդամներից մեկի առաջարկով Ղարաբաղից հրավիրվեց գորգագործ մի կին, որը այդ արհեստը պետք է սովորեցներ փախստական կանանց⁵⁰: Նրանց հատկացվեց նաև բժշկական օգնություն, այդ գործում մեծ աջակցություն ցուցաբերեցին բժիշկներ Ա. Աղամիրզյանը և Մ. Չսլյանը⁵¹:

Օգնություն կազմակերպելն ու ինչ որ չափով թեթևացնելն արևմտահայ գաղթականների վիճակը ամենևին էլ չէր լուծում նրանց գոյատևման բարդ խնդիրը: Հարկավոր էր քայլեր ձեռնարկել գաղթականներին մշտական օգնության և որ ամենակարևորն էր իրենց ծննդավայր վերադարձնելու համար, ինչը կենսական անհրաժեշտություն էր արևմտահայերի համար: Քանի որ հայ ժողովրդի թվաքանակի աղետալի նվազումը խիստ բացասական ազդեցություն էր ունենում Արևմտյան Հայաստանի ժողովրդագրության վրա: Դա հենց սուլթանի որդեգրած քաղաքականության կարևոր մասն էր կազմում: 1890-ական թթ. հայաթափված հարյուրավոր բնակավայրեր բնակեցվեցին մահմեդական ցեղերով: Նրանք «մուհաջիրներ» (գաղթականներ)

⁴⁹ Տե՛ս «Արձագանք», 1897, թիվ 133, էջ 1:

⁵⁰ Տե՛ս Տէր-Յարութիւնեանց Ա., Հայ գաղթականները Բագու եւ նրանց վերադարձը, Բագու, 1903, էջ 20:

⁵¹ Տե՛ս Ստեփանյան Գ., Բաքու քաղաքի հայության պատմությունը, Նրևան 2011, էջ 110–111:

անվան տակ խորն արմատներ էին գցում Արևմտյան Հայաստանում և Կիլիկիայում⁵²: Սակայն «հայասեր» ցարական կառավարությունը այս անգամ ևս փորձեց՝ օգտագործելով գաղթականների համար կարևորագույն հարցը, սուլթանից զիջումներ կորզել: 1898 թ. Կ. Պոլսի դեսպան Ի.Ա. Ջինովկը պահանջեց Արդու Համիդից հետ ընդունել Ռուսաստանում ապաստանած հայ գաղթականներին: Սուլթանը մերժեց պատճառաբանելով, որ հայերի հողերը արդեն բնակեցված են քրդերով ու մուհաջիրներով և նրանց տեղաշարժը կարող է բերել նոր արյունահեղության: Սուլթանն անգամ առաջարկում է 100 հազար լիրա՝ պայմանով, որ հայերը մնան Կովկասում կամ արտաքսվեն Սիբիր: Սակարկության արդյունքում սուլթանը հասցրել է այդ գումարը մինչև 160.000 լիրայի: Ռուսական ինքնակալն այս պայմանին ևս չհամաձայնելով ստիպեց, որ սուլթանը 1900 թ. ապրիլի 2-ին կնքի համաձայնագիր: Ըստ այդ համաձայնագրի Արևմտյան Հայաստանի և Սև ծովի հարավային ափերի երկաթգծի կոնցեսիաներն անցում էին Ռուսաստանին և Արդու Համիդը շարունակում էր վճարել 1877-1878 թթ. պատերազմի դեռ չմարած ծախսերը: Նիկոլայ II-ն իր հերթին պարտավորվեց այլևս սուլթանին չներկայացնել հայ գաղթականներին հետ ընդունելու պահանջը⁵³:

Այսպիսով, 19-րդ դարի 90-ական թվականներին Արևմտյան Հայաստանում և Փոքր Ասիայի հայաբնակ շրջաններում սկսեց արևմտահայերի զանգվածային կոտորածը: Մազապուրծ արևմտահայերի մեծ մասը բռնեց գաղթի ճանապարհը: Նրանք առա-

⁵² Տե՛ս Հայոց պատմություն, հ. III, էջ 544:

⁵³ Տե՛ս Համբարյան Ա., Ազատագրական շարժումները Արևմտյան Հայաստանում (1898–1908 թթ.), էջ 17:

ջինը իրենց հայացքն ուղեցին դեպի Ռուսաստանի տարածք, որը դարեր շարունակ թուրքական լուծը կրող հայությունը դիտել է որպես փրկության հանգրվան: Չնայած ցարական կառավարության որդեգրած անբարենպաստ դիրքորոշմանը, ռուս առաջադեմ մտավորականները, գրողները վճռականորեն պնդում ու պահանջում էին իշխանությունից պաշտպանել և հովանավորել արևմտահայերին: Տարիզմի դիրքորոշմից անկախ՝ ռուս առաջադեմ մտավորականներն ու ժողովրդական լայն զանգվածները իրենց հոգատար ձեռք մեկնեցին և սատար եղան դժբախտության մեջ հայտնված արևմտահայ գաղթականներին: Նրանց կողմից հանրայնացված պահանջի արդյունքում՝ ցարական կառավարությանը ստիպված եղավ հրապարակել 1896 թ. դեկտեմբերի 11-ի հրամանագիրը, որով թույլատրվեց հանգանակություն սկսել ի նպաստ արևմտահայ գաղթականների: Այս հրամանագրից էետո ալելի աշխուժացավ օգնության գործը և մինչև 1897 թ. մայիսին Կովկասի կառավարչապետության դիվանում հաշվաղթականների համար հավաքվել էր արդեն 38.000 օգնություն: Անդրկովկասի մի շարք քաղաքներում, այդ թվում Թիֆլիսում, Բաթումում, Երևանում ստեղծվեցին փախստականների օգնության ընկերություններ, հիմնվեցին ապաստարաններ, անվճար ճաշարաններ: Անգնահատելի էր Գր. Ջա՛նջյանի կատարած հայանվեր գործը, որի արդյունքում հիմնվեցին թվով 12 որբանոցներ: Ստացված օգնությունները ավելի ճիշտ տնօրինելու համար ստեղծվում են գաղթականների հարցով զբաղվով հանձնաժողովներ: Հարկավոր էր տվյալ վայրի գաղթականների մասին հավաքել ստույգ տվյալներ և օգնությունը բաժանել ըստ կարիքի և անհրաժեշտության: Նման հանձնաժողովներ ստեղծվեցին ողջ Անդրկովկասով մեկ: Եվ շնորհիվ

այդ օգնությունների տառնյալ հազարավոր արևմտահայեր փրկվեցին մահվան ճիրաններից:

Лилит С. Косян, *Институт истории НАН РА, Помощь Кавказской администрации беженцам из Западной Армении в 1890-ые годы.*

В 1890-ые годы подавляющее большинство армян, избежавших гибели в ходе массовой резни в Османской Турции поселились на Кавказе. Они первыми обратились с просьбой к администрации Кавказа. Независимо от позиции царского правительства, русская интеллигенция и широкие народные массы протянули руку помощи западноармянским беженцам.

С целью правильной организации помощи были созданы благотворительные, общественные и религиозные организации и общества. Уже до мая 1897 года в аппарате администрации Кавказа было собрано для армянских беженцев более 38 тысяч рублей. В ряде городов Закавказья, в том числе в Тифлисе, Батуми, Ереване создаются общества помощи беженцам, приюты, бесплатные столовые. Велика также роль и деятельность Г. Джаншяна, направленная на устройство поселений армян на Кавказе, в результате было основано 12 приютов.

Lilit S. Qosyan, *Institute of History of the NAS RA, The support of the Caucasian Administration to the migrants from Western Armenia in the 1890s.*

In the 1890s most of the Armenians, who survived during the massacres in the Ottoman Empire ended up in exile. They were the first to appeal to the Caucasian Administration with request. Regardless of the official position of tsarist government, the Russian

progressive intelligentsia and the broad masses of the people extended a helping hand to Western Armenian migrants.

For the effective organization of aid, various charitable, public and religious organizations and societies were created. By May 1897, 38,000 rubles had been collected for Armenian migrants at the Caucasian Administration Office. Relief societies were established in a number of Transcaucasian cities, including Tiflis, Batumi and Yerevan, where shelters and free canteens were opened for migrants. The role and activities of G. Janshyan aimed at arranging settlements for Armenians in the Caucasus was also remarkably large. Armenian philanthropy work is also noteworthy, as a result of which 12 orphanages were established.

ԱՐՓԻՆԵ Ռ. ԲԱԲԼՈՒՄՅԱՆ

ԳԱԱ պատմության ինստիտուտ, պ.գ.թ.

ԱՐԵՎՄՏՅԱՆ ՀԱՅԱՍՏԱՆԻ ԴԻԱՐԲԵՔԻՐԻ
(ՏԻԳՐԱՆԱԿԵՐՏ) ԳԱՎԱՌԻ ՀԱՅ ԲՆԱԿՉՈՒԹՅՈՒՆԸ
XIX ԴԱՐԻ ՎԵՐՋԵՐԻՆ – XX ԴԱՐԻ ՍԿՋԲՆԵՐԻՆ

Բանալի բառեր՝ Արևմտյան Հայաստան, Դիարբեքիր, Տիգրանակերտ, Ծովք, հայ բնակչության թվաքանակ, համիդյան կոտորածներ, Թեոդիկ:

Օսմանյան կայսրության՝ Արևմտյան Հայաստանը վիլայեթների (նահանգ) բաժանելու պահից սկսած Դիարբեքիրը եղել է կազմավորված 5 նահանգներից մեկը: XIX դարի երկրորդ կեսի ընթացքում, հատկապես՝ 1870–80-ական թվականներին կայսրության տարածքում իրականացված ավելի արմատական վարչական ձևափոխումներից հետո. Դիարբեքիրի նահանգը Արևմտյան Հայաստանի տարածքն ընդգրկող արդեն վեց նահանգներից մեկն էր՝ իր հերթին բաժանվելով երեք գավառների՝ Դիարբեքիր, Արդանա Մադեն և Մարդին: Ըստ հայագետ, աշխարհագրագետ Ռ. Հյուսենի՝ Դիարբեքիրի նահանգն ընդգրկում էր շուրջ 42.000 քառ. կմ տարածք¹, ըստ պատմաբան Գ. Բադալյանի՝ 47.250 քառ. կմ²: Այն ներառում էր պատմական

¹ Sli'u Hewsen R. Armenia on the Tigris, in *Armenian Tigranaket/Diarbekir and Edessa Urfa*, edited by R. Hovannisian, Mazda Publishers, Costa Mesa, California, 2006, էջ 66:

² Բադալյան Գ., Արևմտյան Հայաստանի պատմամոդուլոգագրական նկարագիրը Մեծ Եղեռնի նախօրեին, մաս 9: Դիարբեքիրի վիլայեթի Դիարբեքիրի սանջակը

Չորրորդ Հայքի Մեծ Ծովք, Բալահովիտ, Պաղնատուն, Աղձնիքի՝ Նփրկերտ գավառները, նաև՝ որոշ տարածքներ Հյուսիսային Միջագետքից:

Նահանգի կենտրոնական գավառը Դիարբեքիրն էր, որը հատկապես հայկական աղբյուրներում հաճախ հիշատակվում է որպես Տիգրանակերտ: Ժամանակին Դիարբեքիր քաղաքը նույնացվել է Տիգրանակերտ (Մարտիրոսապոլիս, Նփրկերտ) քաղաքի հետ, մինչդեռ դրանք բոլորովին տարբեր բնակավայրեր էին, ընդ որում, վերջինս գտնվում էր Դիարբեքիրից՝ նախկինում՝ Ամիդ, հյուսիս-արևելք³: Հոդվածում կօգտագործենք երկու անվանումներն էլ, քանի որ, եթե ոչ Դիարբեքիր քաղաքը, ապա գավառն ու ամբողջ նահանգը կարելի է հիշատակել պատմական Տիգրանակերտ անունով, որն, ի վերջո գտնվում էր հենց այս նահանգի ու գավառի տարածքում:

Ստորև անդրադարձ է կատարվում Դիարբեքիրի գավառի բնակավայրերին ու հայ բնակչության պատմաժողովրդագրական պատկերին XIX դարի վերջերին – XX դարի սկզբներին: Գավառը բաժանվում էր Դիարբեքիր, Սևերեկ, Սիվան, Բշերիկ, Տերըկ, Լճե գավառակների՝ հիմնականում ընդգրկելով տարածքներ պատմական Աղձնիքից: Հոդվածը շարադրելիս օգտագործվել են ինչպես հայկական աղբյուրներ, մամուլ, այնպես էլ՝ օտար սկզբնաղբյուրներ, ճանապարհորդական նոթեր և այլ նյութեր: XX դարի սկզբներին վերաբերող աղբյուրների մեջ

և Մարդիկի ու Ջեզիրեի գավառները, «Վ.Ս. համահայկական հանդես», ԺԲ (ԺԸ) տարի, թիվ 1 (69), հունվար-մարտ, 2020, էջ 154: «Հայկական հարց» հանրագիտարանում հեղինակը նշում է. 47.220, այլ տվյալի համաձայն՝ 49.609 քառ. կմ (տես՝ «Հայկական հարց», Երևան, 1996, էջ 114):

³ Տե՛ս Հակոբյան Թ., Հայաստանի պատմական աշխարհագրություն, Երևան, 1968, էջ 234:

4. Պոլսի Հայոց պատրիարքարանի տվյալները և դրանց ամփոփող գրականությունը առաջնային նշանակություն ունեն: Նախ-
և առաջ կարևորվում է արևմտահայ մտավորական, հրապարա-
կախոս Թեոդիկի հրատարակած աշխատանքը, որում հեղինա-
կը ներկայացնում է Կոստանդնուպոլսի պատրիարքարանի
տվյալները հայաբնակ բնակավայրերի, հայ բնակչության թվա-
քանակի վերաբերյալ յուրաքանչյուր նահանգում, գավառում,
նաև հայ հոգևորականության ճակատագիրը ցեղասպանության
տարիներին: Թեոդիկը ներկայացնում է նաև հայ բնակչության
ընդհանուր թվաքանակը Տիգրանակերտի նահանգի նույնանուն
գավառի գավառակներում, որի համաձայն գավառում հաշվվում
էր 38.950 լուսավորչական, 1.700 կաթոլիկ և 2.550 բողոքական
հայ⁴: Մեջբերված տվյալում, ներառված չէ Սևերեկի հայ բնակ-
չության թվաքանակը, քանի որ Թեոդիկն այն ներկայացնում է
որպես առանձին գավառ⁵. հոդվածում, համաձայն վարչական
բաժանման, Սևերեկը ներառվել է Դիարբեքիրի գավառի տա-
րածքում որպես առանձին գավառակ:

Գավառի հայ բնակչության ընդհանուր տվյալներ կան նաև
Թեոդիկի հրատարակած «Ամենուն տարեցոյց» տարեգրքում,
որի համաձայն պատերազմից առաջ գավառում հաշվվում էր
60.000⁶ հայ բնակիչ: Այս տվյալները վերաբերում էին 1912 թ. և
կազմվել էին Ապահովաց հանձնաժողովի կողմից Հայկական
հարցի վերաբացման կապակցությամբ:

4. Պոլսի հայոց պատրիարքարանի տվյալների, Կիլիկիո
կաթողիկոսարանի արխիվային տարբեր նյութերի, թեմական

⁴ Տե՛ս Թեոդիկ, Գողգոթա հայ հոգևորականութեան ևս իր հօտին աղետայի
1915 տարին, Թեհրան, 2014, էջ 356:

⁵ Տե՛ս նույն տեղում: Ընդհանուր հաշվարկում թերիաշվված է 800 հոգի (Ա.Բ.):

⁶ Տե՛ս «Ամենուն տարեցոյց», 1921, Կ. Պոլիս, էջ 261:

տեղեկագրերի հիման վրա կազմված մեկ այլ վիճակագրություն է ներկայացնում Բյուզանդ Եղիայանը, որի համաձայն Տիգրանակերտում (թերևս խոսքը ամբողջ գավառին է վերաբերում) հաշվվում էր 51.750⁷ հայ բնակիչ: Գավառի հայ բնակչության թվաքանակի վերաբերյալ թուրքական պաշտոնական տվյալներ է ներկայացնում ֆրանսիացի արևելագետ Վ. Քինեն, որը 1890 թ. համար տալիս է հայ բնակչության հետևյալ թվաքանակը. Տիգրանակերտի գավառ՝ հս. լուսավորչական՝ 28.984, հայ կաթոլիկ՝ 1.845, հայ բողոքական՝ 1.544, ընդամենը՝ 32.373, որից Տիգրանակերտ քաղաքում՝ հայ լուսավորչական՝ 10.480, հայ կաթոլիկ՝ 899, հայ բողոքական՝ 880, ընդամենը՝ 12.259⁸:

Դիարբեքիի գավառը և հատկապես նույնանուն գավառակի տարածքը հայտնի էին որպես երկրագործական արտադրանքի կարևոր կենտրոններ: Մասնավորապես, հասարակական գործիչ, մտավորական Մարկոս Նաթանյանը գրում է. «Պարսպեն ներս չկ'ա բնաւ պարտէզ կամ ծառատունկ, այլ պարսպեն դուրս, Տիգրիսի եզերքը այնքան առատ որ աննման աժանութիւն ունիւ: ամեն տեսակ մրգէղեննէր: Իսկ սեխ և ծմերուկն արդէն անուանի են յոյժ, մանաւանդ վերջինն 50-60 օխա ծանրութեամբ կը մեծնայ երբեմն և կը վաճառուի ոչ հատով, այլ մսի պէս կը կտրուի եւ ուզած չափով կը տրուի...»: Նաթանյանը նաև գրում է, որ Տիգրանակերտում բանջարեղենն ու մրգերը ավելի էժան էին, քան Խարբերդում, Բալուում, Արաբկիրում, Ալևում, Երզնկայում, Կարինում, Վանում, Բաղեշում ևն⁹:

⁷ Տե՛ս Եղիայան Բ., Ժամանակակից Պատմութիւն Կաթողիկոսութեան Հայոց Կիլիկիոյ. 1914-1972, Անթիլիաս, 1975, էջ 892:

⁸ Տե՛ս Ղազարեան Հ., Յեղապան թուրքը, Բ հրատ., Անթիլիաս, 2010, էջ 262:

⁹ «Մասիս», 1885, թիվ 3768, 4 մայիս, Կ. Պոլիս:

Գավառակի և ամբողջ նահանգի կենտրոնն էր Դիարբեքիր քաղաքը (Ամիդ), որը Արևմտյան Հայաստանի հնագույն բնակավայրերից էր, ուներ բազմադարյան պատմություն, մշակույթ: Քաղաքի կենտրոնում շուկան էր, իսկ տները կառուցված էին շուկայի շուրջը: Քաղաքը արհեստագործական և հատկապես առևտրական կենտրոն էր: Քաղաքում գործում էին 33 արհեստներ, ընդհանուր առմամբ, քաղաքի շուկայում կար 950 խանութ¹⁰: Արհեստներից առավել զարգացած էր սավանագործությունը, որին տիրապետում էին հարյուրավոր անձինք: Այս արտադրանքն արտահանվում էր դեպի Մոսկու և Բաղդադ:

Մեծ տեղ ուներ նաև պղնձագործությունը, ինչը կապված էր Արդանա Մադենի պղնձահանքերի մոտ լինելու հանգամանքով: Պղնձագործական իրերը ևս արտահանվում էին: Ոսկերչությամբ ու դերձակությամբ զբաղվողներ ևս կային, սակայն արդեն դրանք նախկին ծավալները չունեին: Մասնավորապես, դերձակների 50 արհեստանոց կար: Ինչ վերաբերում է առևտրին, ապա մեծ ծավալներ ուներ քաղաքից արտահանվող արտադրանքը՝ բուրդ, կաշվեղեն, մորթեղեն, մետաքս, խեժ: Իր հերթին, այս արտադրանքը քաղաք էր բերվում արտադրական ու արհեստագործական կենտրոններ հանդիսացող ավաններից, ինչպես օրինակ, Լճեն, Հայնին, Ջեզիրեն, Չնքուշը:

Քաղաքում գործում էր 6 եկեղեցի՝ երեք առաքելական, մեկ կաթոլիկ, երկու բողոքական: Անգլիացի ճանապարհորդ Ջ. Հեփվորֆը իր նոթերում մանրամասն անդրադարձ է կատարում Դիարբեքիրի տեղադրությանը, հնադարյան պատմության մանրամասներին: Հեփվորֆի տվյալների համաձայն 1890-ականնե-

¹⁰ Տե՛ս «Հայ արհեստավորները Տիգրանակերտի մեջ», «Արմենիա», 1906. դեկտ 26, Մարտի:

րին քաղաքն ուներ 30.000 բնակչություն¹¹: Վերլուծելով XIX դարի վերջի հայ բնակչության թվաքանակի վերաբերյալ տվյալները, կարելի է վստահաբար ասել, որ Դիարբեքիր քաղաքը 1880–90-ական թվականներին ուներ շուրջ 30.000 բնակչություն, որից հայեր էին գրեթե կեսը¹²:

Դիարբեքիր նահանգը, ինչպես Արևմտյան Հայաստանի մյուս նահանգները, մեծապես տուժեց համիդյան կոտորածների տարիներին: Մասնավորապես, Դիարբեքիր քաղաքում 1895 թ. նոյեմբերին կազմակերպված զանգվածային կոտորածի օրերին սպանվեց 3000–5000՝ հիմնականում հայ բնակիչ¹³: Կոտորածների ալիքը տարածվեց նաև քաղաքի շրջակա բնակավայրերում, նաև՝ մյուս գավառներում: Ցավոք, կոտորածների հետևանքներն ավելի ցավալի էին ու երկարատև: Խնդիրն այն է, որ կոտորածներից հետո շատերը մնացել էին անօթևան, քանի որ Դիարբեքիրում արձանագրվել էր նաև ունեցվածքի, տների մեծ կորուստ. հրկիզվել ու ոչնչացվել էին բազմաթիվ տներ ու խանութներ: Շատերը մնացել էին առանց գոյության տարրական միջոցների, ահա ինչու տարածվեցին հիվանդությունները, սովը, որոնք ևս մարդկանց մահվան պատճառ դարձան: Մյուս կարևոր հանգամանքն այն էր, որ կոտորածների ընթացքում սպանվածների մեծամասնությունը տղամարդիկ էին, յուրաքանչյուրը մի ընտանիքի հենարան: Նաև շատ դժվար էր հաղթահարել այն վախի մթնոլորտը, որի մեջ հայտնվել էր հայ բնակչությունը: Այս-

¹¹ St. J. Hepworth Rev. G. H., *Through Armenia on Horseback*. London, 1898. էջ 178:

¹² St. J. մանրամասն Babumyan A., “The Armenian population of Diarbekir (Tigranakert) kaza in 1880 – early of 1890s”, «Բանրեր հայազխտության», Երևան, 2019, թիվ 3, էջ 5–16:

¹³ St. J. մանրամասն: Բաբումյան Ա., Հայերի կոտորածները Դիարբեքիր քաղաքում 1895 թ., «Հայազխտության հարցեր», Երևան, 2020, թիվ 3, էջ 61–75:

պիսով, համիդյան կոտորածները մեծապես վատթարացրեցին հայ բնակչության թե՛ տնտեսական, թե՛ բարոյահոգեբանական դրությունը, նաև ուղիղ ազդեցություն ունեցան հայերի թվաքանակի և ընդհանրապես՝ բնակչության ժողովրդագրական պատկերի վրա: Սա է պատճառը, որ հետագա տարիներին հայ բնակչության թվաքանակն ու տնտեսական վիճակը հակառակ նրան, որ պետք է ավելի կարգավորվեր ու ամրանար, ուղղվեց նախկինում տիրող դրության վերականգնմանն ու իրավիճակի կայունացմանը:

Ցավոք, XX դարի սկզբներին ևս իրավիճակը Դիարբեքիրում մնում էր լարված: «Արմենիա» թերթում հաջորդաբար մի քանի հաղորդագրություններ են տպվում Դիարբեքիրում տիրող իրավիճակի վերաբերյալ: Սա կապված էր նախ երիտթուրքերի հեղաշրջման հետ: Դիարբեքիրում, չնայած առաջին հայացքից ուրախությամբ ընկալվեց հեղափոխության լուրը, սակայն, այստեղ ավելի ուժեղ էին նախկին իշխանությունների հետևորդները, ավելին, նրանց համար անընդունելի էր «հայերի ազատությունն ու հաւասարութիւնը»¹⁴: Մի խումբ ազատականների խոսքը տվյալ դեպքում ոչինչ էր պաշտոնյաների մեծամասնության, բեյերի ու աղաների, շեյխերի մոտեցումների դեմ: Վերջիններս աներկյուղ հայտարարում էին, որ «անկարելի է ընդունինք և թողունք որ իսլամներն ու քրիստոնեաներն համահաւասար իրաւունքի տէր ըլլան և մէկ նկատուին, հակառակ պարագային՝ ամէնքն ալ կը ջարդենք և կը փճացնենք»¹⁵: Նույն թերթի թղթակիցը ավելացնում է, որ եթե նման վիճակ էր Դիարբեքիրում, ապա, հնարավոր չէ պատմել Սիվանի, Բշերիկի, Տերլիկի, Ջեզի-

¹⁴«Կոտորածի յուրեր Հայաստանի», «Արմենիա», 1908, հոկտ. 28, Մարսել:

¹⁵«Նամակ Թիւրքիաէ», Վշտայր, «Արմենիա», 1908, նոյ. 11:

րեի, Սևերեկի, Բալուի, Ջերմուկի, Հազրոյի, Լճեի քրդաշատ գյուղախմբերում բնակվող քրիստոնյաների վիճակի մասին: Իրադրությունն ավելի սրվեց Միլլի աշիրեթի պետ Իբրահիմ փաշայի՝ իշխանությունների դեմ ապստամբելու պատճառով: Իբրահիմ փաշան, ի վերջո, սպանվեց և օսմանյան զորքերը մտան նրա ապաստան ու հենարան հանդիսացող Վերան Շեհիր քաղաքը: Ահա այս ընթացքում է, որ մեծ բռնություններ իրականացվեցին բնակչության նկատմամբ, կոտորվեցին բազմաթիվ մարդիկ: Սպանվածների մեջ կային նաև հայեր ու ասորիներ, թեև մեծ մասը եզդիներ էին: Սկզբում Դիարբեքիից Պոլիս հեռագրվեց կոտորածի մասին, հետո սակայն պարզ դարձավ, որ դեպքը վերաբերում է Վերան Շեհիրին: Այս կոտորածի ընթացքում, ինչպես նշվում է «Արմէնիա» թերթի թղթակցության մեջ, հայերը մեծ մարդկային վնասներ չեն կրում, քանի որ հավաքվում են եկեղեցում, մինչդեռ նյութապես տուժում են մեծ չափով, քանի որ տներն ու խանութները կողոպտվում են անխտիր: Թղթակիցը նշում էր նաև, որ մոտ 50.000 մարդ կոտորածների ու ավերածությունների արդյունքում մնացել էր անօթևան, որից քրիստոնյա և մեծամասամբ՝ հայ էին մոտ 3.000-ը¹⁶: Կարելի է ենթադրել, որ այս դեպքերից հետո ևս շատերը ապահովության, օթևան գտնելու հույսով հեռացան այլ բնակավայրեր:

Այլ երկրներ և հատկապես ԱՄՆ արտագաղթի խնդիրները ևս արդիական էին Դիարբեքիի, Բալուի, նահանգի հայաշատ մյուս բնակավայրերի համար: Այս առումով ևս ուշագրավ թղթակցություններ կան՝ գրված Դիարբեքիից, որտեղ խոսվում է օրվա կարևոր խնդիր դարձած գաղթականության մասին:

¹⁶ Տե՛ս «Օղյում Իպրահիմ»-ի մահուան պարագաները, «Արմենիա», 1908, նոյ.11:

Չնայած նրան, որ անցագիր ստանալն արգելված էր, այնուամենայնիվ, շատերը փախուստի էին դիմում, վատնում 20-25 ոսկու չափ գումար, նույնիսկ այդ դեպքում՝ ոչ միշտ հաջողության հասնում: Հրապարակախոս Վշտակիրն անդրադառնում է գաղթի պատճառներին, մասնավորապես նշում, որ հայերին խեղելը, հայիոյելը, սովորական երևույթ էր դարձել, հասել ծայրահեղության. ահա ինչու, երիտասարդությունը արտասահմանի որևէ ազգականի, ծանոթի առաջարկին վստահելով, պատրաստ է ամեն զոհողության՝ գնալու «ազատ երկիր»¹⁷: 1906 թ. նոյեմբերի 18-ին Վշտակիրը գրում է Տիգրանակերտից. «Մեկնողներուն տեղը շրջակայքէն կուգան բռնել խեղճ գիւղացիներ, որք Քիւրդերու զուլումներէն ազատուելու յուսով քաղաք կը դիմեն, անդին իրենց տեղերը պարապ թողլով»¹⁸: Տվյալ դեպքում թղթակիցը խոսում է ժողովրդագրական այն միտման մասին, երբ գյուղերից, հատկապես փոքրաթիվ հայ բնակչություն ունեցող բնակավայրերից գոյության միջոցներ գտնելու և հիմնականում ապահովության ակնկալիքով բնակիչները հեռանում էին, հաստատվում ավելի խոշոր, նաև՝ հայաշատ բնակավայրերում: Այս միտման պատճառով է, որ կենտրոնական բնակավայրերում հայերի թվաքանակի նվազեցում հիմնականում չէր նկատվում, մինչդեռ նախկինում հայաբնակ բազմաթիվ գյուղական բնակավայրեր հայաթափ էին լինում:

Դիարբեքիի գավառակ

Փորձենք որոշակիորեն հաշվարկել նաև հայ բնակչության թվաքանակը Դիարբեքիի քաղաքում և գավառի բնակավայրե-

¹⁷ «Նամակ Թիւրքիաէն», Վշտակիր, «Արմէնիա», 1907, փետրվար 13.

¹⁸ Նույն տեղում, յունուար 9:

րում Հայոց ցեղասպանությունից առաջ: Համաձայն ուսումնասիրող Ս. Ծոցիկյանի՝ 1915 թ. առաջ Դիարբեքի քաղաքն ուներ 40.000 բնակչություն, իսկ հայերի թվաքանակը մոտ 12.000 էր, ոմանց կարծիքով՝ մինչև 15.000¹⁹: Ըստ Տ. Մկունդի խմբագրությամբ հրատարակված Դիարբեքիին նվիրված հուշամատյանի՝ այս ժամանակաշրջանում քաղաքի բնակիչների թիվը հաշվվում էր 23.000, 3.000 մարդ էլ հաշվվում էր որպես փախստական²⁰: Միննույն ժամանակ, հեղինակը գրքի մեկ այլ հատվածում գրում է. «Տիարպեքիի հայութեան անձի կորուստն է 35–36000. իսկ շրջակայից անձի կորուստն է մօտաւորապէս 40–45000»²¹: Ըստ պատրիարքարանի՝ Թեոդիկի հրատարակած ցուցակի՝ Դիարբեքի քաղաքում 1914 թ. դրությամբ ապրում էր 3.000 անձ²²: Այս տվյալը, կարծում ենք, թուրիմացության հետևանք է, քանի որ Դիարբեքիում հայ բնակչության թվաքանակի վերաբերյալ եղած մյուս տվյալները մի քանի անգամ ավել են ցույց տալիս հայերի թվաքանակը, նաև՝ տարօրինակ է, որ Թեոդիկը բոլոր բնակավայրերի դեպքում հիմնականում տալիս է տների թիվը, իսկ Դիարբեքի քաղաքի վերաբերյալ՝ անձերի թվաքանակ: Ավելին, XX դարի սկզբներին, չնայած համիդյան կոտորածներին զոհ գնացած, նաև հետագա տարիներին արտագաղթած հայերի թվաքանակին, հայ բնակչության թվաքանակը այստեղ չէր կարող լինել 3.000: Թեոդիկի հրատարակության մեկ այլ՝ տեքստային հատվածում, անդրադառնալով Տիգրանակերտի նահանգի հայ բնակչության ընդհանուր թվաքանակին, ներկայացվում է նաև Տիգրանակերտի գավառի հայերի տեղաբաշխ-

¹⁹ Տե՛ս Ծոցիկեան Ս., Արեւմտահայ աշխարհ, Նիւ. Եորք, 1947, էջ 744–745:

²⁰ Տե՛ս Մկունդ Տ., Ամիտայի արձագանգներ, 1950, ԱՄՆ, էջ 477:

²¹ Նույն տեղում, էջ 253:

²² Տե՛ս Թեոդիկ, նշվ. աշխ., էջ 797:

վածությունը ըստ գավառակների: Մասնավորապես, Տիգրանակերտի գավառակում, ըստ պատրիարքարանի ցուցակի, հաշվվում էր, 14.000 լուսավորչական, 1.300 կաթոլիկ, 1.300 բողոքական հայ²³: Համաձայն այս տվյալի՝ գավառակի տարածքում ապրում էր ընդամենը 16.600 հայ, մեծ մասը՝ քաղաքում, քանի որ Դիարբեքիի գավառակի գյուղական բնակավայրերում ապրում էր ընդամենը շուրջ 300 տուն հայություն: Դիարբեքիում հայ բնակչության մեծաքանակ լինելու օգտին է խոսում մեկ այլ կարևոր աղբյուր. Դիարբեքիում բրիտանական փոխհյուպատոս Թ. Մկրտչյանը դեռևս 1919 թ. հրատարակած իր հուշագրության մեջ նշում է, որ Հալեպում, այլ վայրերում գտնվող վերապրած տիգրանակերտցիների վկայությունների, եղած ցուցակների համաձայն «բուն քաղաքին հայ բնակչութեան կորուստը կը հաշուի 25-26000ի մօտ եւ գաւառներու կորուստը 60-65000ի»²⁴: Ամերիկահայ ուսումնասիրող, հրապարակախոս՝ մասնագիտությամբ բժիշկ Ս. Կարայանն իր հետազոտության մեջ հիմք ընդունելով Թ. Մկրտչյանի բերած տվյալը, իր հերթին եզրակացնում է, որ Տիգրանակերտում 26.000 սպանվածների պետք է գումարել նաև շուրջ 10000 բանակ զորակոչված և սպանված տղամարդկանց, նաև մոտ 9000 ենթադրյալ վերապրածների, որոնք ինչ-որ կերպ փրկվելով, հաստատվել էին Հալեպում և Լիբանանում: Կարայանի հաշվարկներով, Դիարբեքիում 1915 թ. դրությամբ ապրում էր 42000-45000 հայ²⁵, ինչը, սակայն, մեր կարծիքով, խիստ չափազանցված է: Ավելին, կարծում

²³ Տե՛ս նույն տեղում, էջ 356:

²⁴ Մկրտիչեան Թ., Տիգրանակերտի նահանգի ջարդերը եւ քիւրտերու գազանութիւնները, Գահիրէ, 1919, էջ 87:

²⁵ Տե՛ս Karayan S., Armenians in Ottoman Turkey, 1914. A Geographic and Demographic Gazetteer, London, Gomidas Institute, էջ 269, 273:

ենք, Թ. Մկրտչյանի բերած տվյալում ևս որոշակի առումով կարող էին հաշվառվել նաև շրջակա բնակավայրերից Դիարբեքիրում ապաստանած կամ այստեղ աշխատող հայերը, կամ այս տարածքով տեղահանվողների մի մասը հաշվվեր որպես տեղաբնիկ: Պատմաբան, Կ. Պոլսի պատրիարքարանի 1913–1914 թթ. ցուցակների մեկ այլ հրատարակիչ Ռ. Գևորգյանը գրում է, որ Դիարբեքիրի 45.000 բնակչից հայ էր 14.000-ը²⁶: Ի մի բերելով եղած բոլոր տվյալները, նաև հաշվի առնելով այն հանգամանքը, որ XIX դարի վերջերին Դիարբեքիրում ապրում էր շուրջ 15.000 հայ, կարծում ենք, որ հայերի թվաքանակը այստեղ 1914 թ. դրությամբ պետք է հաշվարկել շուրջ 17.000:

Դիարբեքիրի գավառակը ներառում էր նաև մի քանի տասնյակ հայաբնակ բնակավայրեր: Մասնավորապես, ըստ Ռ. Գևորգյանի հրատարակած տվյալների՝ գավառակը ներառում էր 25 գյուղական բնակավայրեր՝ 2252 հայ բնակիչներով, որոնց կողքին ապրում էին ասորիներ, քրդեր, կզլբաշներ²⁷: Թեոդիկը, ի տարբերություն Ռ. Գևորգյանի, նույն գավառակում հիշատակում է 47 հայաբնակ բնակավայրեր, նա գավառակի բնակավայրերը բաշխում է արևելյան և արևմտյան գյուղախմբերի միջև, ինչպես, իր վկայությամբ, արվել էր վիճակի նախկին առաջնորդ Ջավեն եպիսկոպոսի՝ 1912 թ. պատրաստած ցուցակում: Արևմտյան գյուղախմբում Թեոդիկի թվարկած

23 գյուղերից Ռ. Գևորգյանը հիշատակում է միայն Ալի Բունար, Սելմի, Տարպաշուր, Չարոխիկ, Խմերիկ, Գարա Քիլիսե գյուղերը: Գավառակի արևելյան գյուղախմբում Թեոդիկը հիշա-

²⁶ Sli'u Ke'vorkian R., Paboudjian P., Les Arme'niens dans l'empire Ottoman. A la veille du Ge'nocide, Paris, 1992. էջ 397:

²⁷ Sli'u նույն տեղում, էջ 398:

տակում է ևս 23 բնակավայր, այդ բնակավայրերից էին Գթրպը-
լը, Իրինճիլը, Գապասագալը, Քապին, Անշան, Գարապաշը,
Շառապին, Սաթի գյուղը, Արգոլլին, Պաղչեճիքը, Թավուլլին,
Ճոնիկը, Տարաղլին, այլ գյուղեր:

Ռ. Գևորգյանի և Փ. Փաբունյանի հրատարակած պատրի-
րաքարանի ցուցակում թվարկված բնակավայրերը հիմնակա-
նում կան Թեոդիկի բերած անվանացանկում: Ցավոք, Դիարբե-
քիի շրջանակի գյուղերից մի քանիսը միայն ունեին տասից ա-
վել տուն հայ բնակիչ: Մյուս բնակավայրերը, ըստ Գարեգին Ար-
վանձտյանցի, ով մանրամասն ուսումնասիրություն է հեղինակել
Արևմտյան Հայաստանի տարբեր գավառների հայ բնակչության
վերաբերյալ, դեռևս 1878–80 թթ. ունեին 1–10 տուն հայություն:

Թեոդիկը հիշատակում է նաև մեկական տուն հայ բնակ-
չությամբ մի շարք գյուղեր՝ Պալունա, Չանախլի, Մխսի Օղլի, Գր-
թե, Վերի Կեօղլի, Գըրգալի, Կյավուր Վելի, Պալըղի, Տենկեճուկ,
Մեծ Նասրիկ, Օրինագ, Էսկի Նասրիկ, Շեյխքենդ, Խտր
Էլիսա, Գավսե²⁸: Ուշագրավ է, որ թվարկված բնակավայրերը
Արվանձտյանցը չի հիշատակել: Այս գյուղերը ներառված չեն
նաև պատրիարքարանի՝ Ռ. Գևորգյանի և Պ. Փաբունյանի կող-
մից հրատարակված ցուցակում, քանի որ, նշված 1–6 տուն հա-
յությունը այս բնակավայրերում մշտապես չի ապրել, այլ սրանք
եղել են գաղթական հայեր, ովքեր աշխատանքի կամ կեցության
համար տվյալ ժամանակամիջոցին բնակվել են Դիարբեքիի
գավառակի գյուղերում: Մասնավորապես Թեոդիկն այս մասին
գրում է, որ «Առաջնոյն Ալի Փունար եւ Հայեղիկ գիւղերէն գատ,

²⁸ Տե՛ս Թեոդիկ. նշվ. աշխ., էջ 364:

միաներուն ժողովուրդը գաղթական եւ «մերիպա» էին, տեղափոխուելու ենթակայ»²⁹:

Ցավոք, փաստ է, որ պատրիարքարանի տվյալները կատարյալ չեն եղել, ավելին, հաճախ հայերի թվաքանակը այս կամ այն բնակավայրում ավելին էր, քան դրանք ներկայացված են Թեոդիկի կամ Ռ. Գևորգյանի ու Պ. Փաբունյանի հրատարակած ցուցակներում: Այնուամենայնիվ, ստիպված ենք հաճախ որպես հիմք ու հաշվարկի հիմնական աղբյուր վերցնել այդ տվյալները, քանի որ դրանք ավելի ամբողջական են: Պատրիարքարանի տվյալների համաձայն՝ 1914 թ. դրությամբ Դիարբեքիի գավառակի 45 գյուղական բնակավայրերում հաշվվում էր 330 տուն կամ՝ յուրաքանչյուր տան անդամների թիվը հաշվելով 8՝ 2.640 հայ: Գրեթե նույնքան թվաքանակ է հիշատակում Ռ. Գևորգյանը՝ 2.252³⁰. Հեղինակը չի մասնավորեցնում յուրաքանչյուր բնակավայրի հայերի տների քանակը: Ընդհանուր առմամբ, կարելի է ենթադրել, որ Դիարբեքիի գավառակում, ապրում էր շուրջ 20.000 հայ:

Սևերեկի գավառակ

Անդրադարձ կատարենք նաև գավառի մյուս գավառակներում հայ բնակչության թվաքանակին, զբաղմունքներին և այլ հարցերի: Դիարբեքիի գավառի գավառակներից էր Թեոդիկի մոտ որպես չորրորդ գավառ հիշատակվող Սևերեկը: Սևերեկի հայերի նախնիները գաղթել էին Թլկուրանից ու Վերան Շեհի-

²⁹ Թեոդիկ, նշվ. աշխ., էջ 364:

³⁰ Sli'u Kevorkian R., Demographic Changes in the Armenian Population of Diarbekir, 1895-1914, in Armenian Tigranakert/Diarbekir and Edessa/Urfa, edited by R. Hovannisian, Mazda Publishers, Costa Mesa, California, 2006, էջ 266:

րից: Բարեկեցիկ էին, կային մեծատուն ընտանիքներ³¹: Ընդհանուր առմամբ, Սևերեկը հիշատակվում է որպես բարեկեցիկ բնակավայր, մասնավորապես, հայերն այստեղ զբաղվում էին երկրագործությամբ, արհեստներով և հատկապես՝ առևտրով: 1888 թ. հրատարակված մի հոդվածում, որը վերաբերում էր Խարբերդին, տվյալներ կան կառավարության մարդահամարի տետրերից, որտեղ բերվում է նաև Սևերեկում ապրող հայերի թվաքանակը՝ 3.100 շունչ³²: Սևերեկի գավառակում, 1890 թ. դրությամբ, ըստ Վ. Քինեի, որը ևս մեջբերում է պաշտոնական մարդահամարի տվյալներ, հաշվվում էր 7.250 հայ բնակիչ³³:

Համիդյան կոտորածներից անմասն չմնաց նաև Սևերեկի հայությունը: Ըստ Է. Բլիսի, որը համիդյան կոտորածների վերաբերյալ մանրամասն տվյալներ է հրատարակել, Սևերեկում քրիստոնյա 2.900 բնակչից գրեթե բոլոր տղամարդիկ՝ շուրջ 750 հոգի, սպանվեցին համիդյան կոտորածի ընթացքում, ինչը հնարավորություն տվեց իշխանություններին՝ մահմեդականացնելու բոլոր կանանց ու երեխաներին³⁴: Սպանվածների նույն թվաքանակն է հիշատակվում նաև ամերիկյան մամուլի էջերում: Մասնավորապես, “The New York Times”-ի 1896 թ. հունվարի 23-ի համարում վերատպված է “Independent”-ում հրապարակված մի աղյուսակ, որտեղ ներկայացված են կոտորածների վերաբերյալ տվյալներ Խարբերդի ու Դիարբեքի Նահանգների բնակավայրերի վերաբերյալ: Տրված է նաև բնակավայրի տների մոտավոր քանակը, հստակեցվում, որ յուրաքանչյուր տանը պետք է նկա-

³¹ Տե՛ս Ծոցիկեան Մ., նշվ. աշխ., էջ 656–657:

³² Տե՛ս «Արաքս», 1888, թիվ 2, էջ 30:

³³ Տե՛ս Ղազարեան Հ., նշվ. աշխ., էջ 262–263:

³⁴ Տե՛ս Bliss Rev. Edwin, Turkey and the Armenian Atrocities, Fresno, Ca., Meshag publishing, 1982, էջ 487:

տի ունենալ 8-10 շունչ: Այսպես, Սևերեկն ըստ ցուցակի, ուներ 350 տուն հայ բնակիչ, սպանվել էր 750 հոգի³⁵:

1900-ականներին և հատկապես 1914–1915 թթ. Սևերեկում հայ բնակչության թվաքանակի վերաբերյալ հեղինակներից Ս. Պարսամյանը կրկնում է նույն Վ. Քինեի հրատարակած տվյալը՝ 7.250 հայ բնակիչ³⁶, ինչը պաշտոնական տվյալ էր: Մեկ այլ հեղինակի՝ Ս. Ծոցիկյանի տվյալների համաձայն պատերազմից առաջ Սևերեկն ուներ 15.000 բնակչություն, որից 8.000-ը հայ էին³⁷: Սևերեկի վերաբերյալ հուշամատյանի հեղինակ Պ. Արապյանը բերում է նշված տվյալներից խիստ տարբերվող թվաքանակներ: Նա գրում է, որ 1900-ական թվականներին Սևերեկ քաղաքի բնակչությունը 30-35.000 էր, որից քրիստոնյա էր 15-16.000-ը³⁸: 1914 թ. դրությամբ, Սևերեկ քաղաքի վերաբերյալ հեղինակը ներկայացնում է տվյալ՝ 14.500 տուն³⁹, ինչը, կարծում ենք, տպագրական սխալ է, թերևս տների փոխարեն նշված է շնչերի քանակը: Մեր ենթադրությունները հաստատում է Արևմտյան Հայաստանի նահանգների հայ բնակչության թվաքանակի վերաբերյալ ծավալուն ուսումնասիրության հեղինակ Ս. Կարայանը, ով վստահեցնում է, որ 1973 թ. անձամբ հետաքրքրվել է Պ. Արապյանից այս թվի ստույգ լինելու վերաբերյալ, որին ի պատասխան Արապյանը վստահեցրել է, որ դա սխալմունք է, և թիվը վերաբերում է շնչերին և ոչ տներին⁴⁰: Պ. Արապյանը

³⁵ Տե՛ս The Armenian Genocide: Prelude and Aftermath. As Reported in the U.S. Press: The New York Times, vol. 1 (1890–1914), compiled and edited by Rev. V. Ohanian and A. Ketibian, 2018, p. 382–383.

³⁶ Տե՛ս Պարսամյան Ս., Յուշարձան Ջերմուկի, Պոսթըն, 1969, էջ 135:

³⁷ Տե՛ս Ծոցիկյան Ս., նշվ. աշխ., էջ 656–657:

³⁸ Տե՛ս Արապյան Թ., Յուշամատենի Սևերեկի, Պէյրուք, 1971, էջ 19:

³⁹ Տե՛ս նույն տեղում, էջ 21:

⁴⁰ Տե՛ս Karayan S., նշվ. աշխ., էջ 298:

հուշամատյանի մեկ այլ հատվածում մեջբերում է տվյալ, որը հեղինակի խնդրանքով 1954 թ. իրեն է փոխանցել Սևերեկում ապրող և ավելի քան 15 տարի անձնագրային գրասենյակում աշխատող ուն Իսմայիլ Հաճի էֆենդին: Վերջինիս վստահեցրել է, որ Սևերեկում դեռևս պահպանվում են հայերի վերաբերյալ բոլոր տվյալները և կատարած հաշվարկների արդյունքում նշել, որ Սևերեկում 1914 թ. ապրում էր 14.000 հայ առաքելական, 1000 ասորի, 750 հայ բողոքական, 500 կաթոլիկ, 250 հրեա, 13.000 թուրք, 7.000՝ քուրդ, 3.000 զազա բնակիչ⁴¹: Բերված տվյալների համաձայն՝ Սևերեկում 1914 թ. ապրում էր շուրջ 15.000 հայ, նշենք, սակայն, որ այս տվյալը ևս խիստ տարբերվում է մյուս աղբյուրներում եղած տվյալներից: Թեոդիկի բերած տվյալների համաձայն՝ Սևերեկ քաղաքն ուներ ընդամենը 400 տուն հայ բնակիչ, քաղաքում գործում էր Ս. Թորոս եկեղեցին⁴², իսկ Ռ. Գևորգյանի տվյալի համաձայն Սևերեկ քաղաքում ապրում էր 5.450 հայ բնակիչ⁴³: Կարծում ենք, որ Թեոդիկի բերած տվյալը խիստ նվազ է ցույց տալիս հայերի թվաքանակը թե՛ քաղաքում, թե՛ գյուղերում: Ուշագրավ է այն փաստը, որ Սևերեկի մասին հիշատակելուց հետո, Թեոդիկը ներկայացնում է Սևերեկի հայ բնակչության մարդահամարը, որի համաձայն Սևերեկում հաշվվում էր 950 լուսավորչական, 100 կաթոլիկ, 300՝ բողոքական⁴⁴, այս տվյալն առավել քան նախորդները հեռու է ճշգրիտ լինելուց: Տվյալ դեպքում ավելի հավանական է Ռ. Գևորգյանի մատնանշած տվյալը, ուստի Սևերեկ քաղաքում, կարծում ենք, ապրում էր շուրջ 6.000 հայ բնակչություն:

⁴¹ Տե՛ս Արսայեան Թ., նշվ. աշխ., էջ 32-34:

⁴² Տե՛ս Թեոդիկ, նշվ. աշխ., էջ 803:

⁴³ Տե՛ս Kevorkian R., նշվ. աշխ., էջ 268:

⁴⁴ Տե՛ս Թեոդիկ, նշվ. աշխ., էջ 803:

Թ. Արապյանը ներկայացնում է 1915 թ. առաջ Սևերեկի ու շրջակա 8 հայկական գյուղերի բնակչության թվաքանակը: Համաձայն այդ ցուցակի՝ Մսեպին գյուղում հաշվվում էր 500, Պագճարիում՝ 300, Հալապիում՝ 225, Հոշինում՝ 200, Մագրայում՝ 175, Հատրոյում՝ 125, Խալոքանում՝ 75, Սումագլիում՝ 50 տուն հայ բնակիչ⁴⁵: Հատկանշական է, որ Սևերեկի գյուղերը զուտ հայաբնակ էին, բնակիչները զբաղվում էին հողագործությամբ. մասնավորապես, Հալապիի, Խալոքանի հայերը ունեին խաղողի այգիներ, զբաղվում էին գինեգործությամբ, Պեքչերի/Պագճարի գյուղը ունևոր էր, ինչպես նաև եկեղեցի, դպրոց⁴⁶: Սևերեկի շրջանակի մեջ էր նաև Թլկուրանը, այն, իր նախկին շուքից զրկվելով, զրկվել էր նաև հայ բնակչությունից, որը գաղթել էր այս և այն կողմ, մասնավորապես՝ Սևերեկ⁴⁷: Սևերեկի մոտ էր գտնվում Երկուշ գյուղը, որը ձիթաստաններով վայր էր, ուր ապրում էին զազաներ, հայեր, թուրքեր, ասորիներ, կային նաև հայ զազաներ⁴⁸: Ուշագրավ է այն փաստը, որ Սևերեկի հայտնի յոթ գյուղերից, որոնք հիշատակվում են որպես զուտ հայաբնակ, Թեոդիկը հիշատակվում է միայն հինգը՝ Նիսիպին, Օշին, Հատրո, Մագրա, Սմագլի: Բացի այս հայաշատ գյուղերը, որոնց բնակչության թվաքանակը Թեոդիկը ներկայացնում է 10-20 տուն, նա հիշատակվում է նաև ևս 10 բնակավայրեր՝ մինչև 10 տուն հայ բնակչությամբ: Մյուս կողմից, Ռ. Գևորգյանը Սևերեկի գավառակում հիշատակվում է բացի քաղաքը՝ Չաքաղ, Կարաբաղչե, Խարբի, Գորի, Օշին, Մագրա, Սմագլի գյուղերը, որոնցից մյուս արվյուրներում հիշատակված են միայն վերջին երեքը: Նշ-

⁴⁵ Տե՛ս Արապեան Թ., նշվ. աշխ., էջ 21:

⁴⁶ Տե՛ս նույն տեղում, էջ 58-61:

⁴⁷ Տե՛ս Ծոցիկեան Ա., նշվ. աշխ., էջ 659:

⁴⁸ Տե՛ս նույն տեղում, էջ 658-659:

ված յոթ բնակավայրերում, ըստ Ռ. Գևորգյանի, ապրում էր 3.825, ընդհանուր՝ գավառակում՝ 9.275 հայ բնակիչ⁴⁹:

Սևերեկի գավառակի՝ աղբյուրներում թվարկված տարբերությունները, նաև հայերի թվաքանակի տարբերությունները խոսում են այն փաստի մասին, որ դրանք չեն ներկայացնում իրական վիճակը և չեն կարող խիստ ճշգրտորեն ներկայացնել հայերի իրական թվաքանակը տվյալ բնակավայրերում: Այնուամենայնիվ, հստակ է, որ Սևերեկ գավառակը եղել է հայաշատ գավառակ, ավելին, հիշատակվող բնակավայրերից շատերը եղել են զուտ հայաբնակ, ինչը խոսում է այն մասին, որ տվյալ գյուղերում հայերի թվաքանակը չէր կարող լինել 10-20 տան սահմաններում, ինչպես բերված է պատրիարքարանի՝ Թեոդիկի որատարակած տվյալներում, միևնույն ժամանակ նշենք, որ մյուս կողմից էլ խիստ չափազանցված են Արապյանի տվյալները այս անգամ նաև Սևերեկի գյուղերի վերաբերյալ: Ինչպես քաղաքի դեպքում, այնպես էլ գյուղերի՝ որպես առավել հավանական տվյալ ընդունենք Ռ. Գևորգյանի հրատարակած տվյալները, միևնույն ժամանակ շեշտենք այն փաստը, որ Ռ. Գևորգյանի մոտ որպես հայաբնակ այս գավառակում հիշատակվում է ընդամենը 7 գյուղ, սակայն դրանց թիվն, ինչպես հավաստում են մյուս աղբյուրները, ավելին էր: Ուստի ամփոփելով՝ նշենք որ Սևերեկի գավառակում ապրում էր շուրջ 11000 հայ բնակիչ:

Տերըկի գավառակ

Սևերեկից հարավ էր գտնվում Տերըկի գավառակը: Տերըկ կամ Դերիկ գավառակում Գ. Սրվանձտյանցը հիշատակում է

⁴⁹ Տևս Կեօրկիան Ռ., նշվ. աշխ., էջ 268:

միայն Տերը (60 տ.), Բեյրոկ (5տ.), Ս. Դանիել (2 տ.) բնակավայրերը⁵⁰, մինչդեռ Թեոդիկի մոտ դրանք ավել էին: Ռ. Գևորգյանի հրատարակած տվյալների համաձայն՝ Տերը կի գավառակում հաշվվում էր 356 տուն՝ 1782 հայ բնակիչ, որից քաղաքում էին ապրում 1250-ը: Ռ. Գևորգյանը այս գավառակում է հիշատակում նաև Բեյրոկ (532 շ.) և Վերան Շեհիր (1339 շ.) բնակավայրերը⁵¹: Վրիպում է, թերևս, որ Վերան Շեհիրի համար բերված տվյալը ներառված չէ գավառակի հայության ընդհանուր գումարում: Թեոդիկը Վերան Շեհիր բնակավայրը հիշատակում է որպես Սևերեկ առանձին գավառի գավառակ, հայերի թվաքանակը հաշվելով 120 տուն⁵²:

Այսպիսով, գավառակի տարածքում 1914 թ. դրությամբ ապրում էր շուրջ 3.000 հայ:

Սյիվանի գավառակ

Դիարբեքիրի գավառի հայաշատ գավառակներից էր Սյիվանի գավառակը, որի կենտրոնական բնակավայրն էր Նփրկերտը՝ ըստ Սրվանձտյանցի՝ 80 տուն հայ բնակչությամբ⁵³: Այստեղ կանգուն էր Ս. Սարգիս եկեղեցին, ևս երկու եկեղեցիներ ավերակ էին: Սա պատմական Տիգրանակերտի տեղում կառուցված բնակավայր էր, ուրը Արձնիք նահանգի գավառներից Նփրկերտի անունով էլ կոչվում էր այդպես: Ընդհանուր առմամբ, Գ. Սրվանձտյանցն այս գավառակում հիշատակում է շուրջ 70 բնակավայր, որոնցում ընդհանուր առմամբ հաշվվում էր 1374 տուն

⁵⁰ Տե՛ս Մրուանձտեանց Գ., Թորոս Աղբար Հայաստանի ցամաքորդ, հ. 1-2, Կ. Պոլիս, 1879-1884, էջ 232:

⁵¹ Տե՛ս Kevorkian R., նշվ. աշխ., էջ 268:

⁵² Տե՛ս Թեոդիկ, նշվ. աշխ., էջ 803:

⁵³ Տե՛ս Մրուանձտեանց Գ., նշվ. աշխ., էջ 234:

հայ բնակիչ⁵⁴: Հիշատակության արժանի են հատկապես Հելեն՝ 70, Ֆերա՝ 80, Քնիադ՝ 60, Հուսեյնա՝ 70, Հաջիջա՝ 50, Թրպե Սրբի՝ 60 տուն հայ բնակչությամբ գյուղերը⁵⁵: Մյուս բնակավայրերից շատերն ունեին 10-30, մի քանիսը՝ 1-10 տուն հայություն:

Կարևոր է նշել, որ ըստ պատրիարքարանի տվյալների, այս գավառակի բազմաթիվ բնակավայրեր, ինչպես օրինակ՝ Թրպե Սրբի, Հելեն, Քնիադ, Չաթալ, Պաշ Պյոյուք, Ատիշ, Հաշթեր և այլք, Հայոց ցեղասպանության նախօրյակին զուտ հայաբնակ էին: Այս գավառակում ևս, ինչպես Արևմտյան Հայաստանի բազմաթիվ այլ բնակավայրերում հայության թվաքանակը նախկինում ավելին էր եղել, մինչդեռ XX դարի սկզբներին նվազել էր: Ըստ Թեոդիկի, մասնավորապես, Սլիվանի գավառակի Չերրե գյուղում հաշվվում էր 26 տուն հայ, մինչդեռ նախապես այս բնակավայրում հայության թվաքանակը եռապատիկ էր եղել⁵⁶: Գավառակի գյուղերից էր նոենիներով շրջապատված Ատիշը, որն ըստ Ս. Ծոցիկյանի, ունեցել է 360 տուն հայ բնակիչ⁵⁷: Հիշատակություն կա նաև այն մասին, որ գյուղը հիմնադրվել էր Ա-նիից գաղթած հայերի կողմից:

Ռ. Գևորգյանի տվյալների համաձայն՝ Սլիվանի գավառակում 1914 թ. դրությամբ ապրում էր 13824 հայ, որից 4200-ը՝ Նփրկերտում, նաև՝ 2333 ասորի, 26000 քուրդ⁵⁸:

Թեոդիկի հրատարակած պատրիարքարանի տվյալների համաձայն Սլիվանի գավառակում 1914 թ. դրությամբ ապրում

⁵⁴ Տե՛ս նույն տեղում, էջ 234–236: Հանրագումարը կատարվել է մեր կողմից (Ա.Բ.):

⁵⁵ Տե՛ս նույն տեղում:

⁵⁶ Տե՛ս Թեոդիկ, նշվ. աշխ., էջ 369:

⁵⁷ Տե՛ս Ծոցիկյան Ս., նշվ. աշխ., էջ 760:

⁵⁸ Տե՛ս Kevorkian R., նշվ. աշխ., էջ 271:

էր ընդհանուր առմամբ 2106 տուն հայ բնակչություն⁵⁹: Այս ցուցակի համաձայն՝ բացի գավառակի կենտրոնական բնակավայրը, գյուղական շուրջ 70 բնակավայրերում հաշվվում էր 1827 տուն հայություն: Յուրաքանչյուր տան անդամների թիվը հաշվելով 8, նշված շուրջ 70 գյուղական բնակավայրերում ստացվում է՝ ապրում էր շուրջ 15000 հայ բնակիչ, գավառակում՝ շուրջ 18000:

Բշերիկի գավառակ

Դիարբեքիի գավառի մյուս գավառակն էր Բշերիկը, որը գտնվում էր Սյիվանից հարավ, ևս սահմանակից էր Բիթլիսի նահանգին: Այս գավառակում Սրվանձոյանցը հիշատակում է շուրջ 40 հայաբնակ բնակավայր, որոնցից Ղանթարն ուներ 30, Քերիկը՝ 60, Գոնդե-Ջանոն՝ 105, Ղոջանը՝ 50, Սինանը՝ 50, Ջիքարլուն՝ 30, Բլեյ-դարը՝ 50, Ջերջըլը՝ 32, Բասորիկը՝ 40 տուն հայ բնակչություն⁶⁰: Գավառակի մյուս բնակավայրերը ունեին մինչև 30 տուն հայություն: Ռ. Գևորգյանը ևս հիշատակում է 1880 թ. տվյալները, իսկ 1914 թ. վերաբերյալ ներկայացնում միայն ընդհանուր տվյալներ, այն է՝ գավառակի 40 բնակավայրերում՝ 5038 հայ բնակիչ, որից կենտրոնական բնակավայրում՝ Էլմետինում՝ 1339 հոգի⁶¹:

Պատրիարքարանի՝ Թեոդիկի հրատարակած տվյալների համաձայն 1914 թ. դրությամբ Բշերիկի գավառակի այստեղ արդեն հիշատակվող շուրջ 50 բնակավայրերում հաշվվում էր 822

⁵⁹ Տե՛ս Թեոդիկ, նշվ. աշխ., էջ 368–371: Հանրագումարը կատարվել է մեր կողմից (Ա.Բ.):

⁶⁰ Տե՛ս Սրուսնձառեանց Գ., նշվ. աշխ., էջ 232–234:

⁶¹ Տե՛ս Kevorkian R., նշվ. աշխ., էջ 269:

տուն հայ բնակիչ⁶²: Տան անդամների թիվը ընդունելով 8-ը (շատ դեպքերում ավելին էր, քան 8-ը)՝ ստացվում է, որ այս գավառակում ապրում էր 6576 հայ բնակիչ: Ռ. Գևորգյանի հրատարակած ցուցակների համաձայն գավառակի կենտրոնական էլմետին բնակավայրում ապրում էր 1339 հայ, մինչդեռ Թեոդիկի մոտ բերվում է 10 տուն: Տվյալ դեպքում կարելի է ենթադրել, որ Ռ. Գևորգյանի տվյալն ավելի մոտ է իրականությանը, քանի որ խոսքը գնում էր գավառակի կենտրոնական բնակավայրի մասին, որը շրջապատված էր բազմաթիվ գյուղերով, ինչը ենթադրում էր, որ այստեղ ևս պետք է լինեին հայության ոչ պակաս թվաքանակ, քան մյուս բնակավայրերում: Կարելի է ենթադրել, որ էլմետինում ապրում էր ոչ պակաս քան 1000 հայ բնակիչ, գավառակում՝ շուրջ 7500:

Լճեի գավառակ

Դիարբեքիի գավառի հյուսիսային գավառակն էր Լճեն: Ըստ Գ. Սրվանձոյանցի այս գավառակում կար 36 հայաբնակ բնակավայր, որոնցից հայաշատ էին հատկապես Լճեն, Օփը, Հարբախնան, Հայնին, Տրնեն, մի քանի այլ բնակավայրեր: Նշված բնակավայրերից գրեթե յուրաքանչյուրն ուներ եկեղեցի: Եկեղեցիներ կային ավելի նվազ հայությամբ բնակավայրերում, օրինակ, Սառնիս գյուղում, որն ուներ 17 տուն հայություն, ըստ Սրվանձոյանցի, կար 4 եկեղեցի՝ Ս. Թովմաս, Ս. Սարգիս, Ս. Հակոբ, Ս. Թորոս, ինչը վկայում է այն մասին, որ ժամանակին

⁶² Տե՛ս Թեոդիկ. նշվ. աշխ., էջ 374–375: Հանրագումարը կառուարվել է մեր կողմից (Ա.Բ.):

բնակավայրն ունեցել է ավելի մեծաթիվ հայություն: Լճեի գավառակում, ըստ Վ. Քինեի, հաշվվում էր 4.910 հայ բնակիչ⁶³:

Լճե գավառակի առանձին գյուղախումբ էր կազմում Հայնին, որտեղ ապրում էին հայեր, զազա քրդեր, նաև՝ քրդացած հայեր: Հայնին այն բնակավայրերից էր, որ մեծապես տուժել էր համիդյան կոտորածների ժամանակ: Հայնիում, ըստ Բ. Ժամկոչյանի, որը նշված բնակավայրի վերաբերյալ առանձին հուշամատյանի հեղինակ է, կոտորածների ընթացքում սպանվեց 80 մարդ, հրկիզվեցին 50-ից ավել տներ, ավերվեցին խանութները: Հեղինակի հավաստմամբ, կոտորածներից հետո Հայնիից 100-ից ավել տուն հայեր գաղթեցին Դիարբեքիր, Ֆարդին, այլ բնակավայրեր⁶⁴: Ավելի քան վեց ամիս այստեղ ոչ եկեղեցիներն էին բացվում, ոչ՝ պաշտամունք կատարվում: Ժամկոչյանը նշում է, որ բնակչության թվաքանակի վերաբերյալ հստակ վիճակագրություն չկա, հավելում, որ ենթադրաբար Հայնիում կար 1.500-2.000 տուն բնակչություն, որի կեսը հայեր էին⁶⁵: Ինչ վերաբերում է Հայնի ավանին, ապա ըստ Սրվանձտյանցի 1878թ. դրությամբ այստեղ հաշվվում էր 295 տուն⁶⁶, ըստ Թեոդիկի՝ 1914 թ. դրությամբ՝ 260 տուն հայություն⁶⁷:

Թեոդիկի հրատարակած տվյալների համաձայն Լճեի գավառակում բացի կենտրոնական բնակավայրը հիշատակված ևս 13 բնակավայրերում հաշվվում էր 749 տուն հայ⁶⁸, մինչդեռ Սրվանձտյանցի հավաքագրած տվյալների համաձայն գավառա-

⁶³ Տե՛ս Ղազարևան Հ., նշվ. աշխ., էջ 262–263:

⁶⁴ Տե՛ս Ժամկոչյան Բ., Հայնի: Տեղագրական, ազգագրական, պատմագրական. Պէրյուք, 1951, էջ 273:

⁶⁵ Տե՛ս նույն տեղում, էջ 20:

⁶⁶ Տե՛ս Սրուանձտեանց Գ. վրդ., նշվ. աշխ., էջ 238:

⁶⁷ Տե՛ս Թեոդիկ, նշվ. աշխ., էջ 378:

⁶⁸ Տե՛ս նույն տեղում, էջ 377–378:

կում հաշվվում էր 1.099 տուն հայություն⁶⁹: Սրվանձոյանցի կողմից հիշատակված մի շարք բնակավայրեր հատկապես Հայնի և Բեշար նահիեներից, ինչպես օրինակ՝ Տայնե՝ 60, Ռիզ՝ 60, Նորշեն՝ 30, Մրզակ՝ 30, Կարաս՝ 20 տուն հայ բնակչությամբ, այլ բնակավայրեր չեն հիշատակվում Թեոդիկի հրատարակած ցուցակներում: Կարելի է ենթադրել, որ գավառակի որոշ բնակավայրերում հայ բնակչության թվաքանակը որոշակիորեն նվազել էր, սակայն անհասկանալի է, թե ինչպես կարող էր շուրջ 20-60 տուն հայություն ունեցող բնակավայրերում ընդհանրապես հայեր չլինեին, մանավանդ որ եթե համեմատենք երկու տվյալները, ապա երևում է, որ տների քանակը նվազել է չնչին համամասնությամբ: Ակնհայտ է, որ պատշիարքարանի տվյալներում պարզապես բացակայում է Լճեի գավառակում ներառված ավելի քան 10 բնակավայրերի հայ բնակչության թվաքանակը: Միևնույն ժամանակ Թեոդիկը հիշատակում է Լճեի և Հայնիի բնակավայրերից Աչքանն ու Գաթինը, որոնք դժվար է նույնացնել Սրվանձոյանցի հիշատակած բնակավայրերից որևէ մեկի հետ: Ինչ վերաբերում է Ռ. Գևորգյանի հրատարակած ցուցակի տվյալներին, ապա դրանց համաձայն գավառակում հաշվվում էր 35 բնակավայր, որոնք այն բնակավայրերն էին, որ հիշատակված էին Սրվանձոյանցի մոտ: Ռ. Գևորգյանը 1914 թ. դրությամբ նշում է միայն Լճե կենտրոնի հայության թվաքանակը՝ 2.650 մարդ: Ընդհանուր, գավառակում Ռ. Գևորգյանի հրատարակած տվյալների համաձայն ապրում էր 5.980 հայ բնակիչ⁷⁰: Այս գավառակի դեպքում ևս, կարծում ենք, 1914 թ. դրությամբ

⁶⁹ Տե՛ս Սրուանձտեանց Գ. վրդ., նշվ. աշխ., էջ 237-239: Հանրագումարը կատարվել է մեր կողմից:

⁷⁰ Տե՛ս Kevorkian R., նշվ. աշխ., 274:

յամբ բերված պատրիարքարանի տվյալները խիստ թերի են: Նշենք նաև, որ ուսումնասիրող Ս. Կարայանի կատարած հաշվարկների համաձայն, որում նա ներառել է այս կամ այն հիշատակվող բնակավայրերի վերաբերյալ եղած կամ՝ հին, կամ՝ 1914 թ. վերաբերող տվյալներ, եթե դրանք կան, Լճե գավառակում հաշվվում է 13.678 հայ⁷¹:

Կարծում ենք, որ գավառակում 1915 թ. դրությամբ ապրում էր շուրջ 1.000 տուն հայություն, որից շուրջ 250-ը՝ Լճեում, հետևաբար գավառակի հայ բնակչության թվաքանակը կարելի է հաշվարկել շուրջ 7.500:

Այսպիսով, Դիարբեքիի գավառը Արևմտյան Հայաստանի հայաշատ գավառներից էր: Գավառի Դիարբեքի, Սևերեկ, Սլիվան, Բշերիկ, Տերլկ, Լճե գավառակներում հայ բնակչության կենսագործունեության կարևոր ոլորտներն էին երկրագործությունը, արհեստներն ու առևտուրը: Հատկապես խոշոր առևտրական, արհեստագործական կենտրոն էր Դիարբեքի քաղաքը, որտեղ զարգացած էին մի քանի տասնյակ արհեստներ, արտահանվում էր մեծ թվով արտադրանք:

Տվյալների համեմատությունը ցույց է տալիս, որ Դիարբեքիի նահանգի նույնանուն գավառի հարյուրավոր հայաբնակ բնակավայրերում XIX դարի վերջերին - XX դարի սկզբներին հայ բնակչության թվաքանակը հիմնականում չէր աճել, ավելին, համեմատաբար փոքր բնակչություն ունեցող գյուղերում այն ավելի շուտ պակասել էր, քան մնացել նույնը, նաև կային բնակավայրեր, որոնք 1914 թ. դրությամբ այլևս հայաբնակ չէին: Բազմաթիվ էին բնակավայրերը, որոնք թեև հայաբնակ, բայց ունեին

⁷¹ Տե՛ս Karayan S., նշվ. աշխ., էջ 283-286:

ընդամենը մի քանի տուն հայ բնակիչ: Միևնույն ժամանակ, տվյալ բնակավայրերում ավելանում էր քուրդ, թուրք բնակչությունը: Նման փոփոխությունների պատճառը նախ համիդյան կոտորածներն էին, նաև՝ նոր կոտորածների վախը: Պակաս կարևոր չէին տնտեսական պատճառները, հայ բնակչության նկատմամբ վարվող հարկային քաղաքականությունը և այլ պատճառներ: Այնուամենայնիվ, բերված տվյալները նաև ցույց են տալիս, որ նշված գավառում հիշատակված հարյուրավոր այլ՝ հայաշատ, հաճախ՝ զուտ հայաբնակ բնակավայրերը 1914 թ. դրությամբ մնում էին հայության կենսագործունեության կարևոր օրրաններ: Դիարբեքիի կամ Տիգրանակերտի նահանգի նույնանուն գավառում 1914 թ. դրությամբ, համաձայն մեր հաշվումների, ապրում էր շուրջ 67.000 հայ բնակիչ:

Арпине Р. Баблумян, *Институт истории НАН РА, к.и.н.,*
Армянское население провинции Диарбекир (Тигранакерт)
Западной Армении в конце XIX – начале XX веков.

Диарбекир был одной из шести провинций Западной Армении. В конце XIX – начале XX веков провинция Диарбекир была разделена на три санджака (уезд) (административная единица Османской империи) – Диарбекир, Аргана Маден и Мардин. В статье рассматривается историко-демографическая картина армянского населения в населенных пунктах санджака Диарбекир, который в свою очередь, был разделен на казы Диарбекир, Северек, Сливан, Бшерик, Терек, Лдже. Каза Диарбекир, особенно город Диарбекир, был известен как важный центр сельскохозяйственной продукции, а также ремесел и торговли. По нашим подсчетам, в 1914 г. в городе проживали около 17.000 армян.

Важными центрами жизнедеятельности армян санджака Диарбекир были также города Северек, Лдже, Нпркерт, другие поселения.

В конце XIX – начале XX веков численность армян во многих населенных пунктах санджака Диарбекир не выросло, более того, в деревнях с меньшим населением оно скорее уменьшилось. Было много поселений, в которых проживало всего несколько семей армян. Причиной этого были, прежде всего, гамидовские массовые истребления, после – страх новой резни. Экономические причины, налоговая политика в отношении армянского населения, другие причины также важны. В то же время в этих поселениях росло курдское и турецкое население.

По нашим подсчетам, в одноименном санджаке (уезд) провинции Диарбекир (Тигранакерт) проживало около 67 тысяч армян.

Arpine R. Bablumyan, *Institute of History of the NAS RA, Candidate of Sciences in History, The Armenian population of Diarbekir (Tigranakert) sanjak of Diarbekir (Tigranakert) province of Western Armenia at the end of the 19th – beginning of the 20th centuries.*

Diarbekir (Tigranakert) was one of the six provinces of Western Armenia, which in its turn was divided into three sanjaks (one of the administrative divisions in the Ottoman Empire, smaller than vilayets – provinces) – Diarbekir, Arghana Maden and Mardin. The article refers to the historical-demographic image of the Armenian population of Diarbekir sanjak in the late 19th and the early 20th centuries. Diarbekir sanjak was in itself divided into Diarbekir,

Severek, Slivan, Bsharik, Terik, Lje kazas, mainly including areas of historic Aghdznik. Diarbekir kaza, especially the city of Diarbekir, was known as an important center of cultivation of agricultural products, as well as handicrafts and trade. We can assume that there were about 17,000 Armenian population in this settlement in 1914. Apart from Diarbekir city, other settlements such as Severek, Lje, Nprkert and others were important centers for Armenians.

In the late 19th and the early 20th centuries, the number of Armenians in the hundreds of Armenian-populated settlements of Diarbekir sanjak did not increase, moreover, in the villages with smaller population, it decreased or remained the same. There were many settlements that had only few families of Armenians. The reason for such changes was first of all the Hamidian Massacres, also the fear of new massacres. The economic reasons, the tax policy towards the Armenian population and other reasons could not be underestimated. At the same time, the Kurdish and Turkish population was increasing in these settlements.

Thus, according to our calculations there were about 67,000 Armenians living in Diarbekir sanjak of Diarbekir (Tigranakert) province.

ԿԱՐԵՆ Գ. ՄԿՐՏՉԱՆ

ԳԼԱ պարմության ինստիտուտ, պ.գ.թ.

**ՀԱՅՈՑ ՑԵՂԱՍՊԱՆՈՒԹՅԱՆ ՏԱՐԵԼԻՑՆԵՐԻ
ՀԻՇԱՏԱԿՈՒՄԸ ԻՐԱՆԻ ՀԱՅ ՀԱՄԱՅՆՔՈՒՄ 2000-
2003 ԹՎԱԿԱՆՆԵՐԻՆ**

Քանալի բառեր՝ Իրանի հայ համայնք, Հայոց ցեղասպանություն, ոգեկոչման արարողություն, տարելից, խորհրդարան, պատգամավոր:

Հայոց ցեղասպանության տարելիցներին նվիրված հիշատակի արարողությունները Իրանի հայ համայնքում կազմակերպվում են յուրաքանչյուր տարվա ապրիլ ամսին: Թեմական խորհուրդը ատեղծում է հատուկ մարմին՝ Կենտրոնական հանձնախումբ, որը համայնքի կողմից ստանում է լիազորություն՝ կազմակերպելու ոգեկոչման արարողությունները:

Հանձնախումբը յուրաքանչյուր տարի ընտրում է որևէ կարգախոս: Թուրքիայից պահանջատիրության և Հայ դատի արդար լուծման համատեքստում, որի շրջանակներում էլ ընթանում են աշխատանքները:

Ի տարբերություն սփյուռքի մի շարք հայ գաղթօջախների, իրանահայերը որևէ լուրջ քայլ չեն կատարել իրանական խորհրդարանում՝ մեջլիսում, Հայոց ցեղասպանության ճանաչման նախագիծ առաջ քաշելու ուղղությամբ, 'գիտակցելով, որ ներկա պայմաններում կառավարությունը քաղաքական պատճառներով (սահմանակից Թուրքիայի հետ հարաբերությունները

չվատթարացնելու միտումով) պատրաստ չէ ընդառաջ գնալու այդ քայլին: Թեև պետք է խոստովանել, որ տարբեր ժամանակներում մեջլիսի մի շարք հայ պատգամավորներ բարձրացրել են այդ հարցը¹:

Հարկ է նշել, որ Հայոց ցեղասպանության հիշատակի արարողությունների համատեքստում կարևորվում է հազարավոր հայերի մասնակցությամբ քայլերթը Թեհրանի կենտրոնում, որի ընթացքում հնչում են Թուրքիային ուղղված բողոքի խոսքեր: Թյուրքախոս բնակչությամբ Ատրպատականի փոքրաթիվ հայ համայնքում² հիշատակի արարողությունը իրականացվում է խաչքար-հուշակոթողների մոտ:

Հայոց ցեղասպանության 85-րդ տարելիցին Թավրիզում տեղի են ունեցել ոգեկոչման արարողություններ³, իսկ Թեհրանում տեղի ունեցած երթին հազարավոր հայեր իրենց բողոքի ձայնն են բարձրացրել ՄԱԿ-ի գասենյակի առջև՝ պահանջելով ճանաչել Հայոց ցեղասպանությունը⁴:

Նույն հարցով ապրիլի 30-ին Իրանի կառավարությանը կոչ է արել խորհրդարանում հարավային իրանահայության պատգամավոր Արտավազդ Բաղումյանը⁵:

Սպահանի պետական համալսարանի «Ղալամ» ուսանողական պարբերաթերթը թիվ 87 համարում, անդրադառնալով ապրիլի 19-ին համալսարանում Նոր Զուղայի ոգեկոչման հանձնախմբի կազմակերպած դասախոսությանը, որին մասնակցել է

¹ Տե՛ս Բաբյուրյան Վ., Իրանի հայ համայնքը. արդյի հիմնախնդիրներ, Երևան, 2013, լջ 82:

² Այսօր Թավրիզ քաղաքում հայ բնակչությունը խիստ սակավաթիվ է, մինչև 1000 հոգի, որը կազմում է իրանահայության մոտ 2%-ը (Կ.Մ.):

³ Տե՛ս «Ալիք» Թեհրան, 01.06.2000:

⁴ Տե՛ս «Ալիք», 25.04.2000:

⁵ Տե՛ս «Ալիք», 04.05.2000:

շուրջ 200 ուսանող, գրել է. «Իրանը դեռևս պաշտոնապես չի դադարապարտել Հայոց ցեղասպանությունը»⁶:

Հիշարժան է պարսիկ գիտաշխատող Քավե Բայարի՝ Հայոց ցեղասպանության ճանաչման և ժխտման հարցերով զեկուցումը 2001 թ. ապրիլի 17-ին ՀՈՒՍԿ-ի (Հայկական հարցերի ուսումնասիրման կենտրոն) և Հայ հասարակական միության «Հայ ակումբ» սրահում տեղի ունեցած դասախոսությունը⁷: Ահա թե ինչ է գրել այդ մասին «Արաքս» շաբաթաթերթը. «Ձեռնարկը հարկապես շահավետ էր նրանով, որ եղեռնի մասին խոսվում էր պարսկերենով՝ Խորհրդարանի պատգամավորների եւ մեծ թվով պարսիկ հյուրերի համար»⁸:

Սակայն ոչ բոլոր ձեռնարկներն է, որ հաջողվում է: 2001 թ. ապրիլի 20-ին Հայ ակումբի սրահում նախատեսված «1915-ի ապրիլ. Հայացք դրսից» խորագրով գիտաժողովին պետք է մասնակցեին խորհրդարանի պատգամավորներ, մտավորականներ ու հայ համայնքի ներկայացուցիչներ⁹: Հրավիրյալների չներկայանալու պատճառով այդ թեմատիկայով առաջին գիտաժողովը տեղի չունեցավ:

Մեծ եղեռնի 86-րդ տարելիցի կապակցությամբ համայնքային միությունները Թեհրանում կազմակերպել են շուրջ 20 ձեռնարկներ, որից 10-ը՝ դասախոսություն, նույնքան էլ՝ գեղարվեստական ծրագրեր¹⁰: Նշելի է, որ ապրիլի 21-ին Սպահանի պետական համալսարանի հայագիտական բաժնի ուսանողների և Մեծ եղեռնի ոգեկոչման հանձնախմբի նախաձեռնությամբ կազ-

⁶ «Ալիք», 14.05.2000:

⁷ Տե՛ս նույն տեղում. 18.04.2001:

⁸ «Արաքս», Թեհրան, ԺԵ տարի. թիվ 14-15 (97-98). մարտ-ապրիլ. 2001. էջ 7:

⁹ Տե՛ս նույն տեղում. էջ 6:

¹⁰ Տե՛ս «Ալիք», 13.04.2001:

մակերպված դասախոսությանը ելույթ է ունեցել Թեհրանից
հայտնի մտավորական Քավե Բալաթը¹¹:

Պաշտոնական հայտարարության բացակայության սովորական դարձած պայմաններում ապրիլի 23-ին Իսլամական խորհրդարանում ելույթ է ունեցել հարավային իրանահայության պատգամավոր Ժորժիկ Աբրահամյանը՝ բարձրացնելով Հայոց ցեղասպանության հարցը Պաղեստինի հակամարտության համառոտում²:

Նշելի է, որ 2001 թ. ապրիլի 24-ին Նոր Զուղայում բողոքի քայլարշավին մասնակցել է 3.000 հայորդի¹³: Ինչ վերաբերում է Թավրիզի հայ համայնքին, ապա ապրիլի 26-ին Վան-Վասպուրական պատմական հարցերի կենտրոնում մեծարվել են վերադարձները, իսկ Հայ ճարտարապետների և ճարտարագետների միության նախաձեռնությամբ ապրիլի 25-ին կազմակերպվել է «Հայկական ճարտարապետության եղեռն» թեմայով ցուցահանդես¹⁴:

Յեղասպանության հիշատակման արարողությունները լուսաբանել է իրանական մամուլը: «Համբաստեգի» և «Էնթեխար» օրաթերթերը մեծ տեղ են հատկացրել քայլարշավի ավարտին ընթերցված բանաձևին, «Հայթէ նօ» օրաթերթն էլ ներկայացնելով Մեծ եղեռնի մասին՝ ավելացրել է, որ դրա հեղինակների դատապարտվելու դեպքում նույնը չէր կրկնվի տարբեր վայրերում: «Աբրար» օրաթերթը գրել է. «Հազարավոր մարդիկ դատապարտեցին Թուրքիայի և սիոնիստական վարչակարգի ոճրագործությունները հայերի և պաղեստինցիների դեմ: Համաշխարհային հասարակությունը պարզապես չի կարող չհարգել այս փոշիացած զոհերի և զոհվածների հիշատակը»:

¹¹ Տե՛ս «Այիք», 22.04.2001:

¹² Տե՛ս նույն ակնարկ, 28.04.2001:

¹² Տե՛ս նույն տեղում, 25.04.2001:

¹² Տե՛ս նույն տեղում, 30.04.2001:

արհային բողոքը Հայոց ցեղասպանության դեմ կարգելիք XX դարում ցեղասպանությունների կրկնումը»: Ըստ թերթի՝ թուրքական և սիոնիստական վարչակարգերը դիտարկվել են հավասար չարիք: Մինչդեռ «Ռեսալաթ» օրաթերթը գրել է. «Իրանահայությունը Թուրքիայից պահանջում է, որ ստանձնի ցեղասպանության իր պատասխանատվությունը»¹⁵:

Ուշագրավ է, որ ապրիլի 23-ին Նոր Զուլայի Ս. Ամենափրկիչ վանքի բակում 24 ժամով հացադուլի նստած հայորդիները կարգախոսներով միացել են բողոքի համահավաքի մասնակիցներին: Ընդունվել է օրվա բանաձևը, որով կոչ է արվել Թուրքիային՝ Հայոց ցեղասպանության պաշտոնապես ճանաչում, վնասների հատուցում և արցախահայության արդար պահանջների զորակցում: Բանաձևի 4-րդ և 5-րդ կետերով ներկաները Իրանից ակնկալել են նեցուկ կանգնել Հայոց ցեղասպանության ճանաչմանը և միջազգային ատյաններում պաշտպանել հայ ժողովրդի արդար իրավունքները¹⁶: Ապրիլի 26-ին էլ Նոր Զուլայի «Արարատ» միության սրահում տեղի է ունեցել պարսկերենով դասախոսություն, որն «Ալիք» օրաթերթի գնահատմամբ «Կարելի է աննախադեպ համարել»¹⁷: Միջոցառմանը համայնքային գործիչներից բացի մասնակցել են հայկական դպրոցների պարսիկ տեսուչները, պետական կառույցներից հրավիրված ներկայացուցիչները, սակայն չեն մասնակցել:

Հիշարժան են Շահինշահի Ս. Վարդանանց դպրոցի սրահում տեղի ունեցած ոգեկոչման ծրագրերը, այդ թվում՝ ապրիլի 22-ին չրջանի պարսիկ ուսուցիչների համար տեղի ունեցած դա-

¹⁵ «Ալիք», 13.05.2001:

¹⁶ Տե՛ս նույն տեղում, 13.05.2001:

¹⁷ Նույն տեղում, 13.05.2001:

սախտությունը, որի բանախոսներն են եղել համայնքային գործիչներ Ազատ Մաթյանը և Սաքո Մկրտչյանը: Ձեռնարկին հրավիրվել են շուրջ 300 հոգի, սակայն կրկին ոչ բոլոր հրավիրյալներն են մասնակցել: Ըստ էության նկատելի է եղել որոշակի զգուշավորություն: Մինչդեռ երիտասարդների մասնակցությամբ այստեղ ևս տեղի է ունեցել հացադուլ¹⁸:

Հայոց ցեղասպանության թեմայի վերաբերյալ Իրանում անհամեմատ մեծ լսարան կարող է ապահովել միայն հեռուստատեսությունը: Ահա, թե ինչու կարևորում ենք 2001 թ. մայիսի 19-ին Իրանի հեռուստատեսության 4-րդ ալիքից Հայոց ցեղասպանության մասին BBC-ի արտադրած վավերագրական ֆիլմի սփռումը¹⁹:

Ինչ վերաբերում է Մեծ եղեռնի 87-րդ տարելիցի կապակցությամբ համայնքում կազմակերպված ոգեկոչման արարողություններին, ապա միայն Թեհրանում կազմակերպել են թվով 15 տարբեր ձեռնարկներ²⁰:

Հատկանշական է, որ 2002 թ. ապրիլի 24-ին Թեհրանում տեղի ունեցած քայլարշավի ավարտին հյուսիսային իրանահայության պատգամավոր Լևոն Դավթյանն ընթերցել է Իսլամական խորհրդարանի 30 պատգամավորի կողմից ստորագրված նամակը, որտեղ նրանք կոչ են ուղղել Իրանի Իսլամական Հանրապետությանը՝ ճանաչել 1915 թ. Հայոց ցեղասպանությունը²¹: Այդուհանդերձ պետք է նշել, որ խորհրդարանը մեծ դեր չի խաղում Իրանի քաղաքական կյանքում: Քաղաքական հիմնական

¹⁸ Տե՛ս «Ալիք» օրաթերթ, 15.05.2001:

¹⁹ Տե՛ս նույն տեղում, 20.05.2001:

²⁰ Տե՛ս նույն տեղում, 18.04.2002:

²¹ Տե՛ս նույն տեղում, 25.04.2002:

լծակները գտնվում են երկրի առաջնորդի, ինչպես նաև հանրապետության նախագահի ձեռքում²²:

Հարկ է նշել, որ վերոնշյալ ստորագրահավաքին փաստորեն մասնակցել է Իսլամական խորհրդարանի մոտ 10%-ը (խորհրդարանն ունի 290 պատգամավոր): Ըստ այդմ կարելի է փաստել ղեկավարության դիրքորոշումը Հայոց ցեղասպանության ճանաչման հարցում:

Հետաքրքիր է, որ 2002 թ. ապրիլի 28-ին Սպահանի պետական համալսարանում կազմակերպված քննարկման ընթացքում, որին բանախոսությամբ հանդես է եկել «Ալիք» օրաթերթի պատասխանատու խմբագիր Սեդա Դավթյանը, շուրջ 400 պարսիկ ուսանողների անունից դատապարտվել է Հայոց ցեղասպանության իրողությունը և պահանջվել է, որ այն պաշտոնապես ճանաչվի Իսլամական խորհրդարանի կողմից՝ որպես արդար դատ ունեցող ազգերի պաշտպան երկիր²³:

Հիրավի, հանրային ընկալումներում կարևոր են հարցի վերաբերյալ պարսիկ մտավորականների տեսակետները: ՀՈՒՍԿ-ի նախաձեռնությամբ և Թեհրանի Հայոց հասարակական միության համագործակցությամբ տեղի ունեցած «Հոգեմտավոր արժեքների կորուստ» թեմայով քննարկմանը բանախոսությամբ հանդես եկած թարգմանիչ Ահմադ Նուրիզադեն, մասնավորապես, անդրադարձել է հայ մտավորականության եղեռնի հարցին²⁴: Հարկ է նշել, որ 2003 թ. ՀՈՒՍԿ-ը, որտեղ գրանցված են

²² Տե՛ս Բայբուրյան Վ., Իրանի հայ համայնքը. արդի հիմնասկզբներ, էջ 81:

²³ Տե՛ս «Ալիք», 29.04.2002:

²⁴ Տե՛ս նույն տեղում:

500 իրանցի բարեկամներ, կազմակերպում է «Հայ դատն այսօր» խորագրով խորհրդաժողով²⁵:

Հայոց ցեղասպանության 88-րդ տարելիցի կապակցությամբ համայնքում կազմակերպվել է 17 միջոցառում²⁶: Նշելի է, որ 1992 թ. և 2009 թ. Կիլիկիո կաթողիկոսության ազգային ընդհանուր ժողովներին մասնակցած և վարչության անդամ ընտրված Լևոն Դավթյանը²⁷ կրկին դիմել է խորհրդարանին՝ կոչ անելով Իրանի կառավարությանը պաշտոնապես ճանաչելու Հայոց ցեղասպանությունը:

Ապրիլի 24-ին թեհրանահայության քայլարշավին մասնակցել է ավելի քան 20.000 հայորդի²⁸: Կիլիկիո կաթողիկոսության միաբան Տ. Գեղարդ աբղ. Քյուսպեկյանի խոսքով՝ «Ապրիլի 24-ի քայլարշադ մեզի համար ուխտագնացություն էր եւ փորձեցինք մեր ծայնը միացնելով թեհրանահայութեանը՝ հասցնել ի լուր աշխարհի»²⁹:

Համեմատելով նախորդ տարիների հետ՝ հարկ է նշել, որ Հայոց ցեղասպանության 88-րդ տարելիցին նվիրված ծրագրերը շատ քիչ արձագանք են գտել իրանական մամուլում: Թեհրանում տեղի ունեցած քայլարշավի մասին անդրադարձել է «Համշահրի» օրաթերթը ապրիլի 25-ի համարում՝ մեջբերելով պատգամավոր Լևոն Դավթյանի խոսքից մի հատված՝ «Համահավաքը ոչ միայն մի քայլ է հայերի իրավունքների իրականացման առումով, այլև խիստ ազդեցիկ է փարածաշրջանում օտարների

²⁵ ՏՆՍ Բաղադյան Գ., Իրան հանրագիտարան, Երևան, 2011, էջ 497:

²⁶ ՏՆՍ «Ալիք», 21.04.2003:

²⁷ ՏՆՍ «Իրանահայոց հանրագիտարան», Կազմեց Ժանետ Տիգրանուհի Լազարյանը, Երևան, 2012, էջ 65:

²⁸ ՏՆՍ «Ալիք», 26.04.2003:

²⁹ Նույն տեղում, 12.05.2003:

միջամտությունը կանխելու համար»³⁰: Նմանօրինակ անդրադարձ են կատարել «Համբաստեցի» և «Աբրար» օրաթերթերը՝ ապրիլի 26-ի համարներում³¹: Մինչդեռ «Էջթեմադ» օրաթերթն իր ապրիլի 22-ի համարում տպագրել է իբր Ատրպատականի գրողների, թերթերի և խմբակցությունների բաց նամակն՝ ուղղված երկրի պատասխանատուներին, որում հայերին ամբաստանել է, թե իբր վերջիններս կոտորել են 1,5 մլն ադրբեջանցի Ուրմիայում, Խոյում և Սալմաստում: Մինչդեռ հայտնի է, որ 1915-1916 թթ. տազնապալից օրերին, երբ Ատրպատական ներխուժած թուրքական բանակը սպառնալիք էր ստեղծել հայ բնակչության համար, Պարսկահայ խորհուրդը փրկարար դեր ստանձնեց վտանգված վայրերի հայ ազգաբնակչության համար³²: Այդ նամակի հեղինակները երկրի իշխանություններից պահանջել են ապրիլի 24-ին իրենց ևս իրավունք տալ Թեհրանում ՄԱԿ-ի գրասենյակի դիմաց նստացույց անել:

«Ֆարհանգե աշթի» օրաթերթն էլ ապրիլի 26-ի համարում տարածել է ապատեղեկատվություն, թե իբր երկրի հյուսիս-արևմուտքում հայերը բախվել են ազերիների հետ, որի հետևանքով սպանվել է մեկ ազերի, և բախումն ընդլայնվել է Թեհրանում:

Ի պատասխան մի խումբ ազերիների կողմից պետական այրերին ուղղված Հայոց ցեղասպանությունը մերժելու նպատակով բաց նամակի, «Թոսեէ» օրաթերթը հրապարակել է «Ազգայնական հակումներ՝ կրոնների հակամարտության դրոշի ներքո» խորագրով հոդվածը՝ նշելով, որ բաց նամակում խոսվել է այն մասին, որ ապրիլի 24-ին իրանահայության բողոքի քայլարշավ-

³⁰ Նույն տեղում, 07.05.2003:

³¹ Տե՛ս նույն տեղում:

³² Տե՛ս Բայրության Վ., Իրանն այսօր, Երևան, 1999, էջ 291:

ները անարգանք են մուսուլման Թուրքիային: Սակայն նման մոտեցումները միանգամայն անհիմն համարելով՝ հոդվածագիրը հիշեցրել է, որ իրանահայությունը որպես Իրանի միատարր ժողովրդի մի մասը՝ Իրանի դեմ Իրաքի 8-ամյա պատերազմի ընթացքում, երբ պատերազմում էին երկու իսլամական երկրներ, տվել է բազմաթիվ նահատակներ:

«Նավիդե Ազարբայջան» պարբերաթերթի հոդվածագիր Ջամալ Այրոմլուն քննադատել է ՀՅԴ, Հնչակյան և Ռամկավար կուսակցություններին՝ հայերին անվանելով «հակաթուրք հոգեկան հիվանդությամբ տառապողներ»: Ակնհայտ է, որ վերոնշյալը պանթուրքական քարոզչության դրսևորում է եղել:

Հարկ է նշել, որ Ատրպատականը որպես թիրախ ընտրած պանթուրքական կազմակերպությունները ունեն խիստ ընդգծված հակահայկական մոտեցումներ: Նրանք ոչնչով չեն տարբերվում Ադրբեջանում և Թուրքիայում գործող պանթուրքական կազմակերպություններից³³:

Ամփոփելով նշենք, որ հայկական դպրոցների պարսիկ տեսուչների մասամբ ներգրավումը և ուսանողների դեպքում լիովին մասնակցությունը հիշատակի արարողություններին ցույց է տվել, որ եթե առաջին խումբը, որպես պետական աշխատակից, ցուցաբերել է որոշակի զգուշավորություն, ապա երկրորդ խումբը՝ երիտասարդները, ավելի անկաշկանդ դիրքորոշում են ունեցել՝ մասնակցելով ստորագրահավաքին:

Ադրբեջանական քարոզչամեքենային ինչ որ չափով հաջողվել է կազմակերպել հակահայկական քարոզչություն Հայոց ցեղասպանության 88-րդ տարելիցին:

³³ Տե՛ս Մկրտչեան Ս., Պանթուրքական հոսանքները ժամանակակից Իրանում, Նրեւան, 2018, էջ 143:

**Карен Г. Мкртчян, Институт истории НАН РА, к.и.н.,
Упоминание годовщины Геноцида армян в армянской
общине Ирана в 2000-2003 годах.**

В статье показывается, что организованные армянской общиной Ирана различные мероприятия по упоминанию годовщин Геноцида армян, находят свой широкий отклик в общественном сознании иранского общества. Отмечается, что депутаты-армяне Иранского меджлиса поднимают проблему Геноцида в контексте израило-палестинского конфликта, и что вопрос начинает «получать гражданство».

**Karen G. Mkrtchyan, Institute of History of the NAS RA,
Candidate of Sciences in History, Commemoration anniversaries
of the Armenian Genocide in the Armenian community of Iran
in 2000-2003.**

It is shown in the article that various events organized by the Armenian community of Iran to commemorate the anniversaries of the Armenian Genocide find their wide response in the public consciousness of the Iranian society. It is noted that the deputies of the Armenians of the Iranian Majlis raise the problem of the Genocide in the context of the Israeli-Palestinian conflict, and that the issue is beginning to “obtain citizenship”.

ՀՌԻՓՍԻՄԵ Է. ՎԱՐԴԵՐԵՍՅԱՆ

ԳԱԱ պարմության ինստիտուտ

ՖՐԱՆԿՈՖՈՆԻԱՅԻ 17-ՐԴ ԳԱԳԱԹՆԱԺՈՂՈՎԸ ԵՐԵՎԱՆՈՒՄ

Բանալի բառեր՝ Ֆրանկոֆոնիա, ՖՄԿ (Ֆրանկոֆոնիայի միջազգային կազմակերպություն), գազաթնաժողով, Երևան, Հայաստան, միջոցառում, բանաձև:

1970 թ. հիմնադրված Ֆրանկոֆոնիայի միջազգային կազմակերպությունը (ՖՄԿ)¹ ֆրանսերենի և համընդհանուր արժեքների ամրագրման ու տարածման միջազգային հաստատություն է, որում ընդգրկված են 54 լիիրավ, 7 ասոցացված և 27 դիտորդի կարգավիճակ ունեցող պետություններ: Այս երկրներից 32-ում ֆրանսերենն ունի պաշտոնական լեզվի կամ երկրորդ պաշտոնական լեզվի կարգավիճակ: ՖՄԿ-ում ընդգրկված երկրների բնակչության ընդհանուր թիվը կազմում է 900 մլն, որից 274 մլն-ը ֆրանկոֆոն են: ՖՄԿ-ում ներգրավված երկրները սփռված են աշխարհի հինգ մայրցամաքներում:

Նշենք, որ ՄԱԿ-ի անդամ երկրների մեկ երրորդից ավելին անդամակցում է այս կազմակերպությանը²:

¹ «Ֆրանսալոկոմոլ անվանումը՝ Organisation Internationale de la Francophonie, կարգավորող՝ égalité, complémentarité, solidarité, զուգաթնամոդովնկր՝ Sommet de la francophonie (Հ.Վ.):

² Տես ՀՀ ԱԳՆ, <https://www.mfa.am/hy/international-organisations/8> (05.02.2021):

Հայաստանի Հանրապետությունը ՖՄԿ-ում դիտորդի կարգավիճակ է ձեռք բերել 2003 թ. Ուաշադուգուի, ասոցացված անդամի կարգավիճակ 2008 թ. Քվեբեկի, լիիրավ անդամի կարգավիճակ 2012 թ. Քինշասայի գագաթնաժողովում՝ դառնալով ՖՄԿ 54-րդ անդամ-երկիրը: ՖՄԿ 17-րդ գագաթնաժողովը 2018 թ. անցկացվել է Հայաստանում, որի խորագիրն էր «Ապրել միասին՝ հարգելով համերաշխությունը, մարդասիրական արժեքներն ու բազմազանությունը՝ իբրև խաղաղության և բարօրության հիմք ֆրանկոֆոն տարածաշրջանում»: Ֆրանկոֆոնիայի գագաթնաժողովի շրջանակներում կայացած միջոցառումները Հայաստանում մեկնարկել են հոկտեմբերի 7-ից, իսկ բուն գագաթնաժողովը կայացել է հոկտեմբերի 11–12-ին:

Կազմակերպության կարգախոսն է հավասարություն, փոխլրացում, համերաշխություն: Կազմակերպությունը, սկզբում ձևավորվելով որպես փոքրիկ ակումբ հյուսիսային ֆրանսալսու երկրներում, դարձել է կարևոր միջազգային կառույց, որն ունի մշակութային, գիտական, տնտեսական, արդարադատության ու խաղաղության հարցերով բազմաթիվ մասնաճյուղեր անդամ երկրներում:

ՖՄԿ գործունեության հիմքն է հանդիսանում աջակցությունն անդամ երկրների կողմից որդեգրած քաղաքականության ամրապնդմանը և համագործակցության բազմակողմանի ծրագրերի իրականացումը: ՖՄԿ գերակայությունների և հիմնական գործողությունների առանցքն են հանդիսանում.

- ժողովրդավարության, մարդու իրավունքների առաջխաղացմանն ուղղված արժեքների ամրապնդումը,

- խաղաղության ապահովումը, հակամարտությունների կանխարգելումը,

- կառավարումը և խնդիրների լուծումը,
- ֆրանսերեն լեզվի, լեզվա-մշակութային բազմազանության առաջխաղացումը,
- մշակութային և քաղաքակրթական երկխոսությունը,
- հանրակրթության ու բարձրագույն ուսուցման, գիտության աջակցությունը,

➤ Ֆրանկոֆոնիայի անդամ պետությունների միջև համագործակցության զարգացումը՝ ի շահ բնապահպանական հիմունքներով այդ երկրների զարգացման և ժողովուրդների միջև համերաշխության ապահովման³:

Ֆրանկոֆոնիայի միջազգային կազմակերպության անդամ պետությունների և կառավարության ղեկավարների հանդիպումները Ֆրանկոֆոնիայի գազաթնաժողովների շրջանակում տեղի են ունենում 1986 թ. ի վեր և հրավիրվում են երկու տարին մեկ անգամ:

Գազաթնաժողովներում քննարկվում են միջազգային քաղաքականությանը, համաշխարհային տնտեսությանը, ֆրանկոֆոնիայի շրջանակներում համագործակցությանը, մարդու իրավունքներին ու կրթությանը, մշակույթին ու ժողովրդավարությանն առնչվող հարցեր: Գազաթնաժողովների ընթացքում.

- սահմանում են Ֆրանկոֆոնիայի կազմակերպման կողմնորոշումները,
- ընդունում են բանաձևեր, որոնք անհրաժեշտ են Ֆրանկոֆոնիայի պատշաճ գործունեության և դրա նպատակների իրականացման համար,

³ ՖԻԿԻ պաշտոնական կայք՝ <https://www.francophonie.org/node/81> (05.02.2021):

➤ ընտրվում է Ֆրանկոֆոնիայի կազմակերպության գլխավոր քարտուղարը,

➤ որոշում են Ֆրանկոֆոնիայի միջազգային կազմակերպության նոր լիիրավ, ասոցացված անդամների կամ դիտորդ-անդամների ընդունելությունը

Ֆրանկոֆոնիայի գագաթնաժողովները 1986–2018 թթ.

Գագաթնաժողով	Տարեթիվը	Քաղաքը	Պետությունը
I	(1986)	Վերսալ	Ֆրանսիա
II	1987, սեպտեմբերի 2–4	Քվեբեկ	Կանադա
III	1989, մայիսի 24–25	Դակար	Սենեգալ
IV	1991, նոյեմբերի 19–21	Փարիզ	Ֆրանսիա
V	1993, հոկտեմբերի 16–18	Պորտ Լուի	Մալդիվիկոս
VI	1995, դեկտեմբերի 2–4	Կոտոնու	Բենին
VII	1997, նոյեմբերի 14–15	Հանոյ	Վիետնամ
VIII	1999, սեպտեմբերի 3–5	Մոնկոտոն	Կանադա
IX	2002, հոկտեմբերի 18–20	Բեյրութ	Լիբանան
X	2004, նոյեմբերի 26–27	Ուազադուգու	Բուրկինա Ֆասո
XI	2006, սեպտեմբերի 28–29	Բուխարեստ,	Ռումինիա
XII	2008, հոկտեմբերի 17–19	Քվեբեկ ⁴	Կանադա
XIII	2010, հոկտեմբերի 22–24	Մոնտրյոլ	Շվեյցարիա
XIV	2012, հոկտեմբերի 12–14	Կինշասա	Կոնգոյի Դեմոկրատական Հանրապետություն
XV	2014, նոյեմբերի 29–30	Դակար	Սենեգալ
XVI	2016, նոյեմբերի 15–20	Անտանանարիվու	Մադագասկար
XVII	2018 հոկտեմբերի 11–12	Երևան	Հայաստանի Հանրապետություն

Մադագասկարի մայրաքաղաք Անտանանարիվույում 2016 թ. տեղի ունեցած Ֆրանկոֆոնիայի 16-րդ գագաթնաժողովում, ՀՀ նախօրոք ներկայացրած հայտի համաձայն, անդամ երկրներ-

⁴ Անցկացվել է Քվեբեկի հիմնադրման 400-րդ տարելիցի տոնակատարության շրջանակներում (Հ.Վ.Է):

որը միաձայն որոշում են ընդունել 2018 թ. Ֆրանկոֆոնիայի միջազգային կազմակերպության XVII գագաթնաժողովն անցկացնել Հայաստանում: Անտանանարիվուի գագաթնաժողովում ՀՀ ԱԳ նախարար Է. Նալբանդյանի կողմից ընթերցվել է ՀՀ Նախագահի ուղերձը, որում նշված էր.

«Հայաստանի և հայ ժողովրդի համար մեծ պատիվ է հյուրընկալել Ֆրանկոֆոնիայի բարձրագույն հանդիպումը: Սա վկայությունն է մեր երկրի հանդեպ դրսևորված վստահության և համերաշխության, որը կազմակերպությանն իր անդամակցությանը հաջորդած տարիների ընթացքում կարևոր ներդրում է ունեցել ֆրանկոֆոնիայի արժեքների տարածման գործում: Այս որոշումը նաև կարևոր ուղերձ է Կենտրոնական և Արևելյան Եվրոպայի բոլոր ֆրանկոֆոն երկրներին, որոնց համար առաջիկա գագաթնաժողովն առիթ է հանդիսանալու կրկին արժևորել Ֆրանկոֆոնիան մեր տարածաշրջանում: Մենք հաստատական ենք ապահովելու Ֆրանկոֆոնիայի այս կարևոր իրադարձության հաջողությունը: Մեր երկիրը կգործադրի բոլոր ջանքերը բարձր մակարդակով այն անցկացնելու՝ դրանով իսկ տոնելով նաև Կազմակերպությանը Հայաստանի անդամակցության տասնամյակը: Այսօր մենք հանձնառություն ենք ստանձնում՝ լավագույնս կազմակերպելու Ֆրանկոֆոնիայի 17-րդ գագաթնաժողովը»⁵:

2018 թ. Հայաստանում պատմական նշանավոր իրադարձություններով հագեցած տարի էր՝ Մայիսյան հերոսամարտերի և Հայաստանի առաջին Հանրապետության 100-ամյակ, Երևանի հիմնադրման 2800-ամյակ: Հյուրընկալելով Ֆրանկոֆոնիայի

⁵ <https://www.mfa.am/hy/press-releases/2016/11/27/summit-fr-army/6709> (24.06.2021):

17-րդ գագաթնաժողովը՝ մայրաքաղաք Երևանն իր հազարամյա պատմության էջերը հարստացրեց ևս մեկ բացառիկ ու պատմական իրադարձությամբ: Միջոցառումը բացառիկ էր իր տեսակով, քանի որ պետությունների ու կառավարությունների ղեկավարների ներկայացուցչական մակարդակով ու ձևաչափով միջոցառումն ամենամասշտաբայինն էր:

Հայաստանի Հանրապետությունը, դառնալով Ֆրանկոֆոնիայի 17-րդ գագաթնաժողովի կազմակերպող երկիր, ստանձնեց գագաթնաժողովի նախագահությունը մինչև 2020 թ.:

Ֆրանկոֆոնիայի գագաթնաժողովի անցկացումը Երևանում փաստեց Հայաստանի՝ Ֆրանկոֆոնիայի և նրա արժեքների ուղղությամբ ծավալած գործունեության ճանաչումը: Գագաթնաժողովը տեղի ունեցավ Երևանի Կ. Դեմիրճյանի անվան Մարգահամերգային համալիրում, մի վայրում, ուր դեռևս 2015 թ. հոկտեմբերին Հայաստանն արդեն հյուրընկալել էր Ֆրանկոֆոնիայի 31-րդ նախարարական համաժողովը: Պետական բոլոր հաստատությունները մոբիլիզացվել էին՝ բարձր մակարդակով կազմակերպելու Ֆրանկոֆոնիայի և Հայաստանի համար առաջնային կարևորություն ունեցող այս միջոցառումը: Երևանի թանգարանները, համերգային սրահները, հյուրանոցները, ռեստորաններն ու ծառայությունները լրջորեն նախապատրաստվեցին հյուրընկալելու ֆրանկոֆոն տարածության տարբեր մշակույթներ ներկայացնող բազմաթիվ այցելուներին:

Երևանյան գագաթնաժողովի խորագիրն էր «Ապրել միասին՝ հարգելով համերաշխությունը, մարդասիրական արժեքներն ու բազմազանությունը՝ իբրև խաղաղության և բարօրության հիմք ֆրանկոֆոն տարածաշրջանում»: Համընդհանուր արժեքների վրա խարսխված այս խորագիրը հնարավոր

րության տվեց արտացոլել Ֆրանկոֆոնիայում խաղաղությունը, համերաշխությունը և զարգացումը:

Ֆրանկոֆոնիայի 17-րդ գագաթնաժողովի տարբերանշան ընտրվեց նուռը՝ ի նշան ֆրանկոֆոն ողջ տարածքի խաղաղության և բարգավաճման: Նուռը հանդիսանում էր գագաթնաժողովը հյուրընկալող երկրի՝ Հայաստանի խորհրդանիշերից մեկը:

Գագաթնաժողովի նախապատրաստական աշխատանքների շրջանակում 2018 թ. հոկտեմբերի 4-ին Մարզահամերգային համալիրում տեղի ունեցավ պաշտոնական պատվիրակությունների ղեկավարելու փորձնական արարողություն, որում ներգրավված էին ոստիկանության և անվտանգության աշխատակիցներ, ՊՆ պատվո պահակախումբը, ԱԳՆ աշխատակիցները: Փորձին ներկա էին ՀՀ փոխարչապետ Տիգրան Ավինյանը, ՀՀ ԱԳՆ գլխավոր քարտուղար Վահագն Մելիքյանը, Երևանի քաղաքապետի պաշտոնակատար Կամո Արեյանը⁶: Հոկտեմբերի 11-12-ը ոչ աշխատանքային օրեր էին՝ միջոցառումը բարձր մակարդակով իրականացնելու նպատակով:

Ֆրանկոֆոնիայի գագաթնաժողովի շրջանակներում կայացած միջոցառումները մեկնարկեցին հոկտեմբերի 7-ից, իսկ գագաթնաժողովը կայացավ հոկտեմբերի 11-12-ին: Միջոցառումների շրջանակում հոկտեմբերի 7-ին տեղի է ունեցել ՖՄԿ Մշտական խորհրդի նիստը⁷, հոկտեմբերի 8-9-ը՝ ՖՄԿ 35-րդ նախարարական համաժողովը⁸, հոկտեմբերի 9-12-ը Ֆրանկաֆոնիա-

⁶ ՏՆՍ <https://armenpress.am/arm/news/949861> (24.06.2021):

⁷ Ֆրանկոֆոնիայի մշտական խորհուրդ համալսմբում Լ. Լուկամ Լրկյաների դեպատներին՝ պատկերելու գագաթնաժողովը, ինչպես նաև վերահսկում Լ. դրա որոշումների կայացման գործընթացը (Հ.Լ.):

⁸ Ֆրանկոֆոնիայի նախարարական համաժողովը միավորում Լ. ֆրանկոֆոն նախարարին կամ արտարին գործերի նախարարին ամեն տարի՝ ապահովելու գա-

յի ավանի բացումն ու աշխատանքները⁹, հոկտեմբերի 10-ին՝ Տնտեսական ֆորումը¹⁰, իսկ հոկտեմբերի 11-ին՝ Երևանի Հան-

գաթնաժողովի քաղաքական շարունակականությունը: Համաժողովն ապահովում է. 1. Լավխորդ գագաթնաժողովի կողմից ընդունված որոշումների իրականացումը (Հ.Վ.):

⁹ Ֆրանկոֆոնիայի ավանների կազմակերպման ավանդույթը սկիզբ է առել 2008 թ. Ֆլերենկի գագաթնաժողովից և հետագա տարիներին դրանց կազմակերպման ձևերն ու մասշտաբները տարբերվել են՝ կապված ընդունող երկրում ավանի համար, տրամադրած տարածքից, ենթակառուցվածքներից և ամենակարևորը՝ ֆրանկոֆոն երկրների ու գործակալությունների մասնակցությունից: Ֆրանկոֆոնիայի ավանի նպատակն է ներկայացնել կազմակերպության մշակութային բազմազանությունը, որը նաև, երևանյան գագաթնաժողովի օրակարգի կարևոր խնդիրներից էր: Մասնակիցներին հասկացված տաղավարների միջոցով հնարավորություն էր ձեռնկեց ցուցադրել Ֆրանկոֆոնիայի երկրների մշակույթն ու կենցաղը: Քանի որ Հայաստանն առաջարկել էր Ֆրանկոֆոնիայի 17-րդ գագաթնաժողովն անցկացնել «Վայրել միասին» կարգախոսի ներքո, ըստ այդմ ավանն իր հերթին ուներ «Վայրել ու ստեղծել միասին» կարգախոսը: Ֆրանկոֆոնիայի ավանում գագաթնաժողովի մասնակից երկրները, ՖԼԿ գործընկերներն ու գործակալությունները հնարավորություն ունեին ցուցադրել իրենց երկրների մշակութային բազմազանությունը: Ներկայացված էին արհեստագործական իրեր, մասնակից պետությունների գրոսարքային հնարավորությունները, արվեստի, մշակույթի գործեր, ինչպես նաև ազգային խոհանոցը: Ավանը գագաթնաժողովի շրջանակներում անցկացվող բաց միջոցառում էր, որտեղ գագաթնաժողովի մասնակիցները, լրագրողները, հայաստանյան հանրությունը կարող էր հանդիպել միմյանց՝ ոչ պաշտոնական միջավայրում: Ֆրանկոֆոնիայի ավանում տեղադրված էին տաղավարներ, բեմահարթակ և ցուցադրությունների համար տարածքներ: Մասնակիցները հանդես էին գալիս պարային և համերգային կատարումներով: Դա հնարավորություն տվեց բացառապատկառ, երիտասարդ ֆրանկոֆոն տաղանդավոր կատարողներին և ներկայացնելու Ֆրանկոֆոնիայի մշակութային բազմազանությունը: Հոկտեմբերի 9-ին պաշտոնապես բացվեց Ֆրանկոֆոնիայի ավանը, որը տեղակայված էր Երևանի Օպերայի և բալետի ակադեմիական թատրոնի հարակից տարածքում: Ֆրանկոֆոնիայի ավանը՝ տեղակայված լինելով քաղաքի սրտում, մշակութային և լեզվական բազմազանության հարթակ էր, վայր, որը մեկ հարկի տակ միավորում էր աշխարհի 5 մայրցամաքներից տասնյակ երկրներ՝ իրենց մշակութային բազմազանությամբ (տե՛ս <http://francophonierevan2018.am/hy/crevan-2018/le-village-de-la-francophonie.html> (24.06.2021)):

¹⁰ Ֆրանկոֆոնիայի 17-րդ գագաթնաժողովի շրջանակներում առաջին անգամ հոկտեմբերի 10-ին «Թումո» ստեղծարար տեխնոլոգիաների կենտրոնում կազմակերպվել էր տնտեսական ֆորում՝ ՀՀ նախագահ Ա. Սարգսյանի բարձր հովանավորությամբ: 2014 թ. Դաքարում անցկացված Ֆրանկոֆոնիայի 15-րդ գագաթնաժողովի ընթացքում մասնակիցները պատրաստվածություն էին հայտնել առավել խորացնել Ֆրանկոֆոնիայի տնտեսական ուղղությունը՝ ընդունելով Ֆրանկոֆոնիայի առաջին տնտեսական ռազմավարությունը: Ռազմավարության նպատակն է ուժեղացնել ֆրանկոֆոն տնտեսական գոտին՝ դիմագրավելով տնտեսական, սոցիալական, էներգետիկ և քաղաքականական մարտահրավերների հանդեպ խնդիրներին, ինչպես նաև հակազդել գլոբալ տնտեսական և ֆինանսական համակարգերում

րապետության հրապարակում տեղի ունեցավ հանդիսավոր Գալա համերգ:

2018 թ. հոկտեմբերի 11-ին Երևանի Մարզահամերգային համալիրում հանդիսավոր կերպով մեկնարկեց Ֆրանկոֆոնիայի միջազգային կազմակերպության 17-րդ գագաթնաժողովին մասնակցելու համար Երևան ժամանած պատվիրակությունների դիմավորման պաշտոնական արարողությունը: ՀՀ վարչապետ Նիկոլ Փաշինյանը և Ֆրանկոֆոնիայի միջազգային կազմակերպության գլխավոր քարտուղար Միկայել Ժանը դիմավորում էին գագաթնաժողովի մասնակից երկրների պատվիրակություններին: Ֆրանկոֆոնիայի 17-րդ գագաթնաժողովին մասնակցելու համար Հայաստան էր ժամանել 84 երկրի պատվիրակություն: Գագաթնաժողովին մասնակցեց 38 երկրի ղեկավար:

ՖՄԿ 17-րդ գագաթնաժողովի բացմանը ելույթներով հանդես են եկել ՀՀ վարչապետ Նիկոլ Փաշինյանը, Ֆրանսիայի նախագահ Էմանուել Մակրոնը, Կանադայի վարչապետ Ջասթին Թրյուդոն, Ֆրանկոֆոնիայի միջազգային կազմակերպության գլխավոր քարտուղար Միկայել Ժանը և այլ երկրների առաջնորդներ ու պատվիրակությունների ղեկավարներ:

ՀՀ վարչապետն իր ելույթում նշել է. «Այսօր ցանկանում եմ վերստին ասել, որ Հայաստանի համար մեծ պատիվ է, որ այս գագաթնաժողովի կազմակերպումը վստահվել է Հայաստանին: Այդ առնչությամբ մենք լիովին գիտակցում ենք մեզ վրա դրված պատասխանատվությունը և ցանկանում ենք, որ այս իրադարձությունը բոլորի հիշողություններում մնա որպես Կազմակերպության ինստիտուցիոնալ կյանքի բացառիկ պահերից մեկը,

ինչպես նաև ֆրանկոֆոն համակեցության և համերաշխության կարևոր դրսևորում: Հայաստանը Ֆրանկոֆոնիայի երիտասարդ անդամ է, դիտորդի կարգավիճակով անդամակցությունից ի վեր ընդամենը 15 տարի է անցել, մինչդեռ մշակութային և լեզվական բազմազանության, ֆրանսերենի և Ֆրանկոֆոնիայի հիմնարար արժեքների խթանման նրա հանձնառության ապացույցի կարիք չկա»¹¹:

ՀՀ վարչասպետը ընդգծել է նաև որ Հայաստանը հպարտ է Ֆրանկոֆոնիայի կազմակերպությանն իր անդամակցությամբ, որը համագործակցության, ելկլսոսության և փոխանակումների մի ընդարձակ տարածք է, և բազմազանության և համերաշխության նկատմամբ հարգանքի մթնոլորտում կազմակերպության անդամ պետություններին և կառավարություններին համախմբում է խաղաղության, ժողովրդավարության և մարդու իրավունքների նկատմամբ հարգանքի շուրջ. «Մենք իրապես հավատարիմ ենք մեզ միավորող այդ կապերի բնույթին, որոնք այնքան լավ բնորոշվում են «Ապրել միասին Ֆրանկոֆոնիայում» գաղափարախրատությամբ: Նրանք միասին կազմում են այդ համընդհանուր չարիքը, այդ հսրստությունը, որ մեզ համար կարևոր է պահպանել ամեն գնով, այդ մեծ հնարավորությունը ֆրանկոֆոն ողջ տարածքի համար: «Ապրել միասին՝ հարգելով համերաշխությունը, մարդասիրական արժեքներն ու բազմազանությունը՝ իբրև խաղաղության և բարօրության հիմք ֆրանկոֆոն տարածաշրջանում»: սա է Հայաստանի կողմից առաջարկված թեմայի նշանակությունը, որը կարտացոլվի նաև մեր աշխատանքներում»:

¹¹ <https://www.primeminister.am/hy/statements-and-messages/item/2018/10/11/Nikol-Pashinyan-speech-at-the-17th-Francophone-Summit/> (24.06.2021):

«Ապրել միասին»-ի ընդգծումը կարևոր է նաև պոպուլիզմի և ծայրահեղականության աճի համատեքստում: Ատելության խոսքի և անհանդուրժողականության դրսևորումների դեմ մենք ունենք բարոյական պարտավորություն, ունենք դրանց հակադրելու «Ապրել միասինի» արժեքներն ու սկզբունքները և համախմբվելու՝ դրանք կյանքի կոչելու համար: Անկասկած, մենք սլետք է շարունակենք ամեն ջանք գործադրել բոլորիս կայուն մարդկային զարգացման ձգտումն ի կատար ածելու համար: Այսպիսին է մեր կողմից առաջարկվող Կոչը, որն իրենից ներկայացնում է հզոր ուղերձ հանուն Ֆրանկոֆոնիայի հիմնադիր հայրերի կողմից ժառանգված խաղաղության, համերաշխության և մարդասիրության»¹²:

«Հույս ունեմ, որ այս գազաթնաժողովը կնպաստի Ֆրանկոֆոնիայի զարգացմանն ամբողջ աշխարհում, և Հայաստանը կդառնա Ֆրանկոֆոնիայի դիվանագիտական ակտիվ գործունեության կենտրոններից մեկը», - նշել է վարչապետը¹³:

Ֆրանսիայի նախագահ է. Մակրոնն իր խոսքում շեշտել է, որ երևանում այսօր մի մեծ ընտանիք է հավաքվել, ընտանիք, որը ներառում է բոլոր մայրցամաքները. «Մենք բոլորս պատկանում ենք այդ ընտանիքին և չունենք մաշկի նույն գույնը, մեր աստվածները չեն կրում նույն անունները, ոմանք նաև Աստծուն չեն հավատում: Մենք ապրում ենք շատ տարբեր կլիմայական պայմաններում, մեր երգերը նման չեն իրար: Մենք ունեցել ենք նաև վերքեր, որոնք նոր են սկսում փակվել: Այնուամենայնիվ,

¹² 2018 թ. Երևանում կայացած Ֆրանկոֆոնիայի XVII գազաթնաժողովի պաշտոնական կայք <http://francophoniecrvan2018.am/hy/actualits/ceremonie-ouverture.html> (05.02.2021):

¹³ <https://www.primeminister.am/fr/press-release/item/2018/09/12/Nikol-Pashinyan-attended-inaugurate-Francophone-NGO-forum/> (24.02.2021):

այս բազմազան ընտանիքը միասնական է՝ համախմբված մեկ լեզվի շուրջ: Այս լեզուն մենք ընկալում և արտահայտում ենք բազմազանությամբ, սակայն բոլորս իրար հասկանում ենք¹⁴: Այս լեզուն չի պատկանում որևէ մեկին, այն բոլորինն է: Այս լեզուն կարողացել է ընդունել բոլորի մտքերը: Մեր կապն արտահայտվում է ոչ միայն այս լեզվի միջոցով, այլ աշխարհին ուղղված մեր տեսլականով: Մեր տեսլականը պարբերաբար վերաիմաստավորվում և թարմացվում է: Եղբայրությունը, խաղաղությունը արդարությունը կազմում են մեր կազմակերպության հիմնաքարերը», - նշել է Է. Մակրոնը: ¹⁵ Նա հավելել է, որ Ֆրանկոֆոնիայի երևանյան գագաթնաժողովը կազմակերպվում է մի յուրահատուկ պահի, երբ տեսանելի են աշխարհում տեղի ունեցող հսկայական փոփոխություններ: Ֆրանսիայի նախագահի խոսքով՝ աշխարհն այսօր լի է ստով, ատելության քարոզչությամբ, այն կանոնները, որոնց շուրջ վերջին տասնամյակներին կարողացել են համախմբվել, այլևս չեն գործում: «Ի՞նչ կարող է անել Ֆրանկոֆոնիան այս իրադարձությունների ընթացքում: Այն, ինչ մենք պետք է անենք, հետևյալն է՝ ստեղծել բոլորին սթափության հրավիրելու իրավիճակ: Ֆրանկոֆոնիան պետք է լինի այն հարթակը, որտեղ կարտահայտվի համախմբված սթափությունը: Նրա գնահատմամբ՝ Ֆրանկոֆոնիան չպետք է լինի հարթակ,

¹⁴ Le Monde ամսագիր https://www.lemonde.fr/afrique/article/2018/10/11/a-crevan-emmanuel-macron-plaide-pour-une-francophonie-de-reconquete_5368039_3212.html (22.02.2021):

¹⁵ 2018 թ. Երևանում կայացած Ֆրանկոֆոնիայի XVII զուգաբևեռաժողովի պաշտոնական կայք <http://francophoniecrevan2018.am/hy/actualites/emmanuel-macron.html> (05.02.2021):

որտեղ հնչում են դատարկ բառեր, այլ այն արժեքների հարթակը, որոնց շուրջ իրենք միավորվել են»¹⁶:

Կանադայի վարչապետ Ջ. Թրյուդոն ավելի կարճ ելույթ ունեցավ՝ ակնդելով բոլորի իրավունքները:

Բացման հանդիսավոր արարողությունն ավարտվեց Մ. Ժանի ուղերձով, ով ընդգծեց կազմակերպության առաքելությունն ու դրա պատմությունը:¹⁷

Գագաթնաժողովի բացման արարողությանը հաջորդել են լիագումար նիստը, այնուհետ ՖՀԿ աշխատանքների վերաբերյալ նախարարական համաժողովի նախագահության զեկույցը, ՖԽՎ գնահատականը գագաթնաժողովի թեմայի վերաբերյալ, լիիրավ անդամների դռնփակ նիստեր միջազգային իրադարձությունների վերաբերյալ: Գագաթնաժողովի վերջին օրը կայացել է Ֆրանկոֆոնիայի գլխավոր քարտուղարի զեկույցը, զեկույցի և գագաթնաժողովի թեմայի ընդանուր քննարկումը, հայտարարության, բանաձևերի և գագաթնաժողովի այլ փաստաթղթերի ընդունումը: Տեղի են ունեցել ասոցացված անդամների հայտարարությունները, սահմանվել է հաջորդ գագաթնաժողովի վայրը և ամսաթիվը, կայացել է Ֆրանկոֆոնիայի կազմակերպության գլխավոր քարտուղարի ընտրությունը, ապա գագաթնաժողովի արդյունքների ամփոփումը, եզրափակիչ մամուլի ասուլիսը:

Երևանյան գագաթնաժողովում ընտրվել է Ֆրանկոֆոնիայի նոր գլխավոր քարտուղարը՝ Ռուանդայի ԱԳ նախարար Լուիզ Մուշիկիվաբուն: «Ես անհամբեր եմ իմ փորձը և իմ կամքը ծա-

¹⁶ Նույն տեղում:

¹⁷ Տե՛ս նույն տեղում:

ռայելու մեր Ֆրանկոֆոնիայի ծառայությանը»¹⁸, - նշել էր նորանշանակ տիկին քարտուղարը:

Ֆրանկոֆոնիայի միջազգային կազմակերպության ղեկավարի պաշտոնում նրա նշանակումը չորս տարի շարունակ ապահովում է Աֆրիկայի «վերադարձը»: Այդ կազմակերպությունը միշտ ղեկավարել են աֆրիկացիները մինչ կանադացի Մ. Ժանը: «Ֆրանսերենի էպիկենտրոնը անկասկած գտնվում է Կոնգո գետի ավազանում»¹⁹, - նշել է Ֆրանսիայի նախագահ Է. Մակրոնը: Հայաստանյան գազաթնաժողովի օրերին անցկացվել են նաև Ֆրանկոֆոն մամուլի միջազգային միության 47-րդ նստաշրջանը (Ծաղկաձոր, 2018 թ. հոկտեմբերի 9-12-ին)՝ «Լրատվամիջոցները և միգրացիան» թեմայով, PicsArt ընկերության հայաստանյան մասնաճյուղում կայացել է Ֆրանկոֆոն երիտասարդական ֆորումը (սեպտեմբերի 11-12-ին)՝ Հայաստանի Ֆրանկոֆոն երիտասարդական խորհրդարանի նախաձեռնությամբ և ՀՀ արտաքին գործերի նախարարության աջակցությամբ, Ֆրանկոֆոն հասարակական կազմակերպությունների 11-րդ համաժողովը (սեպտեմբերի 12-14-ին)՝ ՀՀ Վարչապետ Նիկոլ Փաշինյանի և Ֆրանկոֆոնիայի միջազգային կազմակերպության գլխավոր քարտուղար Միկայել Ժանի մասնակցությամբ:

Գազաթնաժողովի արդյունքում կառավարությունների ու պետությունների ղեկավարները ընդունեցին մի շարք կարևոր փաստաթղթեր, այդ թվում՝

¹⁸ Le Figaro ամսագիր, <https://www.lefigaro.fr/langue-francaise/francophonie/2019/01/03/37006-20190103ARTFIG00149-louise-mushikiwabo-prend-officiellement-ses-fonctions-a-la-tete-de-la-francophonie.php> (22.02.2021):

¹⁹ FRANCE24 հեռուստաայլը <https://www.france24.com/fr/20181012-rwandaise-mushikiwabo-designee-francophonie-oif> (24.02.2021):

- Երևանի հռչակագիրը (Déclaration d'Erevan),
- «Միասին ապրել» կոչը (Appel pour le Vivre ensemble),
- Ֆրանկոֆոնիայի ռազմավարությունը կանանց և տղամարդկանց միջև հավասարության խթանման համար (Stratégie de la Francophonie pour la promotion de l'égalité entre les femmes et les hommes),

- Բանաձև ճգնաժամային իրավիճակների, հետճգնաժամային և խաղաղաշինության վերաբերյալ (Résolution sur les situations de crise, de sortie de crise et de consolidation de la paix),
- Բանաձև քաղաքացիության և մարդու իրավունքների կրթության վերաբերյալ (Résolution sur l'éducation à la citoyenneté et aux droits de l'Homme),

- Բանաձև՝ Փարիզի սկզբունքների՝ մարդու իրավունքների մասին 25-ամյակի կապակցությամբ (Résolution sur le 25e anniversaire des Principes de Paris sur les droits de l'Homme),

- Բանաձև մշակութային մասնակցության մասին (Résolution sur la participation culturelle),

- Բանաձև գիտելիքների փոխանցման և հետազոտությունների խթանման վերաբերյալ (Résolution sur le transfert de connaissances et la valorisation de la recherche)

- Բանաձև անտեսված արևադարձային հիվանդությունների վերաբերյալ (Résolution sur les maladies tropicales négligées)

Ֆրանկոֆոնիայի գազաթնաժողովի կարևոր արդյունքներից խոսելիս՝ հարկ է ընդգծել, որ նման լայնածավալ միջոցառումը դրական ազդեց Հայաստանի միջազգային հեղինակության վրա: Հայաստան էին ժամանել 84 երկրների պատվիրակություններ, որոնցից 38-ը ներկայացված էին երկրի ղեկավարի մակարդակով: Գազաթնաժողովի շրջանակներում Հայաստան

էին ժամանել ավելի քան 3.500 հյուր, իսկ Ֆրանկոֆոնիայի գա-
գաթնաժողովի լուսաբանման, «Ֆրանկոֆոն լրագրողների մի-
ջազգային միության» կոնֆերանսին մասնակցելու համար՝ շուրջ
600 լրագրող: Գագաթնաժողովը լավ հնարավորություն էր աշ-
խարհի շուրջ 274 մլն ֆրանսախոսների շրջանում Հայաստանի
վերաբերյալ իրազեկվածության բարձրացման առումով: Գա-
գաթնաժողովը թերևս էլ ավելի կարևորվեց Ֆրանսիայի նախա-
գահ Է. Մակրոնի և Կանադայի վարչապետ Զ. Թրյուդոյի Հա-
յաստան կատարած այցով:

ՖՄԿ 17-րդ գագաթնաժողովի ժամանակ ընդունվեցին կա-
րևոր փաստաթղթեր, այդ թվում՝ Երևանյան հռչակագիրը, որի
նախապատրաստական աշխատանքներում բավական մեծ
ջանքեր էին գործադրվել: Ինչպես նախկինում ընդունված բա-
նաձևերում, որտեղ ՖՄԿ անդամ երկրներն իրենց աջակցույթ-
յունն են հայտնել «բանակցություններին՝ ԵԱՀԿ Մինսկի խմբի
համանախագահների միասնական և անբաժան հենք հանդի-
սացող սկզբունքների հիման վրա», ինչպես նաև կոչ են ւարել
հակամարտության բոլոր կողմերին զերծ մնալ ուժի կամ ուժի
սպառնալիքի կիրառումից, այնպես էլ ներկա փաստաթղթում
անդրադարձ կար դարաբաղյան հակամարտությանը: Հռչա-
կագրի 18-րդ և 19-րդ կետերում նշված էր.

«Քննադատել միջազգային հումանիտար իրավունքի ցան-
կացած խախտում, ինչպես նաև հումանիտար հարցերի ինստ-
րումենտալիզացիան և քաղաքականացումը, կոչ անել պաշտ-
պանել հակամարտության գոտիների քաղաքացիական բնակ-
չությանը և երաշխավորել նրանց հիմնարար իրավունքները և
ազատություններն, ինչպես նաև ապահովել արագ և անխոչըն-

դոտ հումանիտար մուտք»²⁰: «ՄԱԿ նպատակներին և սկզբունքներին համաձայն՝ մենք վերահաստատում ենք մեր հավատարմությունը՝ Ֆրանկոֆոն տարածությանն առնչվող ճգնաժամերի և հակամարտությունների խաղաղ կարգավորմանը՝ մասնավորապես միջազգայնորեն ճանաչված բանակցային ձևաչափերի շրջանակներում, բոլոր իրավիճակներում խթանելու երկխոսությունը և միջնորդությունը՝ այդ ճգնաժամերի և հակամարտությունների կարգավորմանը հասնելու համար, ինչպես նաև աջակցում ենք հակամարտությունների կանխարգելման կարգավորման գործընթացում կանանց աճող դերակատարմանը»²¹:

ՖՄԿ Երևանյան գազաթնաժողովը կարևոր էր նաև հենց կառույցի ընդլայնման և զարգացման տեսանյունից: Գազաթնաժողովի շրջանակներում տեղի ունեցան կազմակերպության գլխավոր քարտուղարի ընտրություններ և այդ պաշտոնում ընտրվեց Ռուանդան ներկայացնող Լուիզ Մուշիկիվաբոն: Միևնույն ժամանակ, Միացյալ Արաբական Էմիրությունները, Կոսովոն և Սերբիան ստացան Ֆրանկոֆոնիայի ասոցացված անդամի, իսկ Գամբիան, Իռլանդիան, Լուիզիանան (ԱՄՆ) և Մալթան՝ դիտորդի կարգավիճակ²²:

Այսպիսով, Ֆրանկոֆոնիայի միջազգային կազմակերպության հիմնական կարգախոսներն ու նպատակները՝ նպաստել խաղաղությանը, ժողովրդավարությանը, մարդու իրավունքների, ֆրանսերենի, մշակութային ու լեզվաբանական բազմազանության առաջխաղացմանը, համագործակցության խրախուսմանը, մշակույթների և քաղաքակրթությունների երկխոսության ակտիվաց-

²⁰ <https://armenpress.am/arm/news/950830.html> (24.06.2021):

²¹ <https://armenpress.am/arm/news/950830/arm/> (24.06.2021):

²² <https://armenpress.am/arm/news/950830.html> (05.02.2021):

մանը, անդամ երկրների միջև համերաշխության ամրապնդմանը, իրենց գործնական կիրառությունը գտան երևանյան գազաթնա-
ժողովի օրերին և դրանից հետո:

Ամփոփելով Ֆրանկոֆոնիայի միջազգային կազմակերպության երևանյան գազաթնաժողովի արդյունքները՝ կարելի է նշել, որ այն հաջողված և բավական լավ փորձ էր Հայաստանի համար՝ մեծամասշտաբ միջոցառումներ կազմակերպելու և միջազգային կապերի զարգացման և ամրապնդման տեսանկյունից:

Рипсимэ Э. Вардересян, *Институт истории НАН РА*, 17-й саммит Франкофонии в Ереване.

В 2018 году в Армении прошел 17-й Саммит Франкофонии под названием «Жить вместе, уважая солидарность, гуманитарные ценности и разнообразие, как основа мира и благополучия во франкоязычном регионе».

Саммит собрал делегации 84 стран во главе с лидерами 38 стран. Саммит МОФС в Ереване стал возможен с точки зрения расширения и развития структуры: Объединенные Арабские Эмираты, Косово, Сербия стали ассоциированными членами Франкофонии, а Гамбия, Ирландия, Луизиана (США), Мальта получили статус наблюдателя. В рамках Саммита состоялись выборы Генерального секретаря организации, в ходе которых был избран Луис Мушикивабо из Руанды.

По итогам саммита главы правительств и государств приняли ряд важных документов, в том числе Ереванскую декларацию (Déclaration d'Erevan). Призыв «жить вместе» (Appel pour le Vivre ensemble), Стратегия франкофонии по поощрению равенства между женщинами и мужчинами (Stratégie de la Francophonie pour

la promotion de l'égalité entre les femmes et les hommes), Резолюция о кризисных ситуациях, выходе из кризиса и миростроительстве (Résolution sur les situations de crise, de sortie de crise et de consolidation de la paix), Резолюция о гражданстве и образовании в области прав человека (Résolution sur l'éducation à la citoyenneté et aux droits de l'Homme), Резолюция о 25-летию Парижских принципов прав человека (Résolution sur le 25e anniversaire des Principes de Paris sur les droits de l'Homme), Резолюция о культурном участии (Résolution sur la participation culturelle), Резолюция о передаче знаний и продвижении исследований (Résolution sur le transfert de connaissances et la valorisation de la recherche), Резолюция о забытых тропических инфекционных заболеваниях (Résolution sur les maladies tropicales négligées) и т.д.

Hripsime E. Varderesyan, *Institute of History of the NAS RA, 17th Francophonie Summit in Yerevan.*

The 17th Summit of la Francophonie was held in Armenia in 2018 with the title “Living Together, Respecting Solidarity, Humanitarian Values and Diversity as a Basis for Peace and Welfare in the Francophone Region”.

The summit brought together the delegations of 84 countries, led by the leaders of 38 countries. The IOF Yerevan Summit was possible in terms of the expansion and development of the structure: in Yerevan the United Arab Emirates, Kosovo, Serbia received an associate member of the Francophonie, and Gambia, Ireland, Louisiana (USA) and Malta – observer status. Elections for the post of Secretary-General of the Organization were held within the framework

of the summit, and Louise Mushikiwabo, representing Rwanda, was elected to that position.

As a result of the summit, the Heads of Government and States adopted a number of important documents, including the Yerevan Declaration (Déclaration d'Erevan). The call to "live together" (Appel pour le Vivre ensemble), Strategy of the Francophonie for the promotion of equality between women and men (Stratégie de la Francophonie pour la promotion de l'égalité entre les femmes et les hommes), Resolution on crisis, post-crisis and peacebuilding situations (Résolution sur les situations de crise, de sortie de crise et de consolidation de la paix), Resolution on citizenship and human rights education (Résolution sur l'éducation à la citoyenneté et aux droits de l'Homme), Resolution on the 25th anniversary of the Paris Principles on Human Rights (Résolution sur le 25e anniversaire des Principes de Paris sur les droits de l'Homme), Resolution on cultural participation (Résolution sur la participation culturelle), Resolution on knowledge transfer and research promotion (Résolution sur le transfert de connaissances et la valorisation de la recherche), Resolution on Neglected Tropical Diseases (Résolution sur les maladies tropicales négligées), etc.

ՍԱՐԳԻՍ Մ. ՄԿՐՏՉԵԱՆ

ԵՊՀ արեւելագիտության ֆակուլտետ

ԻՐԱՆՈՒՄ ԳՈՐԾՈՂ ՊԱՆԹԻՐՔԱԿԱՆ ԿԱԶՄԱԿԵՐՊՈՒԹԻՒՆՆԵՐԻ ԴԵՐԸ ՂԱՐԱԲԱՂԵԱՆ ԵՐԿՐՈՐԴ ՊԱՏԵՐԱԶՄՈՒՄ

Բանալի բառեր՝ Իրան, Հայաստան, Արցախ, Ղարաբաղեան երկրորդ պատերազմ, Թուրքիա, Ադրբեջան, Հայոց ցեղասպանություն, պանթիրքիզմ, անջատողականություն, Ռուսաստան, քրդեր, կրոն.

2020 թ. սեպտեմբերի 27-ին Արցախի դեմ Ադրբեջանի, Թուրքիայի և միջազգային ահաբեկիչների սանձազերծած լայնամասշտաբ պատերազմը, որը տևեց 44 օր և մարդկային, հողային և նիւթական մեծ վնասներ պատճառեց մեր ժողովրդին, հայ ազգային քաղաքական մտքին ևս մեկ անգամ յիշեցրեց պանթիրքիզմի վտանգի մասին:

Մինչ օրս հրապարակուած մեր մենագրութեան¹ մէջ և բազմաթիւ յօդուածներում ցոյց ենք տուել, որ պանթիրքիզմն իբրեւ գաղափարախօսութիւն ու քաղաքական շարժում գոյութիւն ունի ո՛չ միայն Թուրքիայի և Ադրբեջանի Հանրապետութիւններում, այլ նաև Իրանի թիրքախօս շրջաններում, որտեղ կան անհատներ և կազմակերպութիւններ, որոնցից որոշները՝ բացայայտ,

¹ Տե՛ս Մկրտչեան Ս., Պանթիրքական հոսանքները ժամանակակից Իրանում (ևրկրորդ հրատարակութիւն), Երևան, 2019:

որոշներն էլ՝ թաքուն կերպով աշխատում են Մեծ Թուրանի ծրագրի իրականացման ուղղությամբ:

Սոյն յօդուածի նպատակն է ցոյց տալ, թէ վերջին տարիներին ինչ փոփոխութիւններ են տեղի ունեցել Իրանում գործող պանթիքական կազմակերպութիւնների ղեկավարների և գործիչների ծրագրերում և ինչպէս է արտացոլուել նման մօտեցումները Արցախեան վերջին՝ 44-օրեայ պատերազմի ընթացքում:

Այդ կազմակերպութիւններից մէկը՝ «Ադրբեջանի ազգային դիմադրական կազմակերպութիւնը»², հիմնադրուել է 2006 թուականին: Նրա պաշտօնաթերթն է «Արագ նիւզ»³-ը: 2016 թ. դեկտեմբերի 24-ին ԱԱԴԿ-ի կազմակերպմամբ Անկարայում, «Թիւրք Օջախլարի»-ում տեղի է ունեցել «Հարաւային Ադրբեջանը: Թիւրքական աշխարհի ոսկէ կամուրջը»⁴ անունը կրող համագումարը: Համագումարին մասնակցել են «Թիւրքիայից, Հարաւային և Հիւսիսային Ադրբեջաններից, Բալկաններից և թիւրքական աշխարհի այլ շրջաններից թիւրքեր: Բանախօսները անդրադարձել են «Հարաւային Ադրբեջանի ռազմավարական, մշակութային, տնտեսական և պատմական կարևորութեանը տարածաշրջանում և թիւրքական աշխարհում»⁵: Յատկանշական է, որ համագումարը տեղի էր ունենում Անկարայում, ինչը նշանակում է, որ վերջին տարիներին Թիւրքիայի Հանրապետութիւնը իր տարածքում թոյլ էր տալիս Իրանի հողային ամբողջականութիւնը վտանգող և Իրանի նկատմամբ անջատողական նկրտումներ ունեցող կազմակերպութիւնների անարգել գործունէութիւնը:

² Տե՛ս <https://diranish.org/> (03.04.2021):

³ www.araznews.org/fa/ (03.04.2021):

⁴ <http://www.araznews.org/fa/?p=30699> (03.04.2021):

⁵ Նոյն աղբիւր:

ԱԱԴԿ-ը 2017 թ. հրատարակած իր գործունեության մէկ տարուայ տեղեկագրում՝ Իրանի ներսում իրականացրած ծրագրերի շրջանակներում որպէս հաշուետւութիւն մատնանշում էր «Իրանի թուրքերի ինքնութեան վերածնունդը» գրքի տարածումը, ուսումնական նիւթերի տպագրութիւնն ու տարածումը ուսանողների շրջանում, քաղաքական գործունեութիւնը մարզական միջավայրերում և մարզադաշտերում և այլն, իսկ երկրից դուրս՝ կազմակերպութեան հիմնադրութեան 11-ամեակի նշումը Անկարայում և Վաշինգտոնում, Աբուֆազլ Էլչիբէյի մահուան 17-րդ տարելիցի նշումը Անկարայում և այլն:

2020 թ. սեպտեմբերի 27-ին, այսինքն՝ Հայաստանի և Արցախի դէմ Ադրբեջանի և Թուրքիայի Հանրապետութիւնների սանձազերծած պատերազմի առաջին օրը, հրապարակուել է մի յայտարարութիւն՝ «Հայաստանը ամբողջ տարածաշրջանի խաղաղութեան և հանդարտութեան գլխաւոր արգելքը⁶» վերնագրով: Նրա տակ ստորագրել են «Ադրբեջանի կենտրոնական կուսակցութիւնը», «Ադրբեջանի ազգային դիմադրական կազմակերպութիւնը», «Հարաւային Ադրբեջանի դեմոկրատական կուսակցութիւնը» և «Հարաւային Ադրբեջանի թիւրքական դեմոկրատական դաշինք կազմակերպութիւնը», որում գրուած է, որ «Մէկ անգամ նորից Հայաստանի զաւթիչ բանակը Ադրբեջանի գրաւուած տարածքներում....խախտել է հրադադարը....Հայաստանի բանակը յարձակուելով բնակավայրերի վրայ Ադրբեջանի ոչ զինուորական քաղաքացիների նահատակութեան և վիրաւորուելու պատճառ է դարձել....Վիրաւորուած են Ադրբեջանի ժողովրդի զգացումները....Ադրբեջանի թուրք ազգը Հարաւային

⁶ <https://diranish.org/%D8%A8%D8%A7%DB%8C%DA%AF%D8%A7%D9%86%DB%8C/3380> (02.04.2021):

Ադրբեջանում ամենայն զգայնութեամբ հետևում է Հիսիսային շրջանի իրադարձութիւններին....Մենք՝ այս յայտարարութեան ստորագրողներս՝ մեր ամբողջական համերաշխութիւնը յայտնելով Ադրբեջանի ազգին և պետութեան, Ադրբեջանի բանակի պատասխան գործողութիւնները Ադրբեջանի Հանրապետութեան քաղաքացիների և երկրի հողային ամբողջականութեան պաշտպանութեան կապակցութեամբ նրա օրինական իրաւունքն ենք համարում⁷։ Նշելի է, որ այս կազմակերպութիւնները խօսում են Ադրբեջանի Հանրապետութեան հողային ամբողջականութեան մասին այն պայմաններում, երբ իրենք սպառնում են Իրանի հողային ամբողջականութեանը։ Աւելին՝ սրանով պարզէ դառնում այն իրողութիւնը, որ դեռ Ղարաբաղեան երկրորդ պատերազմը չսկսուած՝ Իրանում գործող պանթիւրքական կազմակերպութիւններն արդէն տեղեակ էին, որ պաշտօնական Բաքուն դիմելու է սադրանքների եւ իրադադարի խախտման մէջ նախապէս մեղադրելու է հայկական կողմին, որից յետոյ իբր՝ պատասխան գործողութիւններ, կամ՝ «հակայարձակում» է ձեռնարկելու Արցախի դէմ։ Սա ցոյց է տալիս, որ ի տարբերութիւն նախորդ տարիների, անցած պատերազմում ոչ միայն Ադրբեջանն ու Թիւրքիան, այլեւ Իրանի փաստօրէն՝ բոլոր պանթիւրքական կազմակերպութիւնները գործում էին որպէս մէկ միասնական բանակ։

Ուստի նոյն՝ 2020թ. սեպտեմբերի 27-ի մէկ այլ յայտարարութեան⁸ մէջ, որի հրատարակման վայր է նշուել Թաւրիզը, եւ որը կրում է «Բռնազաւթուած Ղարաբաղի իրադարձութիւնների կա-

⁷ <https://diranish.org/%D8%A8%D8%A7%DB%8C%D%A%AF%D8%A7%D9%86%D8%8C/3380> (02.04.2021)։

⁸ Տե՛ս <https://diranish.org/%D8%A8%D8%A7%DB%8C%D%A%AF%D8%A7%D9%86%D8%8C/3376> (02.04.2021)։

պակցութեամբ Ադրբեջանի ազգային դիմադրական կազմակերպութեան ուսուցողական և ռազմավարական յայտարարութիւնը» վերնագիրը, խօսելով «հայ բռնազավթիչների», «բռնազավթուած Ղարաբաղի», Հայաստանին՝ «Ֆաշիստական Իրանի հովանաւորութեան», ԻԻՀ-ում ՀՀ դեսպանատան գործունէութեան, «Իրան-Երևան-ՓՔՔ համագործակցութեան» և այլ յորինուած թեմաների մասին, ներկայացում է նաև Իրանի կատարած առաջին քայլը՝ զօրքի տեղափոխումը Իրան-Հայաստան-Ադրբեջան սահմանին: Ուստի վերջում յանձնարարութիւններ են տրուում կազմակերպութեան բջիջներին՝ դէպի Հայաստան բեռնաւառիսադրումները լուսանկարելու և իրենց ուղարկելու, դէպի Հայաստան էլեկտրաէներգիայի, գազի և վառելիքի տարանցման ցանցը բացայայտելու ու խափանելու և այլնի մասին:

Վերջին տարիներին նոյնաբովանդակ գործունէութիւն էր ծաւալել նաեւ «Հարաւային Ադրբեջանի ուսանողական շարժում» (AZOH)⁹ կազմակերպութիւնը (Southern Azerbaijan Student Movement), որի կայքէջի «ԱԶՈՀ-իմասին» բաժնում գրուած է՝ «ԱԶՈՀ-ի անդամահաւաքի համակարգը ուղղուած է ուսանողներին և նրա հիմնական նպատակը մտաւորական, վերլուծող, քաջ, պայքարի մշակոյթին ծանօթ ու դրանում ընդգրկուած կազմակերպական կադրերի դաստիարակումն է՝ ազգային շարժման մէջ ներգրաւելու համար»¹⁰:

Կազմակերպութիւնը բացի <http://www.azoh.net/> կայքից, ունի մէկ այլ կայք՝ «Օյրենջը» անունով, որտեղ հրատարակում են լուրեր, յօդուածներ, հարցազրոյցներ հիմնականում՝ հակաիրանական, հակահայկական, հակաքրդական և հակառուսական

⁹ <http://www.azoh.net/> (12.04.2017):

¹⁰ Նոյն տեղում:

ուղղուածութեամբ¹¹: Կայքում լայնօրէն արտացոլում են «Հարա-
ւային Ադրբեջանի ազգային քաղաքական գործիչների» ծերբա-
կալութիւնների մասին լուրերը: Դեռեւս 2017թ. ապրիլին ԱԶՈՀ-ի
կայքում (<http://www.azoh.net/>) հրատարակուել էր հետևեալ վեր-
նագրով լուրը. «Փետրուարի 26-ը զաւթիչ հայերի կողմից Խոջա-
լուի ցեղասպանութեան օրն է»¹²: Այնտեղ նշում էր, որ «Հայաս-
տանի զինուած ուժերը, ռուսական զինուած ուժերի հովանաւո-
րութեամբ, յարձակուեցին Խոջալուի վրայ և Խոջալուի խաղաղ
բնակիչներից 613 հոգու վայրագ ձևով սպանեցին: Այդ ցեղաս-
պանութեան զոհերից են 63 երեխայ, 106 կին, 70 ծեր....Խոջա-
լուի ցեղասպանութիւնը Մեքսիկայի, Չեխիայի, Յորդանանի,
Հոնդուրասի, Պերուի, Զիբուտիի, Բոսնիա և Հերցեգովինայի,
Ռումինիայի, Շոտլանդիայի և ԱՄՆ մօտ 22 նահանգի կողմից
պաշտօնապէս ճանաչուել է.... Խոջալուի սպանող հայերի կող-
մից ցեղասպանութիւն է, սակայն մշտապէս պետութիւնների
կրօնական ու քաղաքական յարաբերութիւնների ազդեցութեան
ներքոյ է եղել: Որպէս օրինակ նշենք, որ եւրոպական բազմաթիւ
երկրներ, ինչպէս Ռուսաստանը, որը զաւթիչ Հայաստանի ընդգ-
ծուած հովանաւորն ու դաշնակիցն է, մինչև հիմա մարդկութեան
դէմ կատարուած այս ողբերգութեան պաշտօնական ճանաչու-
մից խուսափել է»¹³:

¹¹ Տե՛ս <https://www.oyrenci.org/> (05.04.2021):

¹² <http://www.azoh.net/%D8%A1%D8%A8%D8%B1/1118-%DB%B2%DB%B6-%D9%81%D9%88%D8%B1%D8%8C%D9%87-%D8%B1%D9%88%D8%B2-%D9%86%D8%B3%D9%84-%DA%A9%D8%B4%DB%8C-%D8%A1%D9%88%D8%AC%D8%A7%D9%84%DB%8C-%D8%AA%D9%88%D5%B3%D8%B7-%D8%A7%D8%B1%D9%85%D9%86%DB%8C-%D9%87%D8%A7%DB%8C-%D8%A7%D8%B4%D8%BA%D8%A7%D9%84%DA%AF%D8%B1-%D8%A7%D8%B3%D8%AA.html> (12.04.2017):

¹³ Նոյն տեղում:

Ընդհանուր առմամբ 2020թ. նախապատերազմեան շրջանի լուրերում կրկին հիմնական շեշտը դրում էր Հայաստանի «գաութիչ» լինելու, «Խոջալուի ցեղասպանութեան», Իրանի և Ռուսաստանի «հայամէտութեան», երոպական երկրների կողմից Հայաստանին հովանաւորելու հարցում կրօնական գործօնի դերակատարութեան, հայերի ու քրդերի համագործակցութեան և նմանատիպ պնդումների վրայ:

Կազմակերպութեան կայքէջում (<https://www.oyrenci.org/>) պարբերաբար վերահրատարակում էին Ադրբեջանի Դեմոկրատական Հանրապետութեան հիմնադիր Մոհամմադ Ամին Ռասուլզադէի և ժամանակին Ատրպատականում ստեղծուած Ադրբեջանի Ինքնավար Հանրապետութեան հիմնադիր Միր Զաֆար Փիշևարիի յօդուածներն ու մտքերը: Հրատարակուած մի շարք լուրերի վերնագրերը և այդ լուրերից համառօտագրութիւնները վկայում էին այն մասին, որ «Հարաւային Ադրբեջանի ուսանողական շարժում» կազմակերպութիւնը զբաղուած էր ոչ միայն հակահայկական քարոզչութեամբ, այլեւ ակտիւ տեղեկատւութիւն էր հաւաքում՝ Արցախի դէմ նախապատրաստուող պատերազմին օժանդակելու համար:

Այդ գործունէութիւնը շարունակում է նաեւ պատերազմից յետոյ: Այսպէս՝ «Հայաստանի օգտին Իրանի վարչակարգի լրտեսութեան բացայայտումը» հրապարակման մէջ նշում է, որ 2021 թ. փետրուարի 27-ին Թուրքիայի յայտնի օրաթերթերից մէկը գրել է, որ «Իրանի վարչակարգը Լեռնային Ղարաբաղի պատերազմի ժամանակ սահմանին տեղակայել է ռադարային զարգացած համակարգեր և անլար ունկնդրման կայան և դրանց միջոցով ձեռք բերուած տեղեկութիւնները փոխանցել է Հայաստանի

զինուած ուժերի գլխավոր շտաբին¹⁴»։ Ոչ մի տեղ չի նշում, որ ինչ է Թուրքիայի այդ յայտնի օրաթերթի անունը։

Իսկ «Զարիֆ։ Հայաստանի հողային ամբողջականությունը Իրանի կարմիր գիծն է» վերտառութեամբ հրապարակումը մատնանշում է, որ «Իրանի Արտաքին գործերի նախարար Մոհամմադ Զաւադ Զարիֆը, 2021 թ. յունուարի 27-ին, Հայաստանի Արտաքին գործերի նախարար Արա Այուազեանի հետ հանդիպման ժամանակ իր հակաադրբեջանական դիրքորոշումների ծիրում վստահեցրեց, որ Թեհրանը բոլոր առումներով հովանաւորելու է Երևանին¹⁵»։ Այս համատեքստում նշում է, որ «Շարունակում են Իրանի վարչակարգի զինուած ուժերի գործուղումներն ու տեղափոխութիւնները Արագի ափերի ուղղութեամբ՝ Ադրբեջանի և Հայաստանի սահմանակից շրջաններ»¹⁶։ Դրանից կատարում է հետևեալ եզրայանգումը՝ «Իրանի վարչակարգը երկակի խաղ է խաղում Ադրբեջանի նկատմամբ։ Մի կողմից այդ վարչակարգի պատասխանատուները խօսքով հովանաւորում են Ադրբեջանին, միւս կողմից վարչակարգը գործնականում հովանաւորում է Հայաստանին։ Անկասկած Իրանի որևէ ռազմական գործողութիւն Ադրբեջանի դէմ մեծ

¹⁴ [https://www.oyrenci.org/%d8%a7%d9%81%d8%b4%d8%a7%db%8c-%d8%ac%d8%a7%d8%b3%d9%88%d8%b3%db%8c-%d8%b1%da%98%db%8c%d9%85-%d8%a7%db%8c%d8%b1%d8%a7%d9%86-%d8%a8%d9%87-%d9%86%d9%81%d8%b9-%d8%a7%d8%b1%d9%85%d9%86%d8%b3%d8%aa%d8%a7/ \(04.04.2021\)](https://www.oyrenci.org/%d8%a7%d9%81%d8%b4%d8%a7%db%8c-%d8%ac%d8%a7%d8%b3%d9%88%d8%b3%db%8c-%d8%b1%da%98%db%8c%d9%85-%d8%a7%db%8c%d8%b1%d8%a7%d9%86-%d8%a8%d9%87-%d9%86%d9%81%d8%b9-%d8%a7%d8%b1%d9%85%d9%86%d8%b3%d8%aa%d8%a7/ (04.04.2021))

¹⁵ [https://www.oyrenci.org/%d8%b8%d8%b1%db%8c%d9%81-%d8%aa%d9%85%d8%a7%d9%85%db%8c%d8%aa-%c8%a7%d8%b1%d8%b6%db%8c-%d8%a7%db%8c%d9%85%d9%86%d8%b3%d8%aa%d8%a7%d9%86-%d8%ae%d8%b7-%d9%82%d8%b1%d9%85%db%8c%d8%b1%d8%a7/ \(04.04.2021\)](https://www.oyrenci.org/%d8%b8%d8%b1%db%8c%d9%81-%d8%aa%d9%85%d8%a7%d9%85%db%8c%d8%aa-%c8%a7%d8%b1%d8%b6%db%8c-%d8%a7%db%8c%d9%85%d9%86%d8%b3%d8%aa%d8%a7%d9%86-%d8%ae%d8%b7-%d9%82%d8%b1%d9%85%db%8c%d8%b1%d8%a7/ (04.04.2021))

¹⁶ [https://www.oyrenci.org/%d8%aa%d8%ad%d8%b1%da%a9%db%8c-%d9%88-%d8%a7%d8%b9%d8%b2%d8%a7%d9%85-%d9%86%db%8c%d8%b1%d9%88%d9%87%d8%a7%db%8c-%d9%86%db%8c%d8%a7%d9%85%db%8c-%d8%b1%da%98%db%8c%d9%85-%d8%a7%db%8c%d8%b1%d8%a7/ \(04.04.2021\)](https://www.oyrenci.org/%d8%aa%d8%ad%d8%b1%da%a9%db%8c-%d9%88-%d8%a7%d8%b9%d8%b2%d8%a7%d9%85-%d9%86%db%8c%d8%b1%d9%88%d9%87%d8%a7%db%8c-%d9%86%db%8c%d8%a7%d9%85%db%8c-%d8%b1%da%98%db%8c%d9%85-%d8%a7%db%8c%d8%b1%d8%a7/ (04.04.2021))

սխալ է լինելու և Հարաային Ադրբեջանը այդպիսի դաւաճանական գործողութեան հանդէպ լուռ չի մնալու»¹⁷:

Նշենք, որ ԱԶՈՀ-ի հակահայկական և հակաիրանական դիրքորոշումները նորութիւն չեն և չեն սահմանափակում Արցախեան վերջին 44-օրեայ պատերազմով:

Պանթիւրքական լայնամասշտաբ քարոզչութիւն է ծաւալունանա «Գունազ թի վի»¹⁸–ն, որն իրեն հռաչակել է «Հարաային Ադրբեջանի ազատութեան ձայնը»: Հեռուստատեսութիւնը հիմնադրուել է 2004-ին Ահմադ Ուբալիի միջոցով և իր հաղորդումները 24 ժամեայ դրութեամբ սփռում է ԱՄՆ-ի Չիկագո քաղաքից թէ՛ համացանցի և թէ՛ արբանեակի միջոցով: Հեռուստատեսութիւնն իր նպատակներից է յայտարարել «Ադրբեջանի թուրքերի և Իրան կոչուող աշխարհագրական տարածքի այլ շրջանների թուրք քաղաքացիների մշակութային ցեղասպանութեան և լեզուական ծովման դէմ պայքարը»¹⁹: Ուշադրութեան արժանի է «Իրան կոչուող աշխարհագրական տարածք» ձևակերպումը, ինչը նշանակում է, որ այդ հեռուստատեսութեան ղեկավարութիւնը Իրանը որպէս երկիր չի ճանաչում: Նկատի ունենալով ԱՄՆ-ի և ԻԻՀ-ի թշնամական յարաբերութիւնները հասկանալի է, թե ինչու են Ամերիկայի Միացեալ Նահանգները թոյլ տալիս Իրանի դէմ պայքար մղող և անջատողական գաղափարներ տարածող հեռուստատեսութեան հաղորդումները սփռուեն իր տարածքից: Սակայն «Գունազ թի վի»-ի լուրերն ու հաղորդումները միայն հակաիրանական չեն, այլ նաև հակահայկական, հակառուսական և հակաքրդական:

¹⁷ Նոյն տեղում:

¹⁸ <https://www.gunaz.tv/> (12.03.2021):

¹⁹ <https://www.gunaz.tv/fa/about> (12.03.2021):

Օրինակ, 2021թ. մարտի 11-ին հրատարակուել է լուր՝ «Թուրքիայի հակազդեցությունը Իրաք կատարած Պապի այցելութեան յատուկ նամակադրոշմում Մեծ Քուրդիստանի կեղծ քարտեզի տպագրութեան կապակցութեամբ²⁰», որտեղ գրուած է, որ Թուրքիայի Արտաքին գործերի նախարարութիւնը Իրաքի պաշտօնեաներից պահանջել է յարգել տարածաշրջանի երկրների հողային ամբողջականութիւնը, քանզի Իրաքի հիւսիսի քրդական շրջանի որոշ պաշտօնեաներ օգտագործելով Պապի այցելութիւնը փորձել են Իրաքի հարևան երկրների հողային ամբողջականութեան նկատմամբ իրենց զառանցանքներն ու դատարկ պատկերացումները ցուցադրել²¹: Նոյն օրը «Գունագ թի վի»-ով նոյնաբովանդակ յայտարարութիւն է տարածել Հարաւային Ադրբեջանի ազգային ազատագրական ճակատ (ԳԱՄԱՋ) կազմակերպութիւնը, որը տպագրուել է «Գունագ թի վի»-ի կայքէջում²²:

2021 թ. ապրիլի 1-ին հրատարակուել է լուր՝ «Սկանդալային պնդում: Ռուսաստանն է «Իսկանդեր» կրակել Շուշիի ուղղութեամբ²³» վերտառութեամբ, որում վկայակոչելով պաշտպանութեան ոլորտում մասնագիտացած ադրբեջանական մի լրատուամիջոցի, ասում է, որ Հայաստանին վաճառած Ռուսաստանի Իսկանդերները տարբեր են այն Իսկանդերներից, որ արձակուել են Շուշիի վրայ և դրանք կարող էին արձակուել Գիւմրիում գտնուող Ռուսաստանի յենակէտից:

²⁰ <https://www.gunaz.tv/fa/new/%D%A%AF%D9%88%D9%86%D8%A7%D8%B2-%D8%AA%D8%B3%D9%88%D8%B3%D8%B1-%D8%A7%D8%B3%D9%81%D9%86%D8%AF-%D8%B1%D8%B3%D8%B9-%D9%88%D8%A7%D8%A9%D9%86%D8%B4-%D8%AA%D8%B1%D8%A9%D8%B3%D9%87> (14.03.2021)

²¹ ՏՆ՝ս նոյն տեղում:

²² ՏՆ՝ս <https://www.gunaz.tv/fa/new/GAMACI-1615481412> (14.03.2021)

²³ <https://www.gunaz.tv/fa/new/%C4%B0sg%C9%99nd%C9%99rRus%C5%9Eu%C5%9F-fa-1617277971> (01.04.2021):

Հեռուստատեսության հիմնադիր Ահմադ Ուբալին 2021 թ. մարտի 23-ին, իսրայելական «Վայ նետ նիւզ»²⁴ կայքէջին տուած հարցազրոյցում ուշագրաւ յայտարարութիւններ էր անում՝ «Հա-րաւային Ադրբեջանը Իսրայէլի բարեկամն է»²⁵, «Իրանում մի շարժում կայ, որը հետապնդում է Իրանի և Ադրբեջանի ադրբեջանցիների միաւորումը՝ Թաւրիզ մայրաքաղաքով»²⁶ և ի վերջոյ «Ես՝ Իրանի դէմ Իսրայէլի կամ այլ երկրների ռազմական գործողութիւններին ոչ դէմ եմ, ոչ կողմ, սակայն իրականութիւն է, որ եթէ ռազմական գործողութիւն սկսուի՝ ժողովուրդը իշխանութեան թիկունքին չի կանգնելու և Արևմուտքն այդ կապակցութեամբ սխալ հաշուարկ է կատարել»²⁷:

««Թիւրքական խորհուրդ»-ի պատուիրակութեան ներկայացուիչները այցելեցին Ադդամ»²⁸ վերնագրով լրատութեան մէջ, որը հրատարակուել է 2021 թ. ապրիլի 12-ին, գրուած է, որ Թուրքիայից, Ադրբեջանից, Ուզբեկստանից, Ղազախստանից և Ղրղիզստանից նախարարներ և բարձրաստիճան պաշտօնեաներ Բաքում մասնակցում են «Թիւրքական խորհուրդի լրատումի-ջոցների և տեղեկատւութեան երրորդ նիստին: Նրանք այցելել են Ադդամ, որը Ղարաբաղի պատերազմում ազատագրուեց հայերից և տեսան հայերի կողմից աւերուած քաղաքի գերեզմանատունը»²⁹:

Հետևեալ մի քանի լուրերի վերնագրերն անգամ բաւական են ապացուցելու «Գոնազ թի վի»-ի ղեկավարութեան վերաբե-

²⁴ <https://www.ynetnews.com/category/3083> (01.04.2021):

²⁵ Նոյն տեղում:

²⁶ Նոյն տեղում:

²⁷ Նոյն տեղում:

²⁸ <https://www.gunaz.tv/fa/new/SH.A144-1618133066> (12.04.2021):

²⁹ Տե՛ս նոյն տեղում:

րումն ու դիրքորոշումը հայերի նկատմամբ. «Իսլամական համագործակցության կազմակերպության պատասխանատուները դատապարտեցին հայերի վայրագութիւնը³⁰» (հրատարակուած 2021 թ. ապրիլի 8-ին), «Սիբիրը Հայաստանի պատմական հողն է³¹» (հրատարակուած 2021 թ. ապրիլի 11-ին), «Արևմտեան Ադրբեջանի (Երևան) մտաւորականները դիմեցին ԻՒՆԵՍԿՕ-ին³²» (հրատարակուած 2021 թ. մարտի 25-ին) և այլն:

«Գունագ թի վի»-ի բաժինը աւարտենք ևս երկու վերնագիր նշելով. «Ադրբեջանի Արտաքին գործերի նախարար: Իսրայէլական զարգացած զէնքերը կարևոր դեր են ունեցել Ադրբեջանի յաղթանակում³³» (հրատարակուած 2021 թ. մարտի 25-ին) և «Նախագահ Ալիը Ուզբեկստանի «Տարուայ մարդ» հոշակուեց³⁴» (հրատարակուած 2021 թ. ապրիլի 4-ին):

Իրանի դէմ գործող պանթիւրքական կենտրոնն է «**Թաւրիզի հետազոտական կենտրոնը**³⁵», որը հիմնադրուել է 2016 թ. ապրիլի 2-ին և գտնուում է Անկարայում: Կենտրոնի նպատակներից է ուսումնասիրել աշխարհի տարբեր կէտերում, յատկապէս Իրանում և Ադրբեջանում գտնուող թիւրքերի լեզուն, մշակոյթը, քաղաքական, հասարակական, տնտեսական և մշակութային կա-

³⁰ <https://www.gunaz.tv/fa/new/%D%A%AF%D9%88%D9%86%D8%A7%D8%B2-%D8%AA%DB%8C-%D9%88%DB%8C-%DB%B1%DB%B9-%D9%81%D8%B1%D9%88%D8%B1%D8%AF%DB%8C%D9%86-%DB%B1%DB%B4%DB%B0%DB%B0-%D9%85%D9%82%D8%A7%D9%85%D8%A7%D8%AA-%D8%B3%D8%A7%D8%B2%D9%85%D8%A7%D9%86> (10.04.2021):

³¹ <https://www.gunaz.tv/fa/new/BuzbasErm%C9%99ni-1618147344> (11.04.2021):

³² <https://www.gunaz.tv/fa/new/Q%C9%99rbiAz%C9%99rbaycanUNE:SKO-1616680070> (11.04.2021):

³³ <https://www.gunaz.tv/fa/new/CeyhanBayramovisrail-1617616918> (11.04.2021):

³⁴ <https://www.gunaz.tv/fa/new/%C6%8Fliye%C4%B0linAdam%C4%B1-1617525582> (11.04.2021):

³⁵ <http://tebaren.org/fa/> (08.04.2021):

ռուցումը, նրանց կենսակերպը և յարաբերությունները այլ ժողովրդների հետ:

2020 թ. սեպտեմբերի 30-ին «**Թալիզի հետազոտական կենտրոն**»-ի կայքում հրատարակուել է «Թուրք-ադրբեջանցի մի խումբ ազգային և քաղաքացիական գործիչների յայտարարություն: Ղարաբաղը Ադրբեջանի հող է³⁶» վերնագրով, որտեղ գրուած էր, որ Ադրբեջանի Հանրապետութեան բանակը ի պատասխան Հայաստանի ոտնձգիչ բանակի գործողութիւնների՝ ռազմական գործողութիւններ է ձեռնարկել և ազատագրել Ղարաբաղի մի մասը, որը անցնող 28 տարիների ընթացքում Հայաստանի տիրապետութեան տակ էր: 1990-ական թուականներին տեղի ունեցած Ղարաբաղի պատերազմի ընթացքում հայերը ադրբեջանցի թուրքերի նկատմամբ ցեղասպանութիւն գործեցին և Իրանի այն ժամանակուայ պատասխանատուները հովանաւորեցին Հայաստանին, որը պատճառ դարձաւ միլիոնաւոր թուրքերի զգացումները վիրաւորուեն: «Այժմ մենք, Իրանում ադրբեջանցի մի խումբ ազգային և քաղաքացիական գործիչներս մեր կտրուկ և բացայայտ հովանաւորութիւնն ենք յայտնում այդ տարածքների ազատագրման գործընթացին՝ Հայաստան երկրի բռնազաւթումից և ԻԻՀ պատասխանատուներից պահանջում ենք նկատի առնելով Իրանի միլիոնաւոր թուրքերի զգացումներն ու հաւաքական խիղճը՝ վերջ տալ Հայաստանի պետութեան և նրա բռնազաւթումներին հովանաւորութեանը³⁷»:

Աւելին՝ դեռեա 2018 թ. ապրիլի 21-ին «Թալիզի հետազոտական կենտրոն»-ի և «Թուրքիայի՝ երկրից դուրս գտնուող թուրքերի և ազգակից հասարակութիւնների վարչութեան» հա-

³⁶ <http://tebaren.org/fi/?p=1444> (08.04.2021):

³⁷ Նոյն տեղում:

մագործակցութեամբ Անկարայում տեղի էր ունեցել «Հայերի ճնշումների հարիւրերորդ տարելիցի առիթով պատմական ճշմարտութիւններ: Հայերի ճնշումները Իրանի Արևմտեան Ադրբեջան³⁸ նահանգում³⁹» բնաբանով խորհրդաժողով: Խորհրդաժողովում Թուրքիայից, Ադրբեջանից և Իրանից բանախօսները քննարկել են վերջին հարիւր տարիների ընթացքում հայ զինեալ խմբերի «ճշնումների» և նրանց կողմից «շրջանի թուրքերի ցեղասպանութեան» թեման: Խորհրդաժողովն սկսել էր մէկ րոպէ լուրեամբ ի յարգանս Թուրքիայի Հանրապետութեան հիմնադիր Մուսթաֆա Քեմալ Աթաթիւրքի, Թուրքիայի ազատագրական պայքարի նահատակների, աշխարհի բոլոր վայրերում թիրաքական աշխարհի նահատակների, և Թուրքիայի ու Ադրբեջանի Հանրապետութիւնների հիմների ունկնդրմամբ:

Խորհրդաժողովում նշուել էր, որ շուրջ հարիւր տարի առաջ միայն Արևմտեան Ատրպատականի Ուրմիա, Սալմաստ և Խոյ քաղաքներում հայ և ասորի զինեալ խմբերի միջոցով մօտ 130.000 թիւրք է սպանուել, իսկ այդ թիւը շրջանի այն ժամանակուայ բնակչութեան մէկ երրորդն էր և այդ ծրագրի նպատակը շրջանը թիւրքերից մաքրելն ու Մեծ Հայաստան նախագծի իրականացումն էր: Խորհրդաժողովին համալսարանական դասախօսներից և փորձագէտներից բացի մասնակցել են նաև պետական համակարգում դեր ունեցած անձինք, ինչպէս՝ Թուրքիայի ազգային մեջլիսի նախկին պատգամաւոր Խալես Ուլուչ Գուրքանը:

Խորհրդաժողովի մասին նոյնիսկ մեր այս կարճ ներկայացումը ցոյց է տալիս, որայն կրում էր հակահայկական և հակաի-

³⁸ Ատրպատական:

³⁹ <http://lebaren.org/le/?p=977> (30.03.2021):

րանական բնոյթ, տեղի էր ունենում Անկարայում, որ նշանակում է Անկարան հովանաւորում էր այն և նաև Թուրքիայի նախկին պետական այրերը չէին վարանում մասնակցել նմանատիպ խորհրդաժողովին, որն իր հերթին բացայայտում է նրանց մտայնութիւնը:

Յատկանշական էր, որ «Հայերի ճնշումների հարիւրերորդ տարեկից» ասելով նկատի էր առնում 1918 թուականի ապրիլ ամիսը, երբ Օսմանեան Թուրքիայի բանակը ներխուժելով Ատրպատական՝ իրականացրեց տեղի հայ եւ ասորի ազգաբնակչութեան այն մնացորդների ոչնչացումը, որոնք փրկուել էին նախորդ՝ 1914 թուական ներխուժումից: Սա ցոյց է տալիս, որ Իրանում գործող պանթիւրքական կազմակերպութիւնները հանդիսանում են Թիւրքիայի ցեղասպանական քաղաքականութեան ժառանգորդները, ուստի եւ ուղղակիօրէն պատճէնում են ոչ միայն սեփական յանցագործութիւնները ժխտելու, այլեւ դրանք իրենց գոհերին վերագրելու Թուրքիայի պետական քաղաքականութեան կրողներն ու տարածողները Իրանի Ատրպատականում:

«Անկարայի իրանական ուսումնասիրութիւնների կենտրոն»⁴⁰-ը (IRAM), Իրանի և նրան առնչուող հարցերի ուսումնասիրութեան նպատակով հիմնադրուել է Անկարայում, 2016 թ.: Թէև կենտրոնի կայքում գրուած է, որ նպատակը Իրանի վերաբերեալ գիտական, ճիշտ և անաչառ ուսումնասիրութիւնների իրականացումն է, սակայն նոյնիսկ մի թեթևակի հայեացքը կայքում հրատարակուած յօդուածներին և ուսումնասիրութիւններին

⁴⁰ <https://iramcenter.org/fa/home/> (28.03.2021):

պարզից էլ պարզ է դարձնում կենտրոնի ղեկավարների հակասիրանական, հակահայկական և պանթիւրքական մօտեցումները:

Օրինակ, 2020թ. դեկտեմբերի 5-ին Կենտրոնի շիազիտության բաժնի պատասխանատու Մուշթաղ Ալիիլոյի (Mushtaq Al-Hilo) ստորագրությամբ լոյս է տեսել «Ղարաբաղի տագնապը, ճեղք յեղափոխութեան արժէքների և Իրանի արտաքին քաղաքականութեան միջև»⁴¹ վերնագրով մի յօդուած, որտեղ հեղինակը գրում է, որ Ղարաբաղի հարցի կապակցությամբ նկատի ունենալով, որ Իրանի պատմական, մշակութային, կրօնական, էթնիկական ընդհանրութիւնները Ադրբեջանի հետ անգամներ աւելի շատ են, քան Հայաստանի հետ, սպասելի էր, որ Իրանը առանց այլևայլի պաշտպանէր Ադրբեջանին, սակայն նա թէև երևութապէս անկողմնակալի դեր որդեգրեց, սակայն գործնականում պաշտպանեց Հայաստանին: Դրա պատճառը երեք տասնամեակ առաջ Իրանի արտաքին գործերի այն ժամանակուայ նախարար Ալի Աքբար Վելայաթին՝ Լիբանանի Հեզբոլլահի առաջին գլխաւոր քարտուղար Սոքիի Թեֆիլին բացատրել էր. «Հայաստանը մի պատմեշ է թիւրքալեզու հանրապետութիւններին Թուրքիային հասնելու ճանապարհին: Մենք կը կանգնենք Հայաստանի կողքին, որպէսզի արգելք լինենք թիւրքալեզու երկրների Թուրքիային հասնելուն»⁴²: Հեղինակն աւելացնում է, որ Ղարաբաղի վերջին պատերազմի ժամանակ Իրանը տեսնելով իր երկրի թիւրքերի լայնածաւալ հովանաւորութիւնը Ադրբեջանին, բարձրաստիճան հոգևորականների միջոցով յայտարարեց, որ Ղարաբաղը իսլամական հող է, սակայն իրականում

⁴¹ <https://iramcenter.org/fa/nagorno-karabakh-crisis-the-gap-between-the-values-of-the-revolution-and-irans-foreign-policy/> (28.03.2021):

⁴² Նոյն տեղում:

երկրի արտաքին քաղաքականության մէջ փոփոխութիւն չկար, իսկ վերջում երբ տեսաւ, որ պատերազմը այլ ելք ունեցաւ և յաղթեց Ադրբեջանը՝ բացայայտ կերպով պաշտպանեց Ադրբեջանին:

Մէկ այլ յօդուածում՝ «Արդեօ՞ք Իրանը Ղարաբաղի պատերազմի պարտուողն է⁴³» վերնագրով՝ կենտրոնի հասարակութիւն-մշակոյթ խմբի աւագ փորձագէտ Օմիդ Բաշարը գրում է, «2020 թ. սեպտեմբերի 27-ին Հայաստանը յարձակուեց Ադրբեջանի վրայ⁴⁴», «Ադրբեջանը իր տարածքներին վերատիրանալու նպատակով սկսեց շարժուել դէպի Ղարաբաղ⁴⁵», «Թուրքիայի ուղիղ և անմիջական ներկայութիւնը տարածաշրջանում պատերազմին յաջորդող օրերին այդ երկրի արտաքին քաղաքականութեան մէջ յաջողութիւն է համարում⁴⁶», «Իրանը ոչ միայն խուսափեց Հայաստանին «բռնազավթիչ» կոչելուց, այլ երկրի բարձրաստիճան պաշտօնեաների լեզուով և առանց որևէ փաստ ու ապացոյց ներկայացնելու, արծարծեց պատերազմում Ադրբեջանի օգտին սիրիական ջիհադիստական խմբերի ներկայութեան հարցը⁴⁷» և այլն:

Իրանի թիրաքախօս շրջանները թիրախ ընտրած պանթիւրքական կազմակերպութիւնները, հետազոտական կենտրոնները, նմանատիպ այլ հաւաքականութիւնները կամ անհատ գործիչները աւելի շատ են, քան այն, ինչ մենք ներկայացրինք մեր սոյն ուսումնասիրութեան մէջ, սակայն դրանից խնդրի էութիւնը չի փոխում:

⁴³ <https://iramcenter.org/fa/is-iran-a-loser-in-the-karabakh-war/> (28.03.2021):

⁴⁴ Նոյն տեղում:

⁴⁵ Նոյն տեղում:

⁴⁶ Նոյն տեղում:

⁴⁷ Նոյն տեղում:

Ատրպատականը թիրախ ընտրած պանթիոքական շրջանակները, լինեն դրանք Թուրքիայում, Ադրբեջանում կամ Իրանում, ունեն խիստ ընդգծուած հակահայկական և հակաիրանական մօտեցումներ:

Նրանք գլխիվայր շրջելով պատմական իրականութիւնը՝ հայերին համարում են եկուոր, Ղարաբաղը՝ ադրբեջանական հող, իսկ Ադրբեջանի, Իրանի և Թուրքիայի թիրքերի հանդէպ «ցեղասպանութիւն իրականացրած» Հայաստանը՝ սեպ Մեծ Թուրանի ճանապարհին:

Իսկ ահա Իրանը համարում են Հայաստանի բարեկամ, Իրանի թիրքախօսներին՝ ճնշուած, խտրականութեան, ֆաշիստական պետութեան զոհ:

Ադրբեջանի և Թուրքիայի հանրապետութիւններում, ինչպէս նաև Իսրայէլում և ԱՄՆ-ում այդ շրջանակների գործունէութիւնը թոյլատրելը և պանթիոքական գործիչների այդ երկրներ անարգել ել ու մուտն ապացուցում է, որ նշեալ երկրները ուղղակիօրէն պաշտպանում են պանթիոքական կազմակերպութիւններին և գործիչներին և բնականաբար հետամուտ են նրանց նպատակների իրականացմանը:

Պանթիոքիզմից առաջին հերթին վնասուելու է Հայաստանը: Արցախեան վերջին 44-օրեայ պատերազմը, դրանում Թուրքիայի ուղղակի ներգրաւուածութիւնը, Իրանի պանթիոքական շրջանակների հովանաւորութիւնը, պէտք է դիտարկել պանթիոքիզմի նման ծրագրերի շրջանակներում:

Պանթիոքիզմի նպատակների իրականացումից վնասուելու է նաև Իրանը: Իրանը շատ լուրջ մարտահրաւէրներ է դիմագրաւում ո՛չ միայն երկրի թիրքախօսների, այլ նաև այլ էթնիկ խմբերի անջատողական հակումների առումով: Արցախեան վերջին՝

44-օրեայ պատերազմի ժամանակ Իրանի կրաւորական պահուածքը վկայում է, որ այդ վտանգը բաւականին լուրջ է և երկրի ղեկավարութիւնը իր դիրքորոշումներում և գործողութիւններում նման սպառնալիքը նկատի առնելու հարկադրանքի տակ է:

Саркис М. Мкртчян, ЕГУ, факультет востоковедения,
Роль действующих в Иране пантюркистских организаций во
второй карабахской войне.

Развернутая 27 сентября 2020 г. против Карабаха Азербайджаном, Турцией и международными террористами 44-дневная широкомасштабная война, причинившая нашему народу большие человеческие, территориальные и материальные потери, еще раз напомнила армянской национальной политической мысли об угрозе пантюркизма.

Война показала, что пантюркизм, как идеология и политическое движение, существует не только в Турции и Азербайджане, но и в тюркоязычных районах Ирана, где действуют личности и организации, некоторые из которых открыто, а некоторые-тайно, работают над осуществлением планов по созданию Великого Турана. Среди них – «Национальная организация сопротивления Азербайджана», «Студенческое движение Южного Азербайджана» (AZON).

Широкомасштабную пантюркистскую пропаганду развернули также «Гюназ ТВ», который провозгласил себя «Голосом свободного Южного Азербайджана», «Исследовательский центр Тавриза», «Центр иранских исследований Анкары» (IRAM) и др.

Независимо от того, что они действуют не только в Иране, но и в Турции и Азербайджане, у всех присутствуют антиармянс-

кие и антииранские подходы. Это обстоятельство вновь ясно проявилось в их заявлениях, политических акциях или опубликованных сообщениях во время последней Арцахской войны.

В статье представлена антиармянская деятельность этих пантюркистских организаций, направленная против Арцаха в преддверии и в течение войны.

Открытая деятельность этих организаций в Азербайджане, Турции, а также в Израиле и США, и беспрепятственное посещение в эти страны пантюркистских деятелей, доказывает, что они прямо или косвенно защищают пантюркистские организации и их деятелей и тем самым, содействуют осуществлению их планов.

Sargis M. Mkrtchyan, YSU, Faculty of Oriental Studies, The role of Pan-Turkic organizations operating in Iran during the Karabakh Second War.

The 44-day large-scale war unleashed on September 27, 2020 against Karabakh by Azerbaijan, Turkey and international terrorists, which caused great human, territorial and material losses to our people, once again reminded the Armenian national political thought of the threat of Pan-Turkism.

The war showed that Pan-Turkism, as an ideology and political movement, exists not only in Turkey and Azerbaijan, but also in the Turkic-speaking regions of Iran, where individuals and organizations operate, some of which openly and some secretly work on the implementation of plans to create the Great Turan. Among them are the "Azerbaijan National Resistance Organization" and the "Southern Azerbaijan Student Movement" (AZON).

A large-scale pan-Turkic propaganda was also launched by “Gunaz TV”, which proclaimed itself “The Voice of Free Southern Azerbaijan”. “Tabriz Research Center”, “Ankara Center for Iranian Studies (IRAM)”, etc.

Regardless of the fact that they operate not only in Iran, but also in Turkey and Azerbaijan, all of them have anti-Armenian and anti-Iranian approaches. This circumstance again clearly manifested itself in their statements, political actions or published messages during the last Artsakh war.

The article presents the anti-Armenian activities of these pan-Turkic organizations directed against Artsakh on the eve of and during the war.

The open activities of these organizations in Azerbaijan, Turkey, as well as in Israel and the United States, and the unimpeded visits of pan-Turkic figures to these countries, prove that they directly or indirectly protect pan-Turkic organizations and their figures and thereby contribute to the implementation of their plans.

ԲՈՎԱՆԴԱԿՈՒԹՅՈՒՆ

ԿԱՐԵՆ Ս. ԹՈՒՆԱԹՅԱՆ

Գործիքը, փոխադրամիջոցը և կառույցները Հայաստանի
ժայռապատկերներում 3

ՀԱՅԿԱՐԱՄ Հ. ՀԱԿՈՐՅԱՆ

Քրիստոնեության հաստատումը Մեծ Հայքի պետական
կառավարման համակարգում 21

ՇԵՆՐԻԿ Ա. ԽԱԶԱՏՐՅԱՆ

Հայոց մարզպանների կառավարման հարցի շուրջ (VI դ.
երկրորդ կես – VII դ. 30-ական թթ.) 35

ՀԱՍՄԻԿ Հ. ԱՄԻՐՋԱՆՅԱՆ

Ամենայն Հայոց Կաթողիկոս Ղուկաս Կարնեցու դավա-
նաբանական գործունեությունը 59

ԼԻԼԻԹ Ս. ՔՈՍՅԱՆ

Կովկասի Կառավարչապետության ցուցաբերած օգնու-
թյունը արևմտահայ գաղթականությանը 1890-ական
թվականներին..... 73

ԱՐՓԻՆԵ Ռ. ԲԱՐԼՈՒՄՅԱՆ

Արևմտյան Հայաստանի Դիարբեքիի (Տիգրանակերտ)
գավառի հայ բնակչությունը XIX դարի վերջերին – XX դա-
րի սկզբներին 91

ԿԱՐԵՆ Գ. ՄԿՐՏՁՅԱՆ

Հայոց ցեղասպանության տարելիցների հիշատակումը
Իրանի հայ համայնքում 2000-2003 թվական-
ներին..... 120

ՀՈՒՓՍԻՄԵ Է. ՎԱՐԴԵՐԵՍՅԱՆ

Ֆրանկոֆոնիայի 17-րդ գագաթնաժողովը Երևանում 131

ՍԱՐԳԻՍ Մ. ՄԿՐՏՉԵԱՆ

Իրանում գործող պանթիուրքական կազմակերպությունների դերը ղարաբաղեան երկրորդ պատերազմում 151

СОДЕРЖАНИЕ

КАРЕН С. ТОХАТЯН

Инструменты, средства передвижения и постройки в наскальных изображениях Армении..... 3

АЙКАРАМ А. АКОБЯН

Утверждение христианства в государственную систему Великой Армении..... 21

ГЕНРИК А. ХАЧАТРЯН

К вопросу о правлении марзпанов Армении (вторая половина VI в. – 30-ые годы VII в.) 35

АСМИК О. АМИРДЖАНЯН

Вопросы вероотступничества в деятельности Католикоса всех армян Гукаса Карнеци..... 59

ЛИЛИТ С. КОСЯН

Помощь Кавказской администрации беженцам из Западной Армении в 1890-ые годы..... 73

АРПИНЕ Р. БАБЛУМЯН

Армянское население провинции Диарбекир (Тигранакерт) Западной Армении в конце XIX – начале XX веков 91

КАРЕН Г. МКРТЧЯН

Упоминание годовщины Геноцида армян в армянской общине Ирана в 2000-2003 годах 120

РИПСИМЭ Э. ВАРДЕРЕСЯН

17-й саммит Франкофонии в Ереване 131

САРКИС М. МКРТЧЯН

Роль действующих в Иране пантюркистских организаций во второй карабахской войне..... 151

CONTENT

KAREN S. TOKHATYAN

Implements, transportation means and constructions in rock-carvings of Armenia	3
--	---

HAYKARAM H. HAKOBYAN

The establishment of Christianity in the public administration system of Greater Armenia	21
--	----

HENRIK A. KHACHATRYAN

On the question of ruling of the Armenian Marzpanes (second half of the 6th c. – 30s of the 7th c.)	35
---	----

HASMIK H. AMIRJANYAN

Apostasy issues in the activities of Catholicos of All Armenians Ghukas Karnetzi	59
--	----

LILIT S. QOSYAN

The support of the Caucasian Administration to the migrants from Western Armenia in the 1890s.	73
---	----

ARPINE R. BABLUMYAN

The Armenian population of Diarbekir (Tigranakert) sanjak of Diarbekir (Tigranakert) province of Western Armenia at the end of the 19 th – beginning of the 20 th centuries	91
---	----

KAREN G. MKRTCHYAN

Commemoration anniversaries of the Armenian Genocide in the Armenian community of Iran in 2000-2003.....	120
--	-----

HRIPSIME E. VARDERESYAN

17th Francophonie Summit in Yerevan	131
---	-----

SARGIS M. MKRTCHYAN

The role of Pan-Turkic organizations operating in Iran during the Karabakh Second War	151
---	-----

Ի ԳԻՏՈՒԹՅՈՒՆ ՀԵՂԻՆԱԿՆԵՐԻ

ՀՀ ԳԱԱ պատմության ինստիտուտի «Հայոց պատմության հարցեր» տարեգրքին հոդվածներ ներկայացնելու չափորոշիչները.

- Հեղինակի անունը, հայրանունը, ազգանունը, գիտական աստիճանը, կոչումը, աշխատանքի (ուսման) վայրը, պաշտոնը, հեռախոսահամարը, էլեկտրոնային հասցեն:

- Հոդվածները ներկայացնել մինչև 15 էջ ծավալով, հայերեն, ռուսերեն և անգլերեն ամփոփագրերով (10-15 տող): Տառատեսակը հայերենի դեպքում՝ Sylfaen, այլ լեզուների՝ Times New Roman, տեքստի տառաչափը՝ 12, տողատակում՝ 9, միջտողային հեռավորությունը՝ 1.5, լուսանցքները՝ վերևից՝ 2, ներքևից՝ 2.5, ծախից՝ 3, աջից՝ 1:

- Գիտական աստիճան չունեցող հեղինակները պարտադիր պետք է ներկայացնեն հոդվածի մասին երաշխավորական գրություն գիտական ղեկավարից կամ գիտական (գիտակրթական) հաստատության համապատասխան մասնագիտական ստորաբաժանման կողմից:

- Հոդվածները պարտադիր ուղարկվում են գրախոսության, գիտական նորույթ չպարունակող կամ նախկինում հրատարակված հոդվածները չեն տպագրվում:

«Հայոց պատմության հարցեր» տարեգրքի բոլոր համարները էլեկտրոնային տարբերակով տե՛ս

<http://serials.flib.sci.am/openreader/test/index.html>

ՀԱՅՈՑ ՊԱՏՄՈՒԹՅԱՆ ՀԱՐՅԵՐ
(ԳԻՏԱԿԱՆ ՀՈԴԿԱԾՆԵՐԻ ԺՈՂՈՎԱԾՈՒ)

THE PROBLEMS OF THE HISTORY OF ARMENIA
(A COLLECTION OF SCIENTIFIC ARTICLES)

ВОПРОСЫ ИСТОРИИ АРМЕНИИ
(СБОРНИК НАУЧНЫХ СТАТЕЙ)

21

Ամփոփումների խմբագրումը՝ Հ. Խուրանյանի
Տպագրիչ՝ Լ. Մուրադյան

Տպաքանակը՝ 100 օրինակ

ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ
ИНСТИТУТ ИСТОРИИ НАН РА
INSTITUTE OF HISTORY OF NAS RA

ՀՀ, 0019, Երևան, Մարշալ Բաղրամյան պող. 24/4
РА, 0019, Ереван, пр. Маршала Баграмяна 24/4
24/4, Marshal Baghramyan Ave., 0019, Yerevan
<http://www.academihistory.am>

[1500pp.]

ԳԱՍ Հիմնարար Գիտ. Գրադ



FL0673563

ПА 136

2020N21